

河防通議

欽定四庫全書提要

河防通議二卷元沙克什撰

沙克什原大
作贍思今改正

沙克什

目人官至秘書少監事迹具元史本傳是書具論治河之法以宋沈立汴本及金都水監本彙合成編本傳所稱重訂河防通議是也沙克什系出西域邃於經學天文地理鍾律算數無不通曉至元中嘗召議河事蓋於水利亦素所究心故其爲是書分門者六門各有目凡物料功程丁夫輸運以及安椿下絡叠埽修堤之法條列品式粲然咸備足補列代史志之闕昔歐陽元嘗謂司馬遷班固記河渠溝洫僅載治水之道不言其方使後世任斯事者無所考是編所載雖皆前代合格其間

地形改易人事遷移未必一一可行於後世而準今酌
古矩矱終存固亦講河務者所宜參考而變通矣

原序

水功有書尙矣禹貢垂統於上而河渠書溝洫志續緒於下後世間亦有述逮宋金而河徙加數爲害尤劇故設備益盛而立法愈密其疏導則踐禹迹而未臻其壅塞則擬宣房而過之矣金時都水監有書詳載其事曰曰河防通議凡十五門其體制類今簿領之書不著作者名氏殆胥史之紀錄也今都水監亦存而用之愚少嘗學算數於真定壕寨官張祥瑞之授以是書且曰此監本也得之於太史若思後十五年復得汴本其中全列朱丞司點檢周俊河事集視監本爲小異雖無門類而援引經史措辭稍文論事略備其條目纖悉則弗若之矣署云朝奉郎尙書屯田員外郎騎都尉沈立撰

愚患二本之得失互見其叢雜紛糾難於討尋因暇日摘而合之爲一削去冗長考訂舛訛省其門析其類使粗有條貫以便觀覽而資實用云至治初元歲在辛酉四月吉日眞定沙克什序

河防通議卷上

四庫全書原本

守山閣叢書 史部

元沙克什撰

河議第一

古今河患

漢谷永以爲河中國之經濟也聖王興則出圖書王道廢則

竭絕今潰溢橫流漂沒陵阜異之大者也修政以應之災變

自除是時李尋解光亦言陰氣順

按前漢書原文作陰氣盛順字疑悞

則爲水

之長江河滿溢所謂水不潤下明天道有故而作也又田蚡

曰江河之決皆天事未易以人力强塞未必應天

按前漢書原文作未

易以人力强塞强塞之未必應天此處蓋有脫文

而望氣用數者亦以爲然愚稽考

前書三五之世非無失德之君而河不爲患者豈禹跡之存

欽
沈立
沐本

隄埽利病

易曰水流濕火就燥洪範曰水潤下火炎上此聖人言水火之本性也昔大禹治水導河自積石至於大陸播爲九河而歸於海蓋順物性而治之也由是功施三代民無昏墊之憂及乎戰國各利其地不能復禹故跡而務興隄防至於漢世決溢之患作矣當是之時議復禹跡者言甚懇至而卒不能用乃以竹槌石菑善塞爲利殊不知逆性而爲利則賈讓所謂猶止兒啼而塞其口豈不遽止然其死可立而待也烏可爲邪晉魏而下逮乎隋唐用事者往往極言水利至於河事則亦無著聞於時者我國家奄有天下自龍門至於渤海爲

埽岸以拒水者凡且百數而薪芻之費歲不下數百萬緡兵夫之役歲不下千萬功備禦河患不爲不至矣而自開寶之後潰溢愈甚議者謂必決之勢有二而完固之弊有三不敢支蔓其說粗別白而言之夫戰國之時作隄去河猶二十五里雖屢移徙而不爲患及乎漢世尙然近者百步遠者數里以今驗之則郡邑民房皆在舊日古隄之間耳又安得不爲患也然觀河水向著之處緊刷隄脚吞伏勢緊湍入埽下蓋由河隄太狹一川不能兼受數河之任雖增高隄防勞費百倍而亦不能救潰決之患耳此必決之勢一也又河水一石而其泥六斗旣而河道久不移徙其易爲淤澱也可知矣今隄外民田在河水之下幾已數尺故塞而復決此必決之勢

二也又監埽使臣與都水修護官及本州知通同兼管轄凡有繕治必候協謀方聽令于省轉取朝旨而後行其有可行之事爲一人所沮則遂爲之罷有不可興之功爲一人所主則或爲之行上下相制因循敗事此完固之弊一也又逐埽所積薪芻之備其退無涯不可按驗

謂卷埽所用之物無磨勘也

由是緣

而侵盜鮮能禁止退背之地任其朽敗至于向著之處居常

闕乏危急之際無所救護坐待潰決此完固之弊二也又每

埽所屯河清軍多是差撥上綱及諸處占役有河上功料却

自京東西淮南發卒爲之各離本管貧弊困苦逃死大半兩

失制置

河清諸熟河役却令上綱雜役客軍去營三二千里逃死者十四五故謂兩失制置

此完固之

弊三也今以必決之勢不完三弊而欲殄河患雖使神禹復

生恐未能也救弊之急莫若先擇使領之兵不令他役然後
商胡北決水復金隄故道則勞費自減其半矣隄防可責完
固矣若然則河患幾乎息歟

本

河事集序

河爲中國患遠矣故國朝嘉祐中內置都水監以總之元豐
中外復分南北丞以行之其如分職置吏辟舉繇役官兵謹
隄防植材木頒廩賜以至賞罰推劾之數有司號令之文皆
有成書閱而可考至若河之源流古今決塞與夫治水之成
敗建官之因革區區案局或未遍知俊竊役水司行將二紀
矣耳目見聞蓋亦多矣今不揆孱愚輒用採集庶我水局同
于吏道者或賜觀覽焉雖無取于毫分恐有補于萬一時建

炎二年秋望日銅臺本司進義副尉北丞司點檢文字周俊

集

本

治水

堯之時洪水滔天浩浩懷山襄陵下民昏墊二十年間四岳
舉鯀治水九年而水害不息功用不成治水無狀乃殛鯀于
羽山而死舜舉禹使續鯀之業堯崩舜命禹爲司空平水土
禹傷其父之功不成而受誅乃勞力焦思居外十三年過門

不入陸行車載水行舟載泥行乘橈

按尚書蔡沈集傳作泥乘輜史記作橈前漢書

作龜注孟康曰龜行如箕橈行泥上師古曰龜讀如本字

山行則楫

按尚書蔡沈集傳作山乘櫟史記作楫前

漢書作楫注居足反

以別九州隨山濬川任土作貢導河自積石至于

龍門南至于華陰東過洛汭至于大伾于是禹以爲河所從

來者高其水湍悍難以成功于平地遂疏九渠以引其河同爲逆河入于渤海三代千餘年享其利逮春秋二百四十年不書河患以禹所爲之功未易泛溢也自周定王五年河始小徙而秦復決以灌魏陵夷至于戰國其法壞而隄防作矣戰國之地惟齊與趙魏以河爲境界齊居河之東而趙魏居河之西趙魏依山而高齊居平地而卑于是齊始去河二十五里爲隄焉自是河流東抵而不得縱橫遂溢于西而趙魏亦二十五里爲之隄以防之河勢自此蹙然未至于甚者中間猶得二十五里之闊而河之流尙得優游而不至于迫也其後邊河之民因水之去則耕牧其中焉又爲室廬聚落以居焉及水之來也捐廬室聚落實有所迫之也古之善治河

者常空數百里之地以待之豈以咫尺之地爲吝而卒使民受其害也

河事集

辨信漲二水

信水者上源自西域遠國來三月間凌消其水渾冷當河有黑花浪沫乃信水也又謂之上源信水亦名黑凌漲水者係六月臨秋生發過常無定上有浮柴困魚其水腥渾驗是礬山遠水也又水兼深濃

或曰紅濃監本

十二月水名

正月解凌 二月信水 三月桃花 四月麥黃 五月瓜蔓 六月礬山 七月荻苗 八月豆花 九月霜降 十月伏漕 十一月噎凌 十二月蹙凌

監本

河水平安月分

正月 二月 三月 十月 十一月 十二月

釋十二月水名

黃河自仲春迄秋季有漲溢春以桃花爲候蓋冰泮水積

宋案

史河渠志作水泮雨積

川流猥集波瀾盛長二月三月謂之桃花月

宋案

史河渠志信水桃花水下載春末燕菁開花謂之菜花水此處宜有脫文

四月隴麥結秀爲之變

色故謂之麥黃水五月瓜實延蔓故謂之瓜蔓水朔方之地

深山窮谷固陰沍寒冰堅晚泮逮於盛夏消釋方盡而沃蕩

山石水帶礫腥

案原本作浩蕩山石山帶礫腥疑有誤今從宋史河渠志所引文改正

併流入

河六月謂之礫山水今土人常候夏秋之交有浮柴死魚者

謂之礫山水非也七月八月莢亂花出謂之荻苗水

案宋史河渠志

作七月菽豆方
秀謂之豆華水

九月以重陽紀候謂之登高水十月水落安

流復故漕道謂之復漕水十一月十二月斷凌雜流乘寒復

結謂之蹙凌水立春之後春風解凍故正月謂之解凌水水

信有常率以爲準

汴本與監本少異故兩存之

浪名

以辨河事監本

馬穩波

深

破頭浪

深

鵲鷁浪

斜斂浪

深

截河浪

納漕浪

係角土有阿岸下兩流相繫故謂納漕浪深旋

汗心浪

淺

秋河窟臀

若上

口有阿不

夏河口

若下口有阿上亦有阿

南風灘頭浪

淺

北風

浪裏河

東風看赤

是河

西風看白

是河亦名逆流浪

遠觀花浪

深

近作腳

深

灘頭斂

高

河北斂

深

西流

緣大河正流或左右

一處岸子陡高辨水向下與其餘生河水相聚作西流又有讓底西流係岸下水深或正西流左右岸陡高二水相擊作

拔底
西流

辨土脈

夫治水者必知地理形勢之便川源通塞之由功徒多少之
限土壤疏厚之性然後可以言水事矣且水害中國者惟河
爲甚禹跡旣亡自漢而下垂千餘年言水事者不可勝記而
未聞有成功者不其難乎今列土性與色于後

膠土 花淤 牛頭 沫淤 柴土 捏塑膠

若先見雜草
榮茂多生蘆

芟其下必
有膠土

減土 帶沙青 帶沙紫 帶沙黃 帶沙白

帶沙黑

此係舊河底死土或多年積
雜糞土經一紀以上變成者

沙土 活沙 流

沙

走沙

此三等活動走
沙土或功

黃沙

死沙

細沙

一云
賦沙

河防令

一每歲選舊部官一員詣河上下兼行工部事督令分治
都水監及京府州縣守漲部夫官從實規措修固堤岸如所
行事務有可久爲例者卽關移本部仍候安流就便檢覆次
年春工物料訖卽行還職

一分治都水監道勾當河防事務並馳驛

一州縣提舉管勾河防官每六月一日至八月終各輪一員
守漲九月一日還職

一沿河兼帶河防知縣官雖非漲月亦相輪上提控

一應沿河州縣官若規措有方能禦大患及守護不謹以致
堤岸疎虞者具以奏聞

一河橋埽兵遇天壽聖節及元日清明冬至立春各給假一

日祖父母父母吉凶二事并自身婚娶各給假三日妻子吉凶二事者止給假二日其河水平安月分每月朔各給假一日若河勢危急不用此令

一沿河州府遇防危急之際若兵力不足勸率于擬水手人戶協濟救護至有幹濟或難迭辦須合時暫差夫役者州府提控官與都水監及巡河官同爲計度移下司縣以近遠量數差遣

一河防軍夫疾疫須當醫治者都水監移文近京州縣約量差取所須用藥物並從官給

一河埽堤岸遇霖雨漲水作發暴變時分都水司與都巡河官往來提控官兵多方用心固護無致爲害仍每月具河埽

平安申覆尙書工部呈省

一除滹沱漳沁等河

以其各有婦兵守護

其餘爲害諸河如有臥著衝

刷危急等事並仰所管官司約量差夫作急救護其蘆溝河

行流去處每遇泛漲當該縣官與崇福埽官司一同叶濟固

護差官一員係監勾之職或提控巡檢每歲守漲

此令係金時所著並

見監本

制度第二

開河

自古但遇開河宜于上流相視地形審度水性測望斜高于冬月記料至次年春興役開挑仍于上口存留隔堰必須漲月以前終畢待漲水洪發隨勢去隔堰水入新河乘勢順下

可以成功開河之法非止一端又須審勢疎導假若河勢丁字正撞堤岸剪灘截背撩淺開挑費功不便但可解目前之急亦有久而成河者如相地形取直開挑先須鈴口下

謂上平

岸口也

望分水勢以解堤岸之危若全要奪大勢更于對岸拋

下樹石脩刺

刺音七

于刺影水勢漸以樹石鈴固河口因復填

實損而復脩遂至堅固不摧塌則新河迤邐行流舊河自然

淤塞矣

本

閉河

先行檢視舊河岸口兩岸植立表杆次繫影水浮橋使役夫得于兩岸通過兼蔽影河流緊勢於上口難前處下撒星椿拋下樹石鎮壓狂瀾然後兩岸各進草紵三道土紵兩道又

于中心拋下席袋土包子若兩岸進絰至近合龍門時得用手持土袋土包多廣拋下鳴鑼鼓以戰河勢此亦吳人以萬弩射潮之意既閉後于絰前捲攔頭壓埽于絰上脩壓口堤若絰眼水出再以膠土填塞牢固仍設邊檢以防滲漏

汴本

定平

定平之制既正四方據其位置于四角各立一表當心安置水平其制長二尺四寸廣二寸五分高二寸先施立椿在下高四尺安纂在內椿上橫坐水平兩頭各開小池方一寸七分深一寸三分注水于中以取平或中心又開池者方深同身內開槽子廣深各五分令水通過于兩頭池子內各用水浮子一枚用三池者水浮亦用三枚水浮子方一寸五分高

一寸二分刻上頭令側薄其厚一分浮于池內望兩頭水浮之首參直遙對立表處于表身畫記卽知地形高下

二本同

修砌石岸

凡修砌石岸先開掘檻子嵌坑若用闊二尺深二丈開與地平順河先鋪線道板一片次立簽樁八條各長二丈內打釘五尺入地外有一丈五尺于簽樁上安跨塌木板六片每留三片每片鑿孔兩個中間撒子木六條于撒子木上用稈草一束勻鋪先用整石脩砌修及一丈後用荒石再砌一丈一例高五尺第二層除就舊簽樁外依前鋪塌木板撒子木稈草再用石段脩砌高五尺第三層亦就舊分例于上脩砌高一丈功就三層通高二丈

二本皆同

捲埽

埽之制非古也蓋近世人創之耳觀其制作亦椎輪于竹槌石菑也今則布薪芻而捲之環竹絙以固之絆木以係之掛石以墜之舉其一工以稱之則曰棗

案棗音混字書大束也

棗既下又

以薪芻填之謂之盤簞兩棗之交或不相接則以網子索包之實以梢草塞之謂之孔塞盤簞孔塞之費有過于埽棗者蓋隨水去者大半故也其棗最下者謂之撲崖埽又謂之入水埽棗之最居上者謂之爭高埽河勢向著恐難固護先于堤下掘坑捲埽以備之謂之陷埽疊二三四五而捲者蓋河壩皆沙壤疎惡近水卽潰必借埽力以捍之也下埽棗既朽則水刷而去上棗壓下謂之實墊于上又捲新埽以壓之俟

定而後止凡埽去水近者謂之向著去水遠者謂之退背水入埽下者謂之緊刷向著之刷積棄有長三二百步或至千步者埽棄之高自十尺有至四十尺者其棄之長不過二十步故一埽稍墊動爲二三十棄計其薪芻竹石兵士之費已二三萬緡官得其人則可省三之一官不得其人則費加倍若洪水泛溢走流埽棄下埽旣去上埽搖動謂之埽喘大危矣汴本

築城

此非河事但以近河城郭間若水圯亦或用之物料附

凡城高四十尺則厚加高二十尺其上斜收減高之半若高增一尺則其下厚亦加一尺上收亦減其半若高減則亦減之開地深五尺其廣隨城之厚每身一十五步栽永定柱一條長視城高徑一尺至一尺二寸夜叉各二條每築高五尺

橫用紅木一根甕城至馬面之類準此每構椽三尺用草蓆

一條木櫪一箇

監本

脩砌石岸每步兩縫合用物料

二本

簽樁八條

各長二丈徑二寸八分

撒子木一十八條

各長二丈徑六寸

扎縫草

三束

各一十斤

線道板一片

長五寸闊一尺厚三寸

石段一千三百三十

三塊三分

各長一尺五寸厚闊各一尺荒整各半

塌木板一十八片

各長一丈三尺闊九

寸厚打攀樁一條櫪三條竹索二條

安置壩閘一座物料

本

廂板八十片礮土板八十片底板四十片四擺手板六十片

以上計二百六十片各長一丈五尺濶一尺厚二寸截河板

六十片

長六尺濶一尺厚二寸

刺水板二十片

各長七尺濶一尺厚二寸

吐水板二

十四片

各長一丈一尺厚二寸

板櫪四十八箇

各長六尺方三寸

立貼木一

十二條

各長一丈五尺厚四寸

臥貼木三十條

各長六尺厚四寸

金口立

貼木四條

各長一丈五尺厚五寸

壓板地榱九條

各長二丈四尺厚二寸

轆

頰木入條

各長一丈五尺厚五寸

順水地榱二條

各長三丈二尺厚七寸

過水

地榱二條

各長三丈厚七寸

排槎木柱二十條

各長二丈一尺厚六寸

角柱四條

各長二丈一尺厚五寸

金口柱二條

各長二丈一尺厚五寸

一尺厚

襯板地榱一十二條

各長二丈四尺厚八寸

吐水地榱五條

各長一丈

三丈濶

刺水地榱二條

各長二丈五尺厚六寸

涎衣梁四條

各長一丈

六尺濶

門渠榱一條

長二丈四尺厚六寸

攀面拽後櫪八條

長一丈七尺

腳板二片

長一丈五尺厚六寸

閘板八片

長二丈三尺濶一尺

四寸厚

地丁五十八條

各長六尺厚六寸

吐水椿三十條

各長七尺厚七寸

鳳翅椿二十條

各長二丈二寸

呬口木四條

各長二丈五尺

永定柱

五十二條

各長二丈二寸

拽後木五十二條

各長一丈七尺

轉軸四

條

各長七尺

上下水攔口椿一百六十條

各長七尺

丁鐵梁

頭計三千八百七十八箇平蓋五寸丁三千一百一十二箇

候頭一尺丁三百四箇梁頭鉤五十二道

長一寸厚三分

金釘

梁頭三寸丁三百一十二箇

每首六箇板釵股三十二箇

起板鈎索三十二條

各長四尺

打板索上鈎環二副

鈎長五寸

鑲經掛板鈎搭三十二箇

鈎長八寸

雜用物料好麻索四條

二條長三十尺

徑三寸二

油八十斤石灰二百四十斤

三斤和油

一斤爲劑
固縫使用

四擺手合脩盤木岸各八步合用物料

例每三尺六寸使梢草一束簽

椿一條梢草中
停填埽坑同

梢六百九十束草六百九十束簽椿三十條什物席二十片
拷棹二十箇檐索二十條各長二丈

捲埽物色

有梢草有竹
索有椿有櫟

山梢

出河陰諸山埽軍採斫舟運而下分
置諸埽場以其堅直可久故用之

雜梢

卽沿河採斫
榆柳雜梢或

誘民輸
納者

心索

大小皆百尺此索在
埽心橫捲兩係之

底樓索

搭樓索
在上日

東腰索

使單

多令繩頭索

兩端用之
繩音孤

芟索

捲埽密排用
之亦名綽蓼

斯綯索

長二十尺小
竹索也以弔

壁網子索

以竹索交結如網置
兩埽之交以實盤簞

簽椿

長一丈八尺埽上以雲
梯簞下之以貫下埽

枋櫟

長二尺首端安
橫牙故云枋櫟

辟櫟

長五尺卽槥櫟
盤簞卽用之

小櫟

長一尺五寸
以接索頭

墜石

大小規模類碓
以斯綯索貫其竅

捲埽器具

制脚木

用大木枋先置埽臺上以觀鋪埽使其勢不滯也

制木

以枋爲之先置埽下以制綿菱

三脚

拒馬

亦用拒埽使不進有進往往不用

進木

以圓木作轉軸按類而推之每捲埽即用五七枚于棗下使埽

棗不

長木簍

爲以圓木爲之四出樞廓方木爲之狀恃以下椿

短木簍大小簍小

石簍

皆同上

卓鈎

以鐵爲鈎貫木柄用鋪埽勻稍草

推梯

以大木徑尺許者爲之每二尺鑿一竅以

橫木貫之捲埽用數百人拱其橫木推埽棗又有火橫梯蜈蚣梯其制一也但大小不同雲梯如梯橫跨椿首人立以待簍打椿

卓斧拍把櫟木杪棒三稜木草牛土牛土捧頭

綿索通河索

皆雜用上並汴本

捲埽棗高一丈長二十步合用物料

計用三千八百五十條東梢一千一百束

六百八十七束半鋪埽四百一十二

東半盤簍

草二千六百二十五束

若捲牛子梢倍草數

二千一百七十束埽

一千三百五十六束二分半鋪

四百五十五束打綿菱

有艾盡用

簽椿九條

簞埽用二丈壓埽用一丈或三丈

擗檣七條

亦名檣檣用簞埽

拽後檣六

十條竹索四十九條綿蓑三百五十條小檣料索計數此其

大略也但取見用以爲準臨時損益則在其人

監本

造船物料

監本

船每一百料長四十尺面濶一丈二尺底濶八尺五寸斜深

三尺計用板木二百二十三條片底板二十四片

長一丈濶一尺四寸

厚一寸半遠板四片

長一丈四尺濶一尺一寸厚二寸半

幫板二十二片

長一丈濶一尺

一寸厚艨板八片

長一丈二尺濶一尺一寸厚一寸半

巾頭板二片

長七尺七寸濶一尺厚二寸

平漫板一片

長七尺濶一尺一寸厚一寸半

側昂板一片

長七尺濶一尺一寸厚二寸

壓

查板一片

長七尺濶一尺一寸厚二寸

照水板二片

長八尺濶一尺一寸厚一寸半

上下連

塘板二片

長八尺濶一尺二寸厚二寸

前檣二條

長一丈濶八寸厚四寸

後檣二條

長九尺五寸濶八寸厚四寸

堵板一十二片

並濶一尺厚一寸半四片長一丈一尺八寸一丈二尺

腰梁一十二條

長一丈二尺濶四寸厚三寸

地極木二十條

長九尺濶四寸厚三寸

壁柱二十四條

長三尺濶四寸厚三寸

熟柱二十六條

長三尺濶四寸厚三寸

二條

長一丈四尺濶五寸厚四寸

金口木一條

長四尺濶一尺厚八寸

順身梁二條

長一丈四尺濶五寸厚四寸

鋪觀板三十六片

桅杆一條長一尺或尺二寸徑四寸

軸四條

長一丈二尺濶四寸厚三寸

艫板一十片

長三尺五寸濶一尺厚一寸

桅牙一

條

長七尺五寸濶四寸厚三寸

轉軸一條

長七尺中徑四寸

丁鉤三千六百八十

五箇

丁三千六百一十一箇

拐丁二千四百九十七箇匙頭丁二

十箇

長二寸平蓋丁二百二十一箇四寸六百四十三箇

重十二箇

三寸一百八十四箇梁頭丁四十六箇汗環一十四

副各重四兩

馬銬六十箇雜用油五十三斤一十五兩石灰一百

六十一斤一十三兩

例三斤灰用一斤油和

麻搗八斤攬索一條竹白

一秤竹梢半秤稈草半秤起奏窪子柴四十秤什物棹六條

各長二丈五尺徑二寸

棹二張

棹頭板

舵管一

長二丈二尺徑五寸

橛一條

徑三寸半

鞴一扇

頭板長一丈濶四寸半厚二寸鞴蹠長九尺五徑四寸半

竹檀一合長三百

五十尺

用八破竹五竿縛纏麻一斤半

大小麻索九條計重三十斤

繫索一條麻索

入榮纜索一條八檀麻索一條

長三丈五尺徑七分重案重字下原本脫去斤數

風

絳索一條汗索六條

長六十尺徑三分重五斤

帆幔一合縫幔線好麻一

十四兩棹纂六箇

各重一斤半

釘纂丁六箇

各一寸半平蓋丁一十八

箇橛纂一箇

重斤半

釘纂丁八箇

竹葦諸索

捲埽竹索

長一百尺用八破竹陝西竹二十五竿懷州竹三十一竿小較索

長四十尺圍一寸半用竹

四竿圍二寸手索長七十五尺定石索長二百尺用綻索長七

半用竹六竿長七十五尺通河索長二百五十尺圍一尺二寸攔杆索

長二百五十尺圍二寸用八破竹四五百五十竿用八破竹二十三竿長二百五十尺圍二寸

圍一尺二寸用一十二束每束重十五斤圍一尺用八束三分三釐

圍九寸用六束七分五釐圍七寸用四束八分

綿荆蓼

綿蓼長七十五尺徑三寸使草一束三荆蓼長七十五尺圍

二斤每束重三十斤打蓼二條平又按脩木岸常例荆二十五斤打蓼三條

明昌七年定到打造捲埽竹索法

嵩州元納到八破竹自後監造竹索官辦驗得竹細小各有

長一二分准充七破竹每條用二十四竿懷州竹破不等破十

竹用一十六竿九破竹用一十八竿八破竹
用二十竿七破竹用二十八竿梢尺短少
二寸竹四十二竿三十半竹二十八竿四
寸竹二十一竿元二十四竿梢尺短少
隨掃使用竹索制
不用白小較索每條用八破竹二竿不用白止用青篾子兩
股合成長二丈圍二寸半秤制得剩下白重二斤四兩稍根
重六兩手索每條用八破竹二十一竿用篾子三股合成長
七十五尺圍四寸得竹白二十二斤捲掃大索每條用八破
竹二十一竿用竹篾纏裹竹白三股合成長一百尺圍六寸
所剩竹根二十一箇重六十三兩

河橋司使用竹索

拋定索每條用八破竹八十竿不用白止用青篾子三股合
成長二百尺圍五寸剝下竹白五十七斤一十二兩二分竹

河防通議卷上終
根八十箇重一十五斤三兩二分綻索用人破竹二十五竿
用青篴子三股合成長七十五尺圍四寸剝下竹白一十八
斤五兩竹根二十五箇重四斤一十二兩

河防通議卷下

功程第四

功程

按唐六典凡役有輕重功有短長法以四五六七月爲長功
二三八九月爲中功十十一十二正月爲短功看詳得夏至
日長有至六十刻者冬至日短有至四十刻者若一等定功
則枉棄日刻甚多唐六典稱功以十分爲率長功加一分短
功減二分凡役夫每日收五時辰功每時收二分如遇風雨
寒暑所避時除破役夫每日辨明入役酉時放罷

河防緊急不拘此例

夏至後至立秋自己正至未正兩時放役夫憩息

埽兵假日

天壽節元日清明冬至

並給假一日

祖父母父母吉凶事并己身

嫁娶

並給假三日

妻子吉凶事

給假二日

脩築開掘等功

凡運土脩填積水並量水淺深尺寸爲法增減土尺若有合用梢草者下椿打索繫繫打邊櫃水設禁紕欄之類皆折功水深一尺收土九分水深二尺收土八分水深三尺收土七分水深四尺收土六分水深五尺收土五分水深六尺收土四分水深七尺收土三分水深八尺收土二分

開掘脩砌石岸

若旋開掘脩砌每以二十尺爲功專以脩砌五十尺爲功

打椿

板下開掘檻子嵌坑以五十尺爲功若遇泥水以三十尺爲功

折補脩砌巖空以三十尺爲功開掘裝擔子開掘裝擔出土以三百尺爲功裝擔出土以二百五十尺爲功擔出土以三百尺爲功添用碎磚瓦三分打築以五十尺爲功

打築臺身

開掘裝土以二百尺爲功

擔運遠近計地
里臨時增減

打築以四十尺爲

功

開掘柱窩

開掘出土以一百尺爲功打築以三十尺爲功覆入壤土折

五十尺爲功

敲破磚瓦篩沙添用
碎磚瓦抄三分在內

行牆檻子

開掘出土入土以一百二十尺爲功

添用磚瓦三分

打築以五十尺

爲功

開挑塞河

開挑裝檐

有泥濘以一百五十尺爲功般檐有泥濘以七十五尺爲功無泥濘以三百尺爲功

一百尺爲功

打築堤道

開掘裝檐以二百尺爲功

地里遠近別計拆除

打築以八十尺爲功

築牆

例於牆下留捍水臺五尺外取土每功土尺開列于後

高七尺取土五十尺高八尺取土四十七尺高九尺取土四

十四尺高一丈取土四十一尺牆下無土二十步外取土作

貼堤法細計之高五尺取土四分三釐

以前土尺爲十分此只取四分三釐也

高六尺取四分一釐五毫高七尺取四分高八尺取三分八釐五毫高九尺取三分七釐高一丈取三分五釐五毫高一丈一尺取三分四釐高一丈二尺取三分三釐五毫

築牆每步功程

高七尺每步三功高八尺每步四功高九尺每步五功高一丈每步六功高丈一每步七功高丈二每步八功

雜作功例

造船一百料合用功役船匠一百六功鋸匠一百六功鑄匠一百六功計三百一十八功

雜役夫在外

打樁日下取功每二十

人爲朋二丈至一丈八尺每朋二十條一丈六尺至一丈四尺每朋二十五條檣檣後檣每朋六十條籠打高鎚樁頭

水手每十三人爲朋打八條爲功

每條該一功六分二釐半

打索婁接索功程

捲埽竹索以一條爲功

長徑見料例

小較索以七條爲功

圍二寸半者四

條爲功

手索以一條爲功定石索每條四功綜索每條一功半

通河索每條三十四功欄杆索以一條爲功綿婁以十二條

爲功

長四十八尺以十條爲功

荆婁以十二條爲功接心索攢七三廝接

擔五緇爲十功接婁索兩廝折接三十緇爲十功

採打石段

每一十塊爲功各長一尺五寸濶厚各一尺重一百二十斤

荒整各半用石匠一工體夫一工係每功採斫五段二人共

得十塊若依常例每夫一名前去舜神山採般石段一去三

十里往迴六十里每塊長一尺五寸濶厚各一尺重一百二

十斤每六十斤爲功計二日納前項石一塊荒整各半鐵匠小爐

填鎚燃鑿大爐打鐵桁在外

斫椿大小皆以三十條爲功

斫櫟材

長一尺五百根爲功長三尺一百根爲功

削櫟子

長二百箇爲功短四百箇爲功

剗剗榆柳

榆以八束爲功柳以十二束爲功上樹斫柳枝以一百根爲

功長六七尺截在內

栽柳枝用引櫟以二百根爲功

斫尖在內

栽柳棹子

以二百箇爲功

計合栽月分十月至正月終

雜栽榆柳三百根爲功

斫櫟坑

子下栽打築
檐水在內

澆灌榆柳擔水依檐土例

鋤剗榆柳每五畝爲一功

若難鋤者臨時增減

挑塹遮榆柳以一百二

十尺爲功

只是擺土岸上兼于塹外邊遭拍土成岸垠其塹自方一丈五尺深三尺

河勢緊急望

青採斫榆柳自管束縛青松以二十束爲功芟草以二十五

束爲功

元十五束疑爲二十束濕重三十斤

榆柳檉以二十五束爲功青雜

梢自管斫束以二十束爲功

帶柰濕重三十斤

束亂梢草自管打芟

以一百束爲功河場收芟草雜青紫八月秋成下手每功三

十束九月減五束十月十一月又減五束河勢危急轉迴牽

拽浮橋腳船擺布繫泊遮影水勢每船一隻折五百功打淨

鐵以四斤爲功功錢五百四十文泥補牆壁以二百尺爲功

仰泥以一百尺爲功

輸運第五

定功腳例

舊定新里埃比舊里埃一百里計一百一十里明昌二年二月二十五日準牒奉戶部看定到舊里埃細算得比新里埃一百里計一百十四里

百里百斤腳價

平州

春冬季一百三十五文夏秋季一百五十七文

山險

春冬季一百單九文夏秋季二百文

水腳

定到椿櫟下水行百里每重一石腳錢四十文三分六絲每石定一百一十五斤每一百斤該腳錢三十五文四釐五毫

稍草每束一十五斤每斤腳錢三分五釐四絲四忽計該腳錢五文二分五釐六毫六絲

清河上水每百里腳價

明昌六年七月十五日戶部委差官斷定清州每斤腳錢三貫九百四十文滄州腳錢每斤三分九釐四毫

陸運

凡般擔諸物每擔重六十斤往還六十里爲一功

臺捍椿橛

明昌七年本監申刑部准擬定例

椿長三丈六人一條二丈五尺五人一條二丈四人一條拽後橛七尺五寸一人一條捍橛二丈五尺二人一條簽橛一丈二尺或一丈一人一條出渡竹機解圻上岸竹每人一百

竿不論大小木一丈二尺至一丈四尺每人四十條一丈八尺至

二丈徑六寸每人二十五條二丈二尺至二丈五尺每人一十

五條積垛梢草就近般使以二百尺爲功積垛結山苦蓋般運用積尺見後

般至朶下每功三百束場外般至場裏每功二百束結山苦

蓋每功一百束

水運

輕重船上下水日行里路上水重船日行三十五里輕船日行五十里下水重船

日行一百里輕船日行二百里

裝船斤重

河橋司渡船每隻各長七十尺口濶一丈八尺係八百料今比附定到三百料至八百料船合裝般運物數合用樑梢埽

兵如後

三百料一十五人下水裝一萬六千二百五十斤上水裝六
千斤四百料一十八人下水裝二萬一千六百五十斤上水
裝八十斤五百料二十一人下水裝二萬七千五百斤上水
裝一萬斤六百料二十四人下水裝三萬二千四百五十斤
上水裝一萬二千斤七百料二十七人下水裝三萬七千四
百五十斤上水裝一萬四千斤八百料三十人下水裝四萬
三千二百五十斤上水裝一萬六千斤二百料小船合裝

物料梢裝六百束草裝七百束竹索二百一十條椿

三丈二
十條二

丈五三十五條二丈七
十條一丈六尺八十條

拽後櫟三百條

七尺
五寸

簽櫟

一丈百
條二

櫟一百條

一丈
五尺

般運石段

若用三百料船可載一百五十塊棹梢水手一十八人船四十五尺濶一丈除前後水倉占訖一丈五尺外有三丈每尺爲一十料每一料容重六十斤沿山河放船行若呼小尾是船頭直上行呼擡尾是船頭直下行

歷步減土法

鐵杵功
例附

凡一步內取土以一百尺爲功每展一步則減土積一尺

謂兩

步取土則以九
十九尺爲功

展至五十步以五十尺爲功每十人破鐵杵

二功五十一步至一百步取土每展五步減土一尺展至一百步以四十尺爲功每十五人破鐵杵二功一百一步至二百步取土每展十步減土一尺五寸展至二百步以二十五

尺爲功每二十人破鋤杵二功二百一步至三百步取土每
展一十步減土六寸展至三百步以一十九尺爲功每二十
五人破鋤杵二功三百一步至四百步取土每展一十步減
土五寸展至四百步以一十四尺爲功每三十人破鋤杵二
功四百一步至五百步取土每展十步減土三寸展至五百
步以一十一尺爲功每三十五人破鋤杵二功五百一步以
上計擔子往來六十里每石重六十斤爲功若展步則皆以
里法三百六十步約爲里數計擔子遭數折土尺爲功

謂如五百

四十步爲一里半二十遭爲六十里折一十尺爲功

展至三千六百步以一尺五寸爲

功每四十人破鋤杵二功

此亦以行六十里擔六十斤爲率每一石土得實積五百寸蓋上自

方一寸重二兩五百寸則一千兩總爲六十斤單四兩以此爲率折爲土功

若遇泥濘泉石之類

并冬月地凍日短雨雪官司臨時相度增減

本監定例諸物尺寸斤重 椿每一尺重八斤三丈重二百

四十斤二丈五尺重二百斤二丈重一百六十斤一丈二尺

重五十四斤一丈四十五斤拽後櫪每尺五斤七尺五寸三

十七斤半元定三十八斤擗櫪每尺七斤四分一丈五尺一百二十

一斤竹索每尺一斤半長一百尺一百五十斤梢每束一十

五斤葦每束一十五斤草每束一十三斤荆每束三十斤

諸石斤重

前定石每塊長三尺濶二尺厚一尺重七百二十斤後定石

每塊長一尺濶一尺厚一尺重一百二十斤元定一百三十斤經角

山正石自方一尺重一百三十斤艾葉青石自方一尺重一

百二十七斤白石并沙石自方一尺重一百二十斤舜神山石長一尺五寸濶厚各一尺重一百二十斤

荒淨鐵斤重

荒鐵一秤收淨鐵七斤四兩五錢

用炭二秤

枋木積寸

黃青松簽赤栝自方一尺重二十五斤

方寸重四錢

白栝自方一

尺重二十斤

方寸重三錢二分

常例枋長一丈六尺濶一尺二寸厚

六寸得積一萬一千五百二十寸每尺積七百二十寸自方

一尺積一千寸每寸重四錢每四十寸重一斤自方一尺重

二十五斤

係四兩百兩

前積計二百八十八斤

山雜木

橐欒榆槐之類

自方一尺重三十斤方寸重四錢八分

芟草青雜柴

濕重三十斤半乾重二十三斤至入場時重一十五斤全乾

雜運諸物斤重

土自方一寸重二兩

泥重三兩

塼自方一尺重八十七斤半

方寸重一

兩四錢

瓦自方一尺重九十斤一十兩

方寸重一兩四錢半

黃金方寸重

一斤玉方寸重一十二兩錢一貫重五斤

係入十陌

米每石重一

百六斤一十二兩

定一百斤

粳米一斗重一十七斤糯米一斗重

一十八斤一十五兩鹽一斗重一十斤濕鹽一斗重一十二

斤蜜一斗重一十二斤半漆一斗重一十斤油一斗重九斤

椿梢徑寸

椿長二丈至三丈中徑六寸大徑八寸小徑四寸擬櫪長一丈五尺中徑五寸大徑七寸小徑三寸拽後櫪長七尺五寸中徑三寸大徑四寸半小徑一寸半

榆柳梢束徑寸

上等徑一尺五寸中等徑一尺至一尺四下等徑五寸至九寸

算法第六

雜法

假令有草一萬三千五百束各重一十三斤欲折一十五斤草問折多少答曰一萬一千七百束法曰置草一萬三千五百束在地以十三斤乘之得積一十七萬五千五百斤以所

折草重一十五斤約之合問

假令使綿萆三百五十條每條用草一束三分問計用草多少答曰四百五十五束法曰置綿萆數三百五十在地以一束三分乘之合問

假令竹二十八竿打索一條今有竹一千五百六十八竿問打多少答曰五十六條法曰列竹一千五百六十八竿以二十八竿約之合問

假令有工三百三十三人每三人打索二條問打多少答曰二百二十二條法曰置人數在地按異乘同除法二因三除得數合問

假令有梢草一萬五千三百五十束過腳赴場送納議定百

里百斤腳錢二百四十四文每束一十五斤到場九十里問
總該腳錢多少答曰五百五貫六百二十九文法曰列百里
腳錢二百四十四文以乘九千里得二十一貫九百六十文
以百里約之得九十里腳錢二百一十九文六分卽百斤腳
錢也以百斤約之得二文一分九釐六毫爲一斤腳錢以每
束十五斤通之得三十二文九分四釐爲一束腳錢又以總
梢草數乘之得數合問

積垛

假令有梢草一垛長八十步濶四十步山高九尺砧高八尺
問爲梢多少答曰五千束法曰長濶各以步法五尺通之復
相乘得八百尺寄左又折半山高加入砧高得一十二尺半

爲停高以乘前數得萬尺爲總梢積以每束積二尺約之合問

假令有芟草一垛長四步濶二步半砧高五尺山高六尺問積多少荅曰一千束法曰置濶二步半歸尺得一丈二尺五寸長四步歸尺得二丈相乘得積二百五十尺寄左置山高折半加入砧高得八尺以乘寄左得二千尺以二尺約之合問

假令有枋一條長三丈五尺濶一尺五寸厚一尺二寸問積多少荅曰六萬三千寸法曰長濶相乘得五千二百五十寸以厚一尺二寸乘之合問

假令桅一條長三丈三尺大頭徑一尺二寸小頭徑九寸問

積多少答曰二萬七千四百七十二寸半法曰置大小徑各三因之爲周大周得三尺六寸小周得二尺七寸按積寸法大周自乘小周自乘大小周相乘三位併之得二千九百九十七寸以三十六約之得一尺積八十三寸二分半以長三丈三尺通之得數合問

竹索積寸

圍三寸每尺積一十五尺圍四寸每尺積二十六尺六寸六分圍五寸四十一尺六寸六分圍六寸六十尺圍七寸八十一尺六寸六分圍八寸一百六尺六寸六分圍九寸一百三十五尺圍一尺一百六十六尺六寸六分圍一尺一寸二百一尺六寸六分圍一尺二寸二百四十尺圍一尺三寸二百

八十一尺六寸六分圍一尺四寸三百二十六尺六寸六分
圍一尺五寸三百七十五尺法曰置圍三寸自乘得九寸去
二得七分半四因折半得一丈五尺爲每尺積寸其餘以類
推之各見每尺積寸

此法未詳
姑存其舊

假令截脩堤長三十四步中濶三十五尺高七尺三十步取
土問積多少都功幾何荅曰積四萬一千六百五十尺五百
九十五功法曰高濶相乘得二百四十五尺以步法五尺通
之得一千二百二十五尺爲每步積以長三十四步乘之得
四萬一千六百五十尺爲都積三十步取土例以七十尺爲
功以七十尺除都積得都功合問

假令補修一百步舊堤高一丈五尺濶三尺五寸用夫二百

人五日功畢問遠近取土以幾何爲功荅曰一百四十步取土三十四尺爲功法曰高濶相乘以步法五尺通之得一步積又以長一百步通之得二萬六千二百五十尺爲總積寄左置二百人以五日通之爲一千功以除總積得二十六尺二寸半爲一功積卽築堅積也折開地三十四尺以厯步減土法考之乃一百四十步取土也合問

假令修堤一料長一千步高一丈用三千人以五十尺爲功三日畢問濶多少荅曰濶九尺法曰置每功五十尺以三千人通之得一十五萬尺爲一日功積又以三日乘之得四十五萬尺爲都功積以長一千步乘之得四百五十尺爲一步積以步法五尺約之合問

假令堤長九百步高一丈今欲封濶一十步用二千人以五十尺爲功三日畢問高多少答曰一尺三寸三分二釐法曰置每功五十尺以二千人乘之得一十萬尺爲一日功以三日乘之得三十萬尺爲都積以長九百步除之得三百三十三尺爲每步積

不盡打零

以高一丈約之得數以濶一十步折五

十尺半之爲停濶以除之

蓋斜結成勾股故用停濶

假令脩堤長三百七十五步直高八尺外貼東頭濶一丈五尺西頭濶二丈七尺欲從東脩接長一百二十二步問住處闊幾尺答曰濶一丈九尺二寸二分四釐法曰置西頭濶二丈七尺除卻東頭濶一丈五尺外有一丈二尺以長三百七十五步除之得三分二釐爲每步差以接長一百三十二步

乘之得四尺二寸二分四釐爲接住處差復加入東頭濶一丈五尺共爲接住處合間

假令築堤長四十步南頭高六尺下濶三丈四尺北頭高四尺下濶二丈六尺一例面濶一丈問積多少荅曰二萬一百三十三尺三分尺之一法曰倍南高加北高得一丈六尺又併南頭上下廣折半得二十二尺爲停濶以乘之得三百五十二尺寄左倍北高加南高得一丈四尺又併北頭上下廣折半得一丈八尺爲停濶以乘之得二百五十二尺與寄左相併得六百單四尺置長四十步歸尺得二百尺以乘之得一十二萬八百尺爲六段積以六除之不盡者作餘分合間并櫪法自乘并櫪堤面

櫪堤面自方一尺兩旁入土打築一百二十件

謂如高半寸

以每步積土寸半乘之便是每步高之積土也如要覓每步虧功以每虧半寸乘每步功數便是也

假令築圓臺一座上周三丈下周六十丈高一丈五尺問積多少

按此下脫答曰一條

法曰上周自乘得九百尺下周自乘得三千

六百尺上下周相乘得一千八百尺三位相併共得六千三百尺以高乘之得九萬四千五百尺以三十六除之合問

假令築方臺一座上方三丈二尺下方五丈六尺高四十八尺問積多少答曰七千九百三十六尺法曰上方自乘得一千單二十四尺下方自乘得三千一百三十六尺上下方相乘得一千七百九十二尺三位相併得五千九百五十二尺以高尺乘之得二十八萬五千六百九十六尺以三十六除

之合問

假令築土牛一座上長二丈五尺下長三丈五尺上濶一丈下濶二丈高一丈八尺問積多少荅曰八千一百尺法曰上下長相併折半得三丈爲停長又上下濶相併折半一丈五尺爲停濶相乘得四百五十尺以高尺乘之得數合問

捲埽

除心索例常例捲埽梢三草七心索積于梢積內除之諸埽高濶不等例長二十步定高濶各一尺合除心索五尺今列合除心索積于後

高濶各五尺除一十二尺五寸六尺除一十八尺七尺除二十四尺五寸八尺除三十二尺九尺除四十尺五寸一丈除

五十尺一丈一尺除六十尺五寸一丈二尺除七十二尺一
丈三尺除八十四尺五寸一丈四尺除九十八尺一丈五尺
除一百一十二尺五寸一丈六尺除一百二十八尺一丈七尺
除一百四十四尺五寸一丈八尺除一百六十二尺一丈九
尺除一百八十八尺五寸二丈除二百尺法曰置高濶一尺依
圓法自乘三因四除得積七寸半又置高濶五尺自乘三因
四除得積一十八尺七寸半按異乘同除法以例除心索積
五尺乘之以一尺積七寸半除之得一十二尺五寸合問

推之

又法曰置各高濶自乘以五尺通之合問

此法甚要

假令捲埽一束長二十步高濶各一丈問積多少合用梢草
幾何荅曰梢一千一百束草二千六百二十五束法曰高濶

自乘三因四除得七十五尺又以長一百尺乘之得七千五百尺爲都積以稍草積二尺除之得三千七百五十束乃稍草共數也按稍三草七三因十除得一千一百二十五束外餘一千一百束又置稍草共數七因十除得二千六百二十五爲草數合問

假令有埽墊坑一百八十步濶二十步深一丈五尺每三尺六寸用稍草一束中半用之間各多少答曰一千八百七十五束法曰長濶步歸尺相乘得九千尺以深一丈五尺乘之得一萬三千五百尺爲積以三尺六寸除之得三千七百五十束半之合問

假令埽墊外展離堤欲上捲重埽固護長二十步濶一丈五

尺深七尺至一丈問使梢草幾何荅曰梢草共六百三十七束半法曰二深相併半之得八尺五寸以元濶乘之得積一百二十七尺半爲一尺積以步法五尺通之得六百三十七尺五寸爲每步積以長二十步乘之得一千二百七十五尺爲都積以每束積二尺約之合問

假令剏填水渲一處長七步廣六步深一丈于三十步取土修填問積多少幾功可畢荅曰積一萬五百尺總一百五十功法曰置廣歸尺以深乘之得三百尺以長步歸尺乘之得一萬單五百尺爲都積三十步取土以七十尺爲功七十約之合問

假令捲牛子高濶各一尺例梢倍草數問使梢草各多少荅

日梢一束二分半草六分二釐半法曰置高濶一尺爲圓徑
自乘得一百寸三因四除得七十五寸爲每尺積以步法五
尺通之爲每步積三百七十五寸以每束積二尺約之得梢
草共數三除爲草數倍之爲梢數合問

假令脩木岸一料長一千三百五十步高濶各八尺例每三
尺六寸使梢草一束簽椿一條梢草各用中半問使椿梢多
少答曰椿一十二萬條梢草一十二萬束

各該六萬束

法曰高濶

相乘得六十四尺以步法五尺通之得三百二十尺爲每步
積以長一千三百五十步乘之得四十三萬二千尺爲都積
以三尺六寸約之合問

開河

假令開渠河一道正長五百步東頭上濶一千單四十尺下
濶一千尺西頭上濶八百九十尺下濶八百五十尺同深一
丈總積二千三百六十二萬五千尺一百步取土以四十尺
爲功計五十九萬單六百二十五功今欲分一十四萬四千
四百五十功問截長濶多少答曰截長一百二十步截濶九
百單六尺截上濶九百二十六尺
截下濶八百八十六尺法曰置東頭上下濶相併
折半得一千單二十尺爲停大濶又置西頭上下濶相併折
半爲八百七十尺爲停小濶以減停大濶餘一百五十尺爲
濶差以正長五百步除之得三寸爲每步差立天元爲截長
一以乘每步差爲截住處濶差三加停小濶共爲截處濶三
加停大濶爲二段停截濶三以深一丈乘之爲二段每

尺積五因爲二段每步積

五

以元一截長乘之爲二段截

積

五

五

○

寄左

元截功歸積二之得一千一百五十五萬六

千尺與寄左相消得一千一百五十五萬六千尺爲實九萬四千五百尺從一十五從隅平方開之得一百二十步爲截長置截功歸積得五百七十七萬八千尺以截長歸尺除之得九千六百三十尺以深一丈除之得九百六十三尺倍之內減停大濶一千單二十尺餘九百單六尺爲停截濶倍之得一千八百一十二尺爲上下截濶併內減上下濶差四十二尺餘半之得八百八十六尺爲截下濶復加四十尺得九百二十六尺爲截上濶合問

河防通議卷下終

河防通議後序

六府三事允治禹功莫大焉猶幸其書之存而可考也僉憲沙公得之講求脩齊治平之暇取金宋河防通議一書合而訂正之可謂有用之實學僕貳郡真定嘗得而推行之茲來嘉禾鑄梓于學以廣其傳三吳水利能取則焉則是編又豈止於防河而已哉至元四年戊寅八月望日亞中大夫嘉興路總管兼管內勸農事和元昇跋

廬山記

附廬山記畧

欽定四庫全書提要

廬山記三卷附廬山記略一卷宋陳舜俞撰舜俞字令舉烏程人所居曰白牛村因自號白牛居士慶歷六年進士嘉祐四年又中制科第一歷官都官員外郎熙寧中出知山陰縣以不奉行青苗法謫南康監稅事迹具宋史本傳舜俞謫官時與致仕劉渙游覽廬山嘗以六十日之力盡南北山水之勝每恨慧遠周景武輩作山記疎略而渙舊嘗雜錄聞見未暇詮次舜俞因採其說參以記載耆舊所傳畫則山行夜則發書考證泓泉塊石具載不遺折衷是非必可傳而後已又作俯仰之圖尋山先後之次以冠之人服其勤自記云余始遊廬山

問山中塔廟興廢及水石之名無能爲予言者雖言之
往往襲謬失實因取九江圖經前人雜錄稽之本史或
親至其處考驗銘志參訂耆老作廬山記其湮泐蕪沒
不可復知者則闕疑焉凡唐以前碑記因其有歲月甲
子爵里之詳故并錄之庶或有補史氏云云其目有總
敘山篇第一敘北山篇第二敘南山篇第三而無第四
五篇圖亦不存勘驗永樂大典所缺亦同然北宋地志
傳世者稀此書考据精核尤非後來廬山紀勝諸書所
及雖經殘缺猶可寶貴故特錄而存之釋惠遠廬山記
略一卷舊載此本之末不知何人所附入今亦併錄存
之備參考焉

廬山記略

宋 釋惠遠 撰

山在江州尋陽江南南濱宮亭北對九江江之南爲小山去
小山至十餘里左挾彭澤右傍通川引三江之流西據其會
山海經云廬江出三天子都引彭澤西入江一曰天子障彭澤
也山在其西故舊以所濱爲彭蠡有匡裕先生者出自殷周
之際遁世隱時潛居其下或云裕受道於仙人共遊此山遂
託室崖岫卽巖成館故時人謂其所止爲神仙之廬因以名
山焉其山大嶺凡有七重圓基周迴垂五百里風雲之所摠
江湖之所帶高崖仄宇峭壁萬尋幽岫窮巖人獸兩絕天將
雨則有白氣先搏而瓔珞於山嶺下及至觸石吐雲則倏忽

而集或大風振崖逸響動谷羣籟競奏奇聲駭人此其變化不可測者矣眾嶺中第三嶺極高峻人跡之所罕經也昔大史公東遊登其峰而遐觀南眺三湖北望九江東西四目若涉天庭焉其嶺下半里許有重巘上有懸崖傍有石室卽古仙之所居也其後有巖漢董奉館於巖下常爲人治病法多奇神驗絕於俗醫病愈者令栽杏五株數年之中蔚然成林計奉在民間近二百年容狀常如三十時俄而昇仙遂絕迹於杏林其北嶺西崖之間常有懸流遙注激勢相趨百餘仞中雲氣映天望之若山在霄霧焉其南嶺臨宮亭湖下有神廟卽以宮亭爲號安侯世高所感化事在安侯傳七嶺同會于東共成峰堦其崖窮絕莫有昇之者有一夫見人著沙門

服凌虛直上既至則迴身踞其鞍良久乃與雲氣俱滅此似
得道者當時能文之士咸爲之異又所止多奇觸象有異北
背重阜前帶雙流所背之山左有龍形而石塔基焉下有甘
泉涌出冷暖與寒暑相變盈滿經水旱而不異尋其源仍出
於龍首也南對岑岑上有奇木獨絕於嶺表數十丈其下似
一層佛浮圖白鶴之所翔玄雲之所入也東南有香鑪山孤
峰秀起遊氣籠其上則氤氲若香烟白雲映其外則炯然與
眾山殊別天將雨其下水氣湧起如車馬蓋此卽龍井之所
吐其左有翠林青雀白猿之所憩玄鳥之所執書南有品山其
狀似雙闕壁立千餘仞而瀑布流焉其中鳥獸草木之美靈
藥萬物之奇焉可得聲名哉略舉其異而已耳遊廬山記并

詩自記此二十三載凡再詣石門四遊南嶺始入林渡雙闕
所則踐其基登涉十餘里乃林表迤步少許便得重嶠東望
香爐秀絕眾形北眺九江目流神覽過此轉覺道隘而狹力
進復數百步方造頽嶺積石連阜霜嶠相乘及鑒斯觀三倍
於前矣然後攀弱條陟峭逕足怠體疲僅達孤松其下有盤
石可坐十人四瞻遼朗寓目長懷用茲暢而悟曰小大之相
出量不可窮高下之相傾豈孤顯於氣象也哉于時日將禺
而未中訊諸行人去松林尙有三四五里旣至乃傍林際憩
龜嶺視四嶺之內猶觀掌焉水至松林又有石懸溜其下條
然使人目眩斯瀑布之源三流之始水霏天池已備敘於別
記其上有雙石臨虛若將墜而未落傍有盤崖紆迴壁立千

仞翠林被崖萬籟齊響遺音在岫若絕而有聞請尋所由似
境窮其邃器深其量故也傳聞有石井方湖是所未踐乍覩
之者疑爲神淵中有赤鱗湧出狀若龍魚野人不能取直歎
其奇而已耳每因暇時追述所經覺情無定位以所遇爲通
塞或撫常事而牽于近感至言而達遠更以俯圓池之內
思不出局乘高眺物乃發深懷嗟咏不足聊復寄以興云

五言遊廬山

崇巖吐清氣幽岫栖神跡希聲奏羣籟嚮出山溜滴有客獨
冥遊逕然忘所適揮手撫雲門靈關安足闢流心叩音聽感
至理弗隔孰是騰九霄不奮冲天翮妙同趣自均一悟超三
益

五言奉和劉隱士遺民

理神固超絕，涉麓罕不羣。
孰至烟外曉，然與物分冥。
冥玄谷裏響，集自可聞交。
峰無曠秀交，嶺有通雲悟。
深婉冲思在，要開冥欣中。
巖攤漱興臨，岫想幽聞弱。
朋友歸鑒暴，懷博靈薰永。
陶津玄匠落，照俟虛昕。


五言奉和王臨駕喬之

超遊罕神遇，妙善自玄同。
徹彼虛明域，茲塵封眾阜。
平寥廓一岫，獨凌空霄景。
憑巖落清氣，與時雍有標。
造神極有客，越峰長河濯。
茂楚險雨列，秋松危步臨。
絕冥靈壑映，萬重風泉調。
遠氣遙響多，喈噍遐麗既。
悠然餘覲九江事，屬天人界常聞清吹空。

五言奉和張常野

覲嶺混太象望崖莫由險器遠蘊其天超步不階漸揭來越
重垠一舉披塵染遼朗中天盼向豁遐瞻慊乘此攄瑩心可
以忘遺玷曠風被幽宅妖途故死滅

廬山記略



廬山記卷一

四庫全書原本

守山閣叢書 史部

宋陳舜俞撰

金山錢熙祚錫之校

總敘山篇第一

案太史公曰余南登廬山觀禹九江前漢郊祀志云元封中武帝浮江自尋陽出樅楊過彭蠡禮其名山大川桑欽水經云廬江出三天子都北過彭澤縣劉昭注續漢志酈道元注水經並用惠遠語又豫章舊志云匡裕字君平夏禹之苗裔也或曰字君孝父東野王與吳芮佐漢定天下而亡漢封裕於酈陽曰越廬君裕兄弟七人皆好道術遂寓情於洞庭之山故謂之廬山張僧鑒尋陽記廬山東南有三宮所謂三天子都也廬宮溪水出焉上宮人所不至有三石梁長十餘丈

闊盈尺其下無底中宮在別巖悉是大石兩邊有小員峰號
爲石障封爲形若羊馬夾道相對下宮彭蠡湖際宮亭廟舊
所也山高二千三百六十丈圓基周回垂五百里其山九疊
川亦九派郡國志曰疊障九層崇巖萬仞懷靈抱異包諸僊
迹尋陽記又云秦始皇十七年東登廬山以望九江至上霄
峰以與霄漢相接因命之峰後有刻石云是夏禹所刻丈尺
里數文字不可辨伏滔遊山序曰廬山者江陽之名嶽其大
形也背岷流面彭蠡蟠根所據亘數百里重嶺桀嶂仰插雲
日俯瞰川湖之流焉王彪之山賦敘曰廬山彭澤之山也雖
非五嶽之數穹隆嵯峩實峻極之名山也孫放山賦曰尋陽
南有廬山九江之鎮也臨彭蠡之澤接平敞之原張野廬山

記天將雨則有白雲冠峰或亘巖中俗謂之山帶不出三日
必雨每雨其下成潦而上猶皎日峰頭有大盤石可坐數百
人以上皆述此山也宋支曇諦賦云惜哉壯麗峻極氤氲包
靈奇以藏器蘊絕峰乎青雲景澄則巖岫開鏡風生則芳林
流芬嶺奇故神明鱗萃路絕故人迹自分巖清升仙於玄崖
世高垂化於邾亭應真凌雲以踞峰眇忽翳景而入冥或豫
聞其清塵妙無得而稱名也若其南面巍嶠北背岩壑懸霤
分流以飛湍七嶺重嶸而疊勢映以竹栢蔚以檉松縈以三
湖帶以九江嗟四物之蕭森爽獨秀於玄冬美二流之潺湲
津百川之所衝峭門百尋峻闕于仞香爐吐雲以像烟甘原
通窟而先潤梁元帝廬山記夫日月麗天皇穹所以貞觀川

岳帶地后土所以惟寧廬山者亦南國之德鎮雖林石異勢而雲霞共色長風夜作則萬流俱響晨暝曉吟則百嶺齊應東瞻洪井識曳布之在茲西望石梁見指寶之可拾誠復慕類易悲山中難久攀蘿結桂多見淹留其餘古今賦咏不可備載實天下之名山也江州在山北二十里本在大江之北尋水之陽因名尋陽今蘄州之蘭城卽其故址咸和九年刺史溫嶠始自江北移於湓城之南義熙元年刺史郭昶移居江夏八月孟懷玉還治尋陽太清二年蕭大心因侯景之亂欲依險固乃移於湓口城仍號懷玉舊城爲故州張僧鑒尋陽記云湓口城灌嬰所築漢建平中孫權經北城命鑿井通中古發得石函銘曰漢六年穎陰侯開卜云三百年當塞後

不百年當爲應運者所開權欣然以爲己瑞井極深湓江有
風浪井水輒動邦人號應浪井故李白下尋陽城泛彭蠡詩
云浪動灌嬰井尋陽江上風今井在衙城內之西圍城上有
北樓下臨湓江憑高眺遠爲一郡之勝陳散騎常侍張正見
湓城詩云閑山暖遠壑灌壘屬中流城花飛照水江月上明
樓案晉書庾亮傳云亮在武昌諸佐吏殷浩之徒乘秋夜共
登南樓俄不覺亮至人將避之亮曰諸君少住老子於此處
興復不淺便據胡牀與浩等談咏竟夕則事在武昌之南樓
也後人以亮嘗爲江州刺史因名此曰庾樓實非當時秋夜
所登之遺址也是郡前世或號九江或號尋陽唐袁楊氏李
氏代有其地升爲奉化軍節度皇朝開寶四年平江南降爲

軍州事太平興國三年升星子鎮爲縣仍隸焉七年割星子
與建昌都昌三縣置南康軍於是山南屬南康山北屬江州
矣

廬山記卷一

廬山記卷二

叙山北篇第二

由江州之南出德化門五里至延壽院舊名羅溪壇過延壽院五里至石塘橋有濂溪周郎中之隱居周名惇頤字茂叔道州人仕宦有才略早慕高名樂廬山之勝因家尋陽創別墅于貢郭自名曰濂溪過濂溪東入寶嚴禪院十里北至太乙觀亦十里寶嚴舊曰雙溪景德三年賜今名院當官道吳乾貞二年僧常真始基焉常真荆南人姓田氏人謂之田道者勤身耕斲以待四方遊者二林僧修睦號楚湘東西二林監寺譚論大德官命廢省庵舍睦謂之曰今撤子所宇則何歸乎田曰本是林下人却歸林下去睦異其言因加敬待贈

之詩曰入門空寂寂真箇出家兒有行鬼不識無心人謂癡
古巖寒柏對流水落花隨欲別一何懶相逢所恨遲由是歷
南唐爲中山之表字顯德六年元宗賜田使給諸庵巖無田
者歲取其糧者二十六庵巖南抵吳章山五里由嶺下北行
一里道西有雲慶庵舊名雲鏡因流泉爲池多畜魴鯉歲已
久游泳甚狎由雲慶西一里至寶積庵松竹蒙密白雲亭在
其上北望湓江盤石可坐數人鳴泉過其下此山北僧庵之
最佳者雲慶寶積皆在寶巖之南由雲慶過寶巖亦三里寶
巖之東十五里有下龍泉院太一觀北別有龍泉庵故此以
下別之由龍泉十里至尊勝庵由尊勝庵八里至白鹿臺由
白鹿臺十五里至仁壽院由仁壽院十里至香積院由香積

院三十里至長嶺院長嶺院者彭蠡湖之別嶼也凡下龍泉至香積非在山間然山人野客窮覽幽遠皆嘗至焉水聲野色有足嘉者香積之西二十里有山南開先寺之場圃曰大富莊過大富則遊山之南矣寶巖之西一里至龍池庵舊名冒峰由冒峰五里至庵巖莊由庵巖莊一里至禪智院舊名淨居其後有綠野亭由禪智院五里至大中祥符觀舊名太乙宮祥符中賜今名葛洪神仙傳曰董真人名奉字君異閩中侯官人少有道術交趾太守士燮死已三日奉以一九藥與服以水含之捧其頭搖捐之食頃開目動手顏色漸復半日能起坐四日能語遂復常後居廬山治人之疾不取貲幣使愈者植杏五株數年鬱茂成林奉乃作倉廩宣言人買杏

者不須來報但一器杏償一器稻人有欺者猛獸輒逐之所
 積稻復以施人後上昇號碧虛上監是觀卽杏林之故地也
 唐昇元六年徐知證作真人廟記又有保大十二年記今存
 焉氣象肅然過者敬而不敢褻沼泉游魚尤爲蕃狎或曰真
 人杏林在山南張景詩云桃花謾說武陵源誤殺劉郎不得
 仙爭似蓮花峰下客栽成紅杏上青天今蓮花峰在觀後觀
 之北五里有龍泉庵初遠法師至於廬山愛此閒曠欲結庵
 焉地無流泉師以杖刺地應時泉涌浸爲溪流旣而尋陽歲
 旱遠師誦龍王經於池上俄有龍起而上天雨乃大足故號
 龍泉龍泉之南十里有妙智院舊名行春亭由妙智五里至
 蛇岡高僧傳云安世高安息國王之太子讓國於季父而出

家漢魏閒行達邾亭湖時湖神能分風上下敬憚因與同旅三十餘船奉牲請福神忽降祝曰吾昔外國俱與子出家學道而性多嗔恚故墮神報今見同學悲欣不可勝言世高請神出形神乃出大蟒頭不知尾之長短世高向之梵語贊頌數番蟒悲淚如雨須臾還隱廟有絹千匹并雜寶物世高爲持去豫章造東寺焉後人於山西澤中見一死蟒頭尾數里今尋陽郡虵村是也故名其岡曰虵岡虵岡之下五里至太平觀太乙觀之西南二里又有國泰庵其西上有蓮花峰十里峰頂有蓮花庵由國泰五里至報恩庵由報恩一里至雲際庵由雲際二里至永清庵亦名下蓮花庵永清之澗北有牛道人隱居由永清之西一里至雲溪庵亦名蓮花洞自太

乙觀至雲溪凡佛老之居八同在蓮花峰下由雲溪二里亦至太平觀唐號九天使者真君廟南唐昇元元年賜名通玄府本朝興國二年賜今名錄異記云唐開元十九年八月二十一日玄宗夢神仙羽衛千乘萬騎集於空中有一人朱衣金冠乘車而下謁帝曰我九天採訪巡糾人間欲於廬山西北置下宮木石基址素具但須上力耳帝卽遣中使詣山西北有基址宛然信宿巨木數千段自然而至堂殿廊宇隨類至木皆得足用或云此木九江王所採擬作宮殿沈於湓浦至是浮出赭堊丹黃鑿廟北地得之綵飾備足旣而建昌渡有靈官五百餘人若衣道士服者皆言詣使者廟因塗像於壁或曰明皇始以夢告左右左右不信俄有神降於庭綵雲

乘足儀仗侍衛甚偉明皇命吳道子走筆寫之其所立像卽
依倣焉始置廟記李泚撰泚自稱蘄州黃梅縣東山衡門之
下草茅臣開元二十年歲次壬申正月乙巳朔二十五日已
已立其略曰勅置廟使內供奉將使者眞圖建立祠廟章醮
行道設醮使大弘道觀法師張平公使持節江州諸軍事守
江州刺史獨孤禎朝散大夫行長史楊楚五行司馬皇甫楚
玉尋陽縣令魏昌同護修奉焉又有使者祥驗記開元二十
年壬申三月八日辛亥宣義郎行彭澤縣尉潘觀撰述祥驗
之事五略曰江水泛溢吹棧近山計木纔登水復舊一也野
竹散材則連岡距谷丹粉雜色則穴出崖生二也謝土之夜
風雲空潛仙燈遠照三也渡彭蠡湖謁廟者數百人舟人所

得翊日皆紙錢四也騎從龍虎刻削馭人或土或木入廟成
列忽有汗出其面者五也其碑歲久誤缺治平三年重立復
有張靈官記靈官名懷武蔡之禪將嘗有陰功及物帝命爲
靈官廟壁之像五百人張其一人焉事詳本記癸酉歲開寶
六年上元日御史大夫徐玄撰右內史舍人集賢學士徐鉉
書辭多不載觀門之左有劉越石至道中郡守考功員外郎
孫邁始立碣置祠焉昔匡裕廬於山有少年屢詣之自通曰
姓劉名越家在前山之左邀裕過之且曰至山下有石高二
尺許卽予居可叩之裕後如約而往至山下四顧無居室果
唯一石乃叩之石爲之開因遇神仙洞府之事慧遠記云裕
受道於仙人者蓋謂此也觀旁有仙鄉亭下視樓觀儼若洞

府遊者皆登焉太平觀之西南五里有清泰庵由清泰庵一里至廣澤院舊名龍潭在院之東南之山上五里若歲皇郡縣必禱焉由廣澤下山至太平興國寺七里寺前之水曰清溪溪上有清溪亭寺晉武帝太元九年置舊名東林唐會昌三年廢大中三年復皇朝興國二年賜今名法師諱慧遠俗姓賈鴈門樓煩人師道安於恆山爲安高弟始住荊州上明寺後欲之羅浮道由廬山居龍泉精舍去東林十五里而遠旣而學侶寢眾同時慧永禪師已居香谷山請結鄰好刺史桓伊亦所欽仰乃置寺焉事具寺碑開元十九年七月十五日前陳州刺史李邕撰并書會昌三年僧雲臯始刻石焉時裴休爲江南西道觀察使張又新爲江州刺史實助成之裴

題其篇末云覽北海詞翰想見風采張亦作記於碑陰大中
十年四月十三日沙門玄觀請河東裴光遠篆額光遠國子
監太學博士初遠師之欲徙香谷也山神告夢曰此處幽靜
足以棲神忽於後夜雷雨震擊明旦視之惟素沙匝地兼有
梗相文梓良木旣作殿故名神運牛僧孺太和四年自武昌
還朝過之爲書其榜神運之殿四字又有木數尺南唐元宗
題曰神運木今並存焉會昌中寺與林木並係戶部毀賣大
中興復刺史崔黯爲捐私錢以倡施者搢紳從者數百人姓
名爵里今刊於石仍藏當時之疏亦崔之詞也崔又作復寺
碑左散騎常侍柳公權書流泉匝寺下入虎溪昔遠師送客
過此虎輒號鳴故名焉陶元亮居栗里山南陸修靜亦有道

之士遠師嘗送此二人與語合道不覺過之因相與大笑今
世傳三笑圖蓋起於此神運殿之後有白蓮池昔謝靈運恃
才傲物少所推重一見遠公肅然心服乃卽寺翻涅槃經因
鑿池爲臺植白蓮池中名其臺曰翻經臺今白蓮亭卽其故
地遠公與慧永慧持曇順曇恒竺道生慧叡道敬道曷曇詵
白衣張野宗炳劉遺民張詮周續之雷次宗梵僧佛馱耶舍
佛馱跋陀羅

○案原本脫此五字
依蓮社高賢傳補

十八人者同修淨土之法

因號白蓮社十八賢有傳附篇末池上昔有文殊瑞像閣今
像亡閣廢有文殊殿瑞像者晉陶侃初爲廣州刺史海濱漁
人常見夜有光焰遂網之得金文殊菩薩之像傍有誌記云
阿育王所鑄後商人於東海亦獲圓光持以就像若彌縫焉

侃以送武昌寒溪寺主者僧珍嘗往夏口夢寺火而像屋獨
有神物圍繞珍馳還寺果已焚惟像屋並存侃移督江州以
像神靈使人迎以白隨復爲風濤所溺時荆楚爲之謠曰陶
惟劒雄像以神標雲翔泥宿邈何遙遙可以誠致難以力招
至遠公剏寺乃禱於水上其像復出始迎置神運殿後造重
閣以奉香火故李邕寺記云育王贖罪文殊降形蹈海不沉
驅於陶侃迫火不爇夢於僧珍蓋謂此也至會昌毀寺二僧
負像藏之錦繡谷之峯頂其後寺復訪之藏處不獲二僧相
疑或匿之俄見圓光瑞色現於空表故至今遊人至峯頭頂
佛手巖天池有見光相者寺有晉輦備虬龍之飾舊號桓帝
輦故貫休詩云桓立舊輦殘雲濕耶舍孤墳落照遲今人題

詠謂安帝輦按晉大亨二年桓玄篡位廢帝爲平固王遷於尋陽及義師之起玄亦奔尋陽旌旗輿服猶備帝者之儀於是迫平固西上奔竄之際因留輦東林舊稱桓輦蓋有自也桓安音相近後人不察而改之耳經藏院在寺東廡經之帙尾有曰貞元十三年寫者經藏碑元和七年歲次壬辰九月丙辰朔十五日庚午朝請郎試太常寺協律郎李肇撰略曰元和四年雲間僧靈澈流竄而歸棲泊此山將去言於江南西道觀察使武陽公韋公丹韋之夫人蘭陵蕭氏卒嘗有服弔之資買田荊州收其租入以奉檀施至是取之益以已俸卽洪州鈔贍而致之仍建堂殿又命浮槎寺僧義彤以至祕藏會昌之厄僧道深竊藏之石室後寺復而經出然亡失者

過半僧正言稍補之大中十二年武陽之子宙復世廉察因施錢再作堂宇仍誌其事故有韋丹韋宙寫咸通八年刺史苗紳有二韋寫眞贊紳宙之外孫也又有一人物色題曰紀王寺僧曰其旁有具銜江州刺史德化王楊澈也文字剝落不識者因粉飾而漫滅之今寺有下平林口田皆其所施故寺僧寫眞列於二韋之間以示追奉案唐史徹未嘗封紀王天祐十五年徐知訓在揚州爲朱瑾所殺保大年間追封紀王則其事蹟無接於二林者蓋後人妄加之耳白公草堂在寺之東北隅元和十年公自太子贊善大夫以言事忤執政出爲州司馬明年作草堂於香鑪峯北遺愛寺南往來遊處焉公作記見於本集後與遺愛寺並廢久之好事者慕公風

跡以東林寺北藍牆之外作堂焉五代衰亂復爲兵火野燒之所毀至道中郡守孫考功追構之然皆非元和故基也昔公之遊東林也覩經藏中有遠公諸文士倡和集時諸長老亦請公文集同藏之至太和九年爲太子賓客始以文集六十卷歸之會昌中致仕復送後集十卷及香山居士之像廣明中與遠公匡山集並爲淮南高駢所毀吳太和六年德化王澈嘗抄謄以補其闕復亡失今所藏實景德四年詔史館書授而賜者匡山集亦二十卷景福二年嘗重寫明道中爲部使者刑部許申所借今本十卷寺僧抄補用以訛舛今廬山路記并遊石門詩序刊石於寺皆因集中本云過草堂半山有二泉山石間名曰雙玉澗次有上方舍利塔佛馱跋陀

羅禪師之所立也梵語跋陀羅漢言覺賢迦維羅衛國甘露飯王之苗裔也年十七鳩摩羅剎度之與同學習業眾皆一月賢一日覽焉其師嘆曰賢一夫敵三十人入長安與鳩摩羅什剖析立旨什爲之屈至廬山與遠公同社先持釋迦舍利三數自隨因葬山頂表以浮圖後宋孝武帝召赴道場寺譯華嚴經唐開元十四年庫部郎中中書舍人江州刺史李訥作禪師記訥亦自稱兀兀禪師金紫光祿大夫同州刺史上柱國范陽縣開國男張廷珪書開元十七年歲次己巳七月己丑朔十五日癸卯建其旁刻顏魯公題名百六十字上方之北有虎跑泉昔遠公與社賢每遊北峰頂患去水甚遠虎輒跑石出泉次五杉閣五杉喬茂合抱瞰以危閣南唐西

山僧應之嘗結庵於五杉之間保大中爲元宗所遇作五杉集行於世桑門備用之書也今子孫在東林猶藏其手澤其西石磴凡三百級由上方而下過滴翠亭復三休而至聰明泉聰明泉者荊州殷仲堪之訪遠公也相與談易於林間仲堪辨博遠公因指泉曰君之辯如此泉涌後世因號聰明泉唐李衛公匡廬賦云講精義於松間注云東林寺有松數株尙存今泉上有屋而無松蓋其故地云次有佛影臺遠公匡山集云佛影在西方那伽阿羅國南古仙人石室中以晉義熙十八年歲在壬子五月一日因廚賓禪師南國律學道士共立此臺擬像本山因跡以寄誠雖成由人匠而功無所加至於歲在星紀赤奮若貞於太陰之墟九月三日乃詳驗別

記銘之於石孟江州懷玉王別駕喬之張常侍野殷晉安隱
毛黃門修之宗隱士炳孟散騎孟司馬二人名闕殷主簿蔚
范孝廉悅之王參軍穆夜等咸賦銘讚遠公佛影銘載五百
高僧傳劉遺民亦讚曰雲圖表暉影侔神造功出理諸事非
人運李邕記云影圖西來舍利東化或塔涌於地或光屬於
天影圖者佛影也舍利爲跋陀羅所藏者也此臺寺僧追建
焉是寺也最爲廬山之古刹自唐開元元和以來迄於保大
顯德間文志碑志遊人歌詠題名班班有存者今著其目於
後篇遠公大中六年謚辯覺法師裴休書其榜觀音殿東壁
有大中十一年宛陵洪鐈摹張僧繇畫維摩居士其餘壁畫
亦大中廣明咸通中所寫雖俗筆亦近世畫工所不能及法

華資聖院碑僧齊已書又有明皇銅像李通玄長者寫真皆
前世故物本朝之改寺名也徐鉉常侍親篆太平興國之寺
六字今皆藏焉昔傳寺有遠公袈裟竺道生麈尾扇梁武帝
鉢囊遠公袈裟卽顏公所禮僧伽衣今已腐朽而有佛馱耶
舍二尊者革舄謝靈運翻經貝多葉五六片餘皆亡矣李邕
碑云羅什致其澡瓶巧窮雙口姚泓奉其雕像工極五年事
亦具高僧傳年代寔遠宜無復存者禪月貫休詩云盧楞伽
畫苔侵盡殷仲堪碑雨滴穿貫休天祐間人距今一百五十
餘年寺僧亦不知其髣髴矣甘露戒壇在寺之東南隅梁太
清中襲法師講金光明經於林間甘露浹木者三日因於林
間作戒壇焉世傳江南有三戒壇此其一也嘗爲僧房之菜

畦其僧夢有神黃金介冑扼其喉責以穢壇墠事僧懼登用
碑石存其遺地遠公初諡辯覺昇元三年諡正覺大師興國
三年諡圓悟大師仍名其墳曰凝寂之塔塔在二林之間其
旁二杉一在高處圍二十七尺一稍在下圍二十尺遠公以
晉義熙十二年卒葬此山蓋當時所植云乾明寺在凝寂塔
之西百餘步舊名西林興國中賜今額晉惠永禪師之道場
也西林道場碑隋太常博士渤海歐陽詢撰無書人姓名然
筆勢清勁世傳卽歐書也大業十二年歲在丁丑十月戊寅
朔十五日壬辰立略曰先有曇現比丘俗姓竺氏本僞趙良
將以匡阜靈巖萃止幽棲及遷神卽此藉巖草間有息慈慧
永河內繁氏高足稱首異香入室猛獸馴階紹隆主業安禪

結宇晉光祿卿尋陽陶範締構伽藍命曰西林是歲晉太和之二年也梁天監三年僧恩律師隋僧智錯法師大業二年慧遠禪師七年道暉法師並加增葺唐永泰元年顏魯公與法真律師躋重閣觀張僧繇畫盧舍那佛梁武帝蹙線繡鉢袋亦題於歐碑之首重閣大業二年所建今三者皆亡永師義熙十年示化葬澗南香谷之口興國三年亦諡覺寂大師名其塔曰實智之塔寺後高處有香谷亭昔永公有西林別立茅室於嶺上每欲禪師卽往居焉室中嘗有芬馥之氣因名香谷後人作亭其上號香谷亭以存其故事其下有水閣院興國中錫名隆敎唐貞元二年齊朗律師之道場也朗長慶二年十月十六日示寂有碑唐人鄭素卿撰太和六年歲

次壬子三月甲午朔六日巳巳立保大八年南唐喪國孝定公徐景運重修藏經亦公所施皆有跋尾藏之西壁南唐人畫須菩提自稱樵人王翰是寺也水石之美前有德人亦東林之亞也慶厯初當塗僧宗慧大師道真建浮圖七級於隆教院據香谷之形勝寺前過通隱橋一里至林口市昔竺道生葬焉蓋前世之深林幽谷承平歲久闢爲屋廬以會商旅墳域遂在喧闐之中康定初郡守田瑜俾守僧改葬於凝寂之左九江錄云通隱橋南有金獅子峰上有三蘭若基峰下有索谷堂今索谷堂猶存餘皆亡通隱之西一里有匡君廟尋陽記云昔漢武帝南巡祠名山問廬君何神也博士對曰昔匡裕得道於此乃賜號大明公唐天寶元年詔立祠焉西

林之東五里有黃土庵其旁又有看經庵由看經庵一里至崇福庵由崇福庵五里至香城庵香城之旁有觀音庵次有東庵由東庵稍下一里有廣濟庵又半里有聖僧巖由聖僧巖二里至石盆庵西林之東南五里至下化城院由下化城三里至護國庵由護國一里亦至石盆庵石盆在山上非鑿鑿所成盆中清泉雖旱不竭石盆之上半里至保興庵其旁半里有大師庵次上化城院亦義熙中遠公所立也祥符中錫名普照寺本朝陳尙書恕布衣時遊焉其子恭公秉政請錫御書度僧今有陳氏祠堂有保大中移寺等三碣好事者刻白樂天遊大林寺詩并前後序坎石於屋壁凡遊人在二林望上化城樓閣隱隱在雲靄中有若圖畫自東林徑去猶

半日之久既至化城其僧必訊客曰翊日上山輿否蓋過上
化城山路彌險中間往往不可行肩輿矣直上十里道中過
雞冠石次四望石次瀉油石次香爐峰此峰山南山北皆有
真形圓聳常出雲氣故名以象形李白詩云日照香爐生紫
烟遙看瀑布掛長川卽謂在山南者也孟浩然詩云掛席數
千里好山都未逢艤舟尋陽郭始見香爐峰卽此峰也東林
寺正在其下過香爐峰至峰頂院院旁盤石極平廣下視空
闊無復障礙張野山記云峰頂有大石可坐數百人蓋謂此
也峰下有藏經岩卽會昌所以藏東林之經也有南唐廣道
者庵基峰頂之南十里有香積庵過香積下視五老峰望落
星石在水中如覆盃直下山二十里則山南棲賢之澗東萬

壽源也路極險人罕由之子熙寧四年九月與數道人飯於峰頂由香積路策杖而下其至棲賢則日夕矣峰頂院之前有辟虵行者飲牛池遠公始居山山多蛇蟲行者不知何許人嘗侍遠公善驅蛇蛇爲之盡去故號辟蛇行者常耕於峰頂有辟蛇行者田塍隴髣髴可耕今無耕者說者曰蓋山神云故至今山雖高深樵蘇弋獵之人不聞罹蟲蛇之毒山中人言山有一虎亦未嘗傷一人深蹊土中但時有行跡人謂之遊山虎或爲遊山之客道此事恐涉譏嫌亦謂之巡山虎也由峰頂五里至大林今名寶林寺梁天監二年刺史蕭綱所造中廢唐初復興故有虞世南撰復寺記古有平雲庵遠法師果園廢寺基辟蛇行者葬牛塚皆在絕頂而反平廣延

袁不知其極謝靈運望諸葛嶠詩云積峽忽復啓平塗俄已
閉蠻隴有合沓往來無蹤轍晝夜蔽日月冬夏共霜雪正此
處也又白樂天大林寺詩云人間四月芳菲盡山寺桃花始
盛開長恨春歸無覓處不知轉入此中來且序其詩云余與
河南元集虛范陽張允中南陽張深之廣平宋郁安定梁必
復范陽張時東林寺沙門法演智滿士堅利辨道深道建神照
雲臯寂然恩慈凡十有七人自遺愛草堂歷東西二林抵化
城憩峰頂登香爐峯宿大林寺大林窮遠人跡罕到環寺多
清流蒼石短松瘦竹寺中唯板屋木器其僧皆海東人山高
地深時節絕晚於時孟夏如正二月天山桃始華澗草猶短
人物風候與平地聚落不同初到恍然若別造一世界者既

而周覽屋壁見蕭郎中存魏郎中宏簡李補闕渤三人姓名
詩句余與集虛輩嘆且曰此實匡廬間第一境由驛路至山
門曾無半日程自蕭魏李至今垂二十年寂而無繼者嗟乎
名利之誘人也韓退之題西林寺故蕭郎中舊堂詩云中郎
有女能傳業伯道無兒可保家偶到匡山曾住處幾行衰淚
落煙霞註云公有女爲尼在江州今好事者榜其詩於西林
韓集中無蕭郎中名或疑是蕭穎士非也穎士困蹟不達正
所謂蕭郎中存也凡峰頂大林之景白公道之備矣予嘗九
月遊二林秋暑未可以却扇明日至大林流泉或凝冰矣又
嘗三月遊焉桃梨飄零牡丹微開與白公所見者略同矣由
寶林一里至擲筆峰其峰下臨大壑羣峰巖嶮不可名狀昔

遠公製涅槃經疏於此疏成故以名其峰其閒一峰名文殊臺卽藏文殊像遂亡之此山間矣由擲筆峰一里至佛手巖以石爲屋可容百眾旁有流泉因石爲渠巖上巨石偃若指掌故名佛手南唐元宗時有僧行因住此巖三十年製華嚴別論十卷詔命不赴由佛手巖三里至天池院一名羅漢池池在山頂大旱不爲之竭張景詩曰若以山形比人骨此池應合是泥丸人以爲的句也其西有羅漢把鉞巖四祖坐禪石文殊亭世傳代州五臺山文殊所居人之至者往往見兜羅綿雲五色圓光光中或有菩薩及皈子諸相此山傳有文殊之像舊矣近歲自皇祐治平已來人之所睹不減五臺人之記其所見於此亭者多矣院南山一里有隆禪師塔師

名智隆金州人南唐保大中追諡證真禪師圓智之塔一名望仙臺又名定心石凡此者皆可以下視空闊萬里新羅巖在其下二里巖石之間可庇風雨亦有幽泉可給烹濯昔海東僧居焉故謂新羅巖其東二里有十八賢臺平廣可坐十餘人十八賢謂自慧遠法師以下十八人者田天池直下山十五里同名錦繡谷舊錄云谷中奇花異卉不可殫述三四月間紅紫匝地如被錦繡故以爲名今山間幽房小檻往往種瑞香太平觀東林寺爲盛其花紫而香烈非羣芳之比始野生深林草莽中人聞其香尋而得之栽培數年則大茂今移植幾遍天下蓋出此山云谷之水其源出於谷中日錦繡源水傍有雙龍庵次廣福庵次尊勝庵次寶寧庵寶寧之西

則有石門其源出於石門澗東與錦繡谷之水合西流五十里入湓水由雙龍至寶寧四庵相望皆不百步同在兩澗之間靈運望石門詩曰高峰隔半天長崖斷千里雞鳴青澗中猿嘯白雲裏自寶寧庵泝澗東行過小山俗名新婦嶺三里而近有南北二石柱峰鐵船峰懸瀑注其前爲龍潭天將雨雲物未有不望其上正十八賢臺也石柱峰下有庵基近歲爲澗水所壞無居者蓋昔賢所遊取道於此以登絕頂今人過石柱峰無至者矣由寶寧五里至福海庵由福海二里至祥雲庵祥雲晉 是書堂今地名書堂源前有香象岡北名阿那衝內有阿那寺基舊傳山間人時聞鍾梵之聲寺隱不見其旁半里有羅漢巖山深地靈聖賢所宅不爲過矣祥

雲之上十里有雲頂峰峰頂有庵同名雲頂亦廬山之一峰特然而高者也由祥雲八里至月輪菴月輪之旁有靈泉菴由靈泉七里至報國庵由報國一里東南由官道過甘泉驛又五里至崇聖禪院舊名觀音圓通道場始南唐元德六年置命東吳僧緣德居之賜號道濟禪師卒葬於圓通之東峰今號廣福院去圓通二里以圓通之壯觀甲於山北不減山南之歸宗而土田上腴歲入倍之石渠流水二百五十餘丈水源有清音亭然是寺也獨無古今一人題詠碑刻凡乾德中所賜緣德手詔四道宋齊邱書簡八幅晉王景遂書百勝軍節度使王崇文書及道濟所依三事納並藏於廣福以上皆隸江州云

廬山記卷二終

廬山記卷三

敘山南篇第三

由圓通二十里至康王谷景德觀舊名康王觀入谷中泝澗行五里至龍泉院又二十里有水簾飛泉破巖而下者二三
十派其高不可計其廣七十餘尺陸鴻漸茶經嘗第其水爲
天下第一舊傳楚康王爲秦將王翦所窘匿於谷中因隱焉
故號康王谷觀之碑刻皆言其然考之非是也楚康王昭以
春秋魯襄公之二十八年卒魯陳鄭許之君送葬于西門之
外諸侯之大夫皆至於墓時楚方強去翦虜負芻滅楚者凡
三百二十有六年其間不容復有康王也國亡而自匿於山
谷或康王之子孫未可知也舊觀基在谷中梁大同二年道

士張法施所建隋開皇十年道士丁玄真能攝伏鬼神遷銅馬廟於谷內而建今觀焉康王觀之西半里有大明庵由大明菴至毗盧菴長興菴皆二里康王觀之南五里又有乾壽菴由乾壽二里至仁王院由仁王至淨慧院七里自康王觀由官道十五里亦至淨慧禪院淨慧舊名黃龍靈湯院有湯泉四時沸騰爲丹黃之臭須臾熟生物病瘡人浴之有愈者黃龍山在靈湯之南亦廬山之別峰也其南十里亦有青霞觀靈湯之東二里道旁有謝康樂經臺又三里過栗里源有陶令醉石陶令名潛字元亮或曰字淵明義熙三年爲彭澤令曰吾安能爲五斗米折腰於鄉里小兒乃棄去賦歸去來晉書南史有傳所居栗里兩山間有大石仰視懸瀑平廣可

坐十餘人元亮自放以酒故名醉石自栗里三里及承天歸
宗禪院晉咸康六年寧遠將軍江州刺史王羲之置以捨梵
僧那連耶舍尊者一名達摩多羅故有右軍墨池至唐寶曆
初僧智常居焉始大興禪刹智常大厯中得法於江西道一
禪師道一姓馬僧史謂之馬祖智常之目重瞳以毒藥自按
摩之使目眚俱赤世號赤眼歸宗江州刺史李渤與常問荅
語在景德傳燈錄土木之盛山南爲冠金輪峰上霄峰正居
其後左右盤礴面勢平遠昔人卜其基曰是山有翔鸞展翼
之勢院東之水故名鸞溪溪上有橋溪西石渠流泉二百餘
丈因水爲磴瀹圃栽蔬規摹氣象皆有可觀者金輪之峰左
右有石鏡隱現無時光潤如鑑熙寧五年夏有客遊歸宗歸

謂予言今日在寺門上見金輪峰石鏡寺僧言有居數年未
之見者上霄峰傑然最高卽始皇登之謂其與霄漢相接因
名焉陳太僕卿劉刪詩曰秦始瞰宇宙漢帝上旌旃蓋謂此
也世傳峰半如有石室中有文字云是夏禹所刻其字大如
掌文皆隱起外有石屏蔽之自上懸繩方到春夏泉源不可
辨秋冬方分明昔有好事者往摹之僅百餘言今人無復至
者編底池亦在上霄峰後尋陽記云吳猛乘舟龍負而行猛
戒舟人閉目舟人聞曳觸林木之聲懼而竊窺龍遂委其船
山頂舊傳故老真見山頂猶有敗編栖賢之東後有櫓斷源
亦因猛得名歲月久莫可考驗矣尋陽記又云山有三石梁
長數丈廣不盈尺杳然無底吳猛與弟子緣石梁而渡見金

闕玉房地皆五色文石如翬卵井有桂樹皆高丈餘輕風時
度聞鐘磬之聲見一老人坐桂樹下玉杯盛甘露漿授猛又
逢數人宛若舊識仍設玉膏猛弟子輒竊一寶器欲示世
人須臾雲霧晦冥梁化如指猛令送還乃手引諸徒閉目而
返劉刪詩故云危梁耿大壑瀑布曳中天李白詩亦云金闕
前開二峰長銀河倒挂三石梁神仙之事固莫知其處也歸
宗之旁西行百餘步有祥符觀舊名靈溪九江錄云齊永明
元年道士宋文超依廬山南麓而創焉觀記云玉笥山記秦
亂名官者十有三人棄官學道經於廬山內武士三人曰唐
建威李德及宋雲刁欲遂棲焉餘十人曰不然初志歸於羣
玉洞府豈可中道而廢言訖未行一夕雷電奄至庵舍左右

化成大溪溪中盤石上有玉簡天篆曰神化靈溪金簡標題
真人受旨玉洞潛棲十人者莫知所終三武士遂棲於溪側
漢武帝時賜名靈溪觀南唐齊王景達重修功未就而薨其
賢順妃實成其志是碑也文林郎試祕書省正字掌宮宅表
奏宋渙奉命撰開寶五年太歲壬申八月戊子朔六日樹故
屋壁間有寫真題曰守太師尙書令齊王食邑一萬戶實封
三千戶李景達諡昭孝冊封太弟太歲癸酉二月丙戌二十
四日己酉寫由靈溪一里至香泉院吳太和六年僧惠珍置
次上塔次下塔皆有百步相望香泉云者以流水過董奉之
杏林故名工墳卽歸宗之方墳也由下塔五里至隆教院在
般若峰頂舊名般若臺隆教之旁有石門菴次布水庵次覺

性菴一名崔師臺皆不遠百步覺性之上百餘步有重巖庵
過重巖三里至謝景先草堂景先以醫技游公卿之門丞相
韓魏公及閣臺名士往往贈之詩自云所居卽杏林之故地
杏林在山北事具太乙觀由謝氏草堂三里至靈棲院一峰
在其上百步餘卓然特立亦名紫霄峰頂有鐵浮圖九級記
云劉瑗序云周顯德中有祥光現於其地人咸異之闕下十
二尺得古記云赤烏二年有天竺沙門以釋迦佛舍利葬焉
案高僧傳赤烏十年丁卯歲沙門康僧會初至建鄴時吳國
初見沙門容服非常有司奏應檢察權卽召會詰曰佛有何
靈會曰如來遷迹已越千年遺骨舍利神應無方權以爲誕
謂曰若得舍利當爲造塔乃潔淨室以銅瓶如梵禮請至三

七日忽聞瓶中鏘然有聲果得舍利舉朝集觀五色照耀權復以烈火試之不焚擊之以鐵不碎權大嗟伏卽爲造塔以始有佛宇故號建初則其前八年未有葬舍利者明矣世俗苟欲張大其事因失其實多此類也景德中始易浮圖以鐵皇祐二年重修晉咸康中梵僧耶舍卒亦墳於棲靈棲靈之下八里有三將軍廟去歸宗一里卽謂秦武士唐建威以下三人者鄉人歲祠焉由棲靈至重雲庵四里次萬歲庵次天宮庵皆相去百步由天宮至餘峰庵一里餘峰之旁上山二十里至白雲庵上有洞穴大石如室其中流泉其地可耕今無居者山中行人望懸瀑直下數百尺皆知其出於白雲洞由餘峰二里至先天觀舊名崇善梁大同二年鄱陽太守楊

友江置保大初女真楊保宗重修錫名真風有保大五年歲次丁未八月壬午朔二十八日己酉朝議郎尙書虞部員外郎武騎尉賜緋魚袋韓熙載奉敕撰記略曰六宮之中競施服玩珠珍綵繡計逾千萬碑陰刻當時嬪御姓氏十餘人其西北里有柳大卿 名宏建陽人官於江東樂此真境因作室焉由先天至太虛簡寂觀二里宋陸先生之隱居也先生名修靜吳興東遷人元嘉末因市藥京邑文帝素欽其風作停霞寶輦使左僕射徐湛宣旨留之先生固辭遂遊江漢後帝有太和之難人咸異之大明五年始置館廬山泰始三年明帝復加詔命仍使刺史王景文敦勸屢辭不獲乃至闕設崇虛館通仙堂以待之仍會儒釋之士講道於莊嚴佛寺久

之永徽初啓求還山不許五年三月二日卒卽之膚色如生
 清香不絕後三日廬山諸徒咸見先生霓旌紛然來止須臾
 不知所在先生之去也常衣布囊至是布囊掛於峰樹今西
 澗一峰名布囊巖賜諡簡寂先生始以故居爲簡寂觀唐太
 極元年二月七日敕醮於觀有異龍羣鶴之異降詔褒異仍
 付史館辭多不載觀在白雲峰之下其間一峰獨出而秀卓
 者曰紫霄峰故張祐詩曰紫霄峰下草堂仙千載空遺石磬
 懸其北又有屏風山丹崖紫壁縈繞盤礴實山南之甲觀其
 前一里有鷄籠山高百餘丈峰旁有石望之若鷄一青一赤
 尋陽記鷄籠山下有澗水常深一尺泉涌如潮晷刻不差朔
 望尤大其俗呼爲潮泉今蕪沒無知者觀門之上有朝真閣

殿前有先生醮石高六七尺方廣丈餘其向乾亥亦名禮斗石殿之後有道藏石刻目錄列於四壁藏中銅天尊像者舊云是像也本歸宗寺之佛會昌之毀寺也爲道士所得寺雖復而不還故其像衣沙門服而加冠焉聞者哂之次有先生石磬其聲清越祠堂之西有白雲樓觀之在梁也名簡寂觀司徒右長史太子僕射建昌縣開國侯吳興沈璿撰記天監十四年十一月立至唐寶應中道士吳筠又作先生碑上元二年歲次辛丑九月十三日建二碑並保大中重立是觀也頗存陳隋至唐已來人題咏西澗懸瀑落於廡前韋應物之爲刺史也游其下故其詩卒章曰曠歲懷茲賞行春始重尋聊將橫吹笛一寫山中音其北別有瀑水下與西澗合白雲

樓坐見此二瀑苦竹亘生於山谷春筍初出其味甘美俗傳
廬山詩云簡寂觀中甜苦筍歸宗寺裡淡鹹齏言皆珍快也
觀門外有光生煉丹井次有連理樹其幹合抱其根盤罩於
巨石之上澗中有堅皦衣石堅江南野人有道術亦善吟咏
卒於金陵逆旅已而人有過者常好澣衣曝此石上由簡寂
至棲隱觀五里古名棲隱洞舊傳梁昭明太子書堂也保大
中道士譚紫霄來自閩中賜號金門羽客始立觀於此譚之
在閩中號洞立天師貞一先生棲隱之東五里有古靈庵由
古靈至開先禪院十里舊傳梁昭明太子之居棲隱也又築
招隱室於此南唐元宗居藩邸時爲書室卽位後保大年間
始爲伽藍號開先馮延巳記碣見存本朝興國二年賜名華

藏鶴鳴峰在後元宗之徙南都也至此院賞懸久之故有烈
祖元宗後主之畫像及元宗之舊榻藏焉至今開先棲賢歸
宗圓通四院之僧皆以三忌營齋以懷之由官道過澗橋上
有四會亭次楊梅亭當寺門有招隱橋橋下有石井曰招隱
泉招隱皆古名也元宗始作橋焉瀑布在其西山南山北有
瀑布者無慮十餘處故貫休題廬山云小瀑便高三百尺短
松多是一千年惟此水著於前世唐徐凝詩云今古常如白
練飛一條界破青山色李白詩云飛流直下三千尺疑是銀
河落半天卽此水也香爐峰與雙劍峰相連屬在瀑水之旁
遷鶯谷在其東北水源在山頂人未有窮之者或曰西入康
王谷爲水簾東爲開先之瀑布院東大悲亭及諸堂榭往往

隱几見之澗中之石或含雲母可坐可臥可漱可濯澗上有
石橋橋上有漱玉亭此山南之絕致也院前過溪西一里有
石碑庵大石在山脊天然如大碣堅鑿不可鐫刻由石碑上
山七里至永泰院其上有黃石巖九江錄云古招隱寺在黃
石巖下此其事也永泰之上有道人庵次聖僧巖次善才巖
次羅漢巖四庵巖相去在五里之間瀑流之所過也又五里
皆登絕險乃至黃石巖俗傳黃石公所居非也其崖壁皆黃
色視前三巖特平廣可容百餘人永泰之前有文殊臺與香
爐雙劒峰相爲高下瀑布前在山下皆仰而望之固爲雄偉
至文殊臺則平視之然後知轟雷飛練皆賦象之不足也開
先之東半山別有小瀑飄洒亦不下百餘尺名曰馬尾泉言

其小不得同名爲瀑也。由開先至萬杉院二里。本朝景德二年始建舊有古石崖。先是僧曰太超卽山植杉萬本有爲之言於朝者。乃賜錢建院。仍錫土田佛像供器及其成也。仁宗錫御篆榜其殿曰金仙寶殿。內翰錢易書其門榜有仁廟御容章懿明肅之寫真及錦衾褥銷金服數事藏焉。皆當時所賜。太超亦號廣智大師。是院舊名慶雲天聖中勅改今額。直集賢院徐奭記。碣尙存。院後有流泉。泉畔有滴翠亭。遊者必久之。萬杉之東南三里有凌雲庵。舊名凌雲書堂。九江錄云。劉軻書堂在凌雲峰下。早年居此。廉使裴公美其才薦之上第。爲史官。著撰頗傳於世。自韓吏部以下皆推之。又有薛諫議書堂。卽劉弇侍御舊居。會昌中薛自南海書記滿秩親經

營之坐見二瀑布泉石竹松特爲曠絕郡守行春及遊人多過之薛諫議未見名與二劉唐史皆無傳軻元和十四年進士登第太和初歷監察御史四年轉殿中開成中遷秘書丞史館修撰學士出爲洺州刺史二林碑誌多其手筆焉所謂凌雲庵蓋劉薛之故基也或曰何乾曜侍郎始以書堂爲僧居乾曜亦未詳其世系今有墳在遷鶯谷由萬杉至真敎院三里舊名雲峰前所謂古石崖在其後巉若屏障由真敎至景德院三里舊名高遙由景德至李徵古書堂一里徵古保大中仕至樞密左右副使坐宋齊邱黨與賜自盡由李氏書堂之上四里有香積院香積院在五乳峰下由香積二里至俱胝庵俱胝之旁有觀音庵次半里許有齊雲庵由齊雲三

里至臥龍庵凡廬山之所以著於天下蓋有開先之瀑布見於徐凝李白之詩康王之水見於陸羽之茶經至於幽深險絕皆有水石之美也此庵之西蒼崖四五禪瀑中瀉大壑淵深凜然可畏有黃石數丈隱映連屬在激浪中視者眩轉若欲蜿蜒飛舞故名臥龍此山水之特勝處也臥龍之下五里有青蓮院舊名白雲庵南唐僧冲照號慧悟禪師湯悅作寫真贊徐鉉篆石刻存焉青蓮之旁有靈峰庵舊名下偃臺蘭若由靈峰五里至道林庵道林之旁有禪靜院舊名中興庵禪靜於諸庵獨無流泉鑿井而飲無土田賣活血丹以養然堂宇亦特爲完潔次有寶慶菴次有靜隱院舊名寶峰菴雙澗出其中春雨盛時漱湍號怒亦水石佳處西澗有劉居士

庵居士名渙字凝之筠州人天聖八年擢進士第居官有直氣不屑輒棄去卜居屋子嘗乘黃犢往來山中尤愛此澗於是山僧結茅以待之由道林至寶峰三院相去皆一里至祖教院舊名上偃臺其南有盤龍庵西源庵後有寶輪庵皆不遠百步由寶林至稠水菴三里稠水至幽邃庵一里由幽邃至赤眼禪師庵塔一里禪師卽所謂赤眼歸宗卒葬此山之石人峰下以石爲像凜然如生建隆二年諡至覺禪師妙相之塔由塔院至棲賢禪院十里其間喬林繁陰上蔽烈日行者過之必愛而休道旁過棲賢蔬圃畦隴廣斥亦有可觀者凡自五乳峰下香積院至此十有八處同在棲賢澗之西耆舊云棲賢澗西諸庵巖棲賢院石人峰在其北今名寶覺興

國中所賜始南齊永明七年諮議參軍張希奏置寺於尋陽西二十里唐寶厯初刺史李渤徙置是山以僧智常居之智常學者數百人春夏居棲賢秋冬居歸宗會昌中廢寺景福中僧懷祐復興焉號棲賢報國禪院乾寧中號護國棲賢寺其勝催勘使將仕郎守太子通事舍人鍾匡時書匡時年十六故今人愛而藏之厯南唐保大中寺益大振存當時制書猶十餘本其間一道乾寧元年七月賜棲賢寺額署禮部侍郎平章事鄭至尚父守侍中兼中書令使官凡三十三人又一道乾寧四年十一月賜懷祐塔名傳燈之塔仍號玄悟大師其敕書署中書侍郎平章事崔至太師兼中書令使官凡三十二人時江西觀察使鍾傳奉行焉建隆初元宗之徙

南都也游覽久之故有駐鸞亭或云澗旁石上有元宗石刻
今淪沒不可復見三峽澗出寺其源甚遠澗中有龍湫三四
莫知其極方暑雨之洊至也山之眾壑同下轟若雷霆澗石
大小無慮萬計悉填湫中今古不見小塞疑下通於海矣其
旁建龍祠歲旱則禱焉祥符中閩僧文僧造石梁其上其袤
六十尺覆以廣廈最爲山中之雄觀傍澗有陸羽井次寒泉
亭亭下龍湫或有蟲魚出焉人以神物畏之僧堂之西有羅
漢巖寶陀巖其南百餘步有白雲庵院之後有愛堂游者必
憇焉棲賢之前十里有羅漢禪院羅漢巖在其北一里本朝
咸平三年廣濟大師法堅始創焉朝廷乃錫田以養其徒名
曰聖惠莊祥符三年祖印大師僧行林繼之始植松覆官道

十年以達軍壁文公楊大年作栽松記有鼓甚大在法堂土其圍二十有三尺擊之聲動山谷亦鼓之出類者也院西之水曰玉澗東入彭蠡湖十里澗北祖印葬焉故相張士遜有塔銘羅漢之東五里有折桂院莊又五里至白鹿洞貞元中李渤字濬之與仲兄偕隱居焉後徙少室以右拾遺召不拜卽韓文公詩所謂少室山人者太和間仕至太子賓客先是寶厯中嘗爲江州刺史乃卽洞創臺榭環以流水雜植花木爲一時之名勝劉夢得禹錫登清輝館詩云尋陽江色潮添滿彭蠡秋聲鴈引來南望廬山千萬仞共誇新出棟梁材清輝館在江州亦渤所創故禹錫美之南唐昇元中因洞建學館置田亦以給諸生學者大集以國子監九經李善道爲洞

主以主教授保大中以田錫徵士史虛白虛白北海人避地廬山韓熙載薦其可用元宗召至便殿訪以國事辭曰漁釣之人安知邦國大計又醉溺殿上元宗曰真處士也因賜田遺歸仍免其租虛白死子孫困於租入不能有其地遂易他主矣咸平五年勅重修仍塑宣聖十哲之像今鞠爲茂草由白鹿洞三里至承天觀舊名白鶴觀九江錄云唐弘道元年十二月奉勅置在尋陽城下神龍二年六月三日勅置龍興觀因移山中易名龍興大厯中道士劉玄和何子玉居焉張弘道門靈驗記云劉玄和地仙也嘗爲郡守李承薛弁章奏事皆有天曹批報事悉符驗觀之東北山上有木瓜巖劉玄和始居巖中嘗植之至今餘葉猶有存者觀中有大杉木其

高百餘尺圍二十尺亦當時所植熙寧五年朝廷作太乙宮於京師詔求幡竿木一百二十尺之長者天下差官行山林此杉幾代焉由承天觀之西至棲賢院亦幾五里游者往往過從焉棲賢院東傍澗而行半里至淨住院舊名登雲庵淨住過澗至廣壽院二里而近舊名資聖太玄峰在其前其旁百餘步有金師臺由廣壽入萬壽源至萬壽院二里由萬壽復出南行三里至楞伽院舊名下白石其山號魯斷源楞伽院有李氏房李名常字公擇少時兄弟讀書山中旣去寺僧虛其室不居因藏書室中幾萬卷蘇子瞻軾作山房藏書記今刻石留壁間由楞伽東上山三里至證道院舊名上白石由證道三里至太平興國院舊名臥雲庵有峰在其後亦名

香爐峰前有經閣所藏之經朝廷祥符二年勅賜印經院由
太平一里至上五峰香林院中道幽澗潺湲清淺特可狎玩
由香林五里至淨居院舊名上庵由淨居五里至下五峰延
福院有南唐所賜達觀禪師智筠手制三十道三道元宗所
署餘皆後主智筠河中人保大中住棲賢院開寶中詔住清
涼寺後歸五峰初號幽棲院名棲玄蘭若祥符元年改延福
由延福三里至竹林院由竹林二里至福源菴舊名靈真十
有三處水石無不佳惟明真巖石玲瓏或欹或立有洞府之
狀坐大石上對五老峰如賓客亦此山之最勝處也由明真
復下山五里至靜妙院舊名德政庵古名青牛谷九江錄云
昔有道士洪志乘青牛得道於此壇場猶存唐人楊衡宿青

牛谷詩云隨雲步入青牛谷青牛道士留我宿可憐夜久月
明中惟有壇邊一枝竹蓋亦古之名迹今爲耕隴矣由靜妙
一里至雲臺庵庵後有石崖崖上有流水由雲臺履小徑三
里至聖果院舊名淨明庵聖果之前有解空院舊名吉祥庵
凡德政淨明吉祥三庵視諸僧居俱爲完潔解空之西北百
步有谷源庵庵之前路左右疊石雖非峻卓固自奇偉庵後
幽泉涓涓不竭不必湍激而後可愛也谷源東北行二里至
證寂院舊名折桂庵唐相李逢吉舊依李渤海學於此山逢
吉去而爲僧居故名折桂逢吉字虛舟長慶寶曆間附鄭注王
守澄仕至宰相唐書有傳庵僧因逢吉家集中記錄刊於石
辭多舛誤其山名幡竿源山上有南唐惠濟禪師石墳由證

寂半里至華嚴院由華嚴東北行三里至永福院舊名龍雲道中望五老峰厯厯可數高下爲十餘峰矣中有師子峰狀若刻削雲物隱映尤所肖似庵之後頗有亂石西北直下有鷹觜峰亦在五老峰之間也蓋起淨住至永福院凡二十有一同在棲賢之澗東耆舊謂之澗東諸庵巖云由永福下山入大富莊八里由大富莊東北行至慧日禪院十里院在官道西下官道傍澗而行兩山挾澗重複者五里宛若洞府舊名仙居洞院記云唐乾寧中僧如義始結庵舍吳太和初僧惠從乃大構禪刹時楊澈刺江州頗捐信施仍親篆仙居永安禪居之榜題曰吳太和五年歲次癸巳正月戊寅朔奉化軍節度使江州觀察處置等使特進檢校太尉中書令使持

節江州兼軍事江州刺史上柱國德化王食邑三千戶楊澈
篆祥符二年改今額而僧寶其故篆昔如義之居山也朱朴
嘗依以肄業乾寧中有道士許巖士出入禁中爲姦利朴附
之因薦朴有經濟才昭宗召見對以經義甚悅卽日自國子
博士拜諫議大夫平章事議論迂闊動爲笑端數月巖士敗
遂俱爲韓建所殺故今謂之朱朴書堂道旁有睡龍潭次白
龜池次文殊臺出白石英堪入藥品中或有五色光俗因謂
之菩薩石次羅漢臺次觀音泉乃至慧日院五巒峰在其前
五巒峰之下有大雄庵去慧日三里山勢環聳屹若城壁亦
別一奧處也內翰錢易記云貞觀二年梵僧尋山愛其深遠
有若大雄演法之勢故名大雄太和中宣宗避難與僧志閑

嘗居焉後出官道行田間七里至佛殿庵僅同田舍佛殿一
里至興福菴復爲完潔由興福庵三里至智林院舊名慈雲
其前有瑞雲巖若崩雲紫翠欲墮於地馬祖大師嘗居焉有
馬祖巖馬祖泉其北至吳章嶺三里過嶺則江州界也慧曰
之西南十里至大城庵山勢如城郭故名大城其北一里過
張家山山間數百家皆是張姓張山之西二里至延真觀舊
曰昭德觀治平二年賜今名唐貞元中李女貞所創女貞名
騰空宰相李林甫之女李太白送李女貞歸廬山詩曰羨君
相門女學道愛神仙素手掬秋靄羅衣曳紫烟一往屏風疊
乘鸞策玉鞭柳渾自江州刺史入朝會昭德皇后薨因言詠
真洞蔡尋真并騰空所居可錫觀名以伸追奉德宗因以尋

眞名詠眞洞而是觀也以昭德之諡名之近世好事以太白
送女貞歸山詩并送內尋騰空詩刊石於祠壁昭德之前西
一里有東登雲庵林深水遠亦山之佳處也棲賢澗亦有登
雲庵故此以東別之昭德源在觀北源上有凌雲峰峰下有
淨慧院去昭德觀一里唐名永昌院祥符中改今名院記云
秦弘始中德安上人自西涼來居焉光化中希奉上人重修
江州刺史成紀侯李奉宗奏爲永昌院天祐五年戊辰歲僧
齊已撰昭德之西出官道二十里至尋眞沖虛觀故名詠眞
洞道書眞誥述三十六洞天永眞洞天第八七十二福地廬
山爲元辰福地是觀也卽詠眞洞天五老峰正在其後唐貞
元年女貞蔡尋眞居之因以爲名觀後有白龍潭懸瀑注焉

舊史云漢武帝過九江築羽章觀於屏風壘下臨相思澗今五老之一峰壘石如屏障焉蓋其故地金潭上有淥淨亭尋真之下西南二里有普覺院舊名長慶由普覺西還十里亦至羅漢禪院羅漢之南五里至聖惠莊卽咸平中所賜廣濟者廣濟卒亦葬焉莊之南二里有大衝庵蓋自南康軍之東北出尋陽門一里則有東庵院院中有重湖閣南望楊閣左里北臨宮亭湖湖上宮亭神廟寰宇記云周武王十五年置其神能分風擘流行旅過之必敬祀而後得去故曹毗詩云分風爲二擘流成兩干寶搜神記云昔吳郡太守張公直自守徵還道由廬山子女觀祠婢指女戲妃像其妻夜夢致聘怖而遽發中流船不行合船驚懼曰愛一女而合門受禍耶

公直不忍遂令妻下女於江其妻布席水上以其亡兄女代之公直知下兄女怒妻曰吾何面於當世也復下已女於水中將度遙見二女於岸側旁有一吏曰吾廬君主簿敬君之義悉還二女神林灣在湖之西北尋陽云爲安世高之所度其神乃化形蛻於蛇岡至今舟人往來猶禱焉又自軍南出福星門則落星石在彭蠡湖水中石上有落星寺王僧辯陳武帝破侯景於落星灣卽其地也其西有釣魚臺南有流清庵亦在水旁落星灣泛舟過釣魚臺一里至明心院舊名翠微庵由明心至楞伽庵五里楞伽至善才庵五里善才三里至凌雲庵凌雲三里亦至萬杉禪院明心之東南五里又至東古山法輪院法輪北至萬杉院亦十里又有西古山山有

興禪院在歸宗之東十里其東三十里抵南康軍所謂東西
古山非廬山也然草木閒野亦自可愛善才屋宇爽塏楞伽
有流水在其後自南康軍入山過楞伽則無不潺湲者矣凡
自軍西出建門一里傍官道有承天院院依隆阜上有松

峰亭今名草堂過此則去遊開先矣自軍北出五老門半里
過望雲亭五里過聖惠莊又五里過羅漢院則去遊棲賢矣
右自寶巖之南雲慶至於圓通同隸江州謂之山北老子之
宇二同名觀佛之宇五十有五或曰寺曰院曰庵巖曰蘭若
其實皆僧居也由康王觀至于慧日之北窗雲同隸南康謂
之山南老子之宇九佛之宇九十有三余始遊廬山問山中
塔廟興廢及水石之名無能爲子言庵雖言之往往襲謬失

實因取九江之圖經前人雜錄稽之本史或親至其處考驗
銘志參訂耆老作廬山記其湮泐蕪沒不可復知者則闕疑
焉凡唐以前碑記因其有歲月甲子爵里之詳故并錄之庶
或有補史氏云

廬山記卷三終

北道刊誤志

北道刊誤志

守山閣叢書 史部

宋王瓘撰

金山錢熙祚錫之校

東京開封府禹貢兗豫二州之域

豫舒也言稟中和之氣性安舒也

周邾鄘

衛三國之地

商畿內地周分爲三北謂之邾南謂之鄘東謂之衛詩邶曰在浚之下鄘曰在浚之郊衛曰墜

彼淇澳三國同風

後又屬鄭戰國時魏都焉

史記魏惠王三十一年徙治大梁漢書曰魏一

梁秦隸三川郡漢文帝十二年封子武爲梁王都大梁

武卽孝王

後徙治睢陽

武帝元符元年置陳留郡

留屬陳故稱陳留

縣十七陳留小

黃小黃在陳留縣東北

成安寧陵雍邱酸棗東昏襄邑外黃

魏郡有內黃故邴外

縣有黃溝故名封邱長羅尉氏僞陵長垣平邱濟陽浚儀王莽以益

歲以南付新平雍邱以東付陳定封邱以東付治亭陳留以

西付祈隧

陳留圉縣莽改曰益歲新平改淮陽陳定故梁郡治亭故東那祈隧故策陽

陳留無復

有那矣後漢陳留郡十七城陳留浚儀尉氏雍邱襄邑外黃

小黃東昏濟陽平邱封邱酸棗長垣已吾

寰宇記已吾城在寧陵縣東南

考

城圉城扶溝三國時屬魏晉爲陳留國縣十小黃浚儀封邱

酸棗濟陽長垣雍邱尉氏襄邑外黃自漢至晉並兗州刺史

所部東魏天平元年置梁州治大梁城領郡三陽夏開封陳

留陽夏郡治雍邱縣五陽夏雍邱濟陽圉城襄邑開封郡治

開封縣二開封尉氏陳留郡治浚儀縣三浚儀封邱小黃北

齊併開封郡入陳留郡後周大象元年改梁州爲汴州以城

臨汴水爲名隋開皇初廢陽夏陳留二郡大業初又廢汴州

分其地入滎陽濟陰潁川梁東等郡唐武德四年王世充平

於浚儀縣置汴州總管府領汴洧杞陳四州

洧州今歸氏武德四年置杞州

今雍邱隋開皇十六年置大業初廢武德四年置至正觀汴
元年並廢○元年下原衍二年二字据新唐書地理志刪汴

州縣五浚儀新里開封封邱小黃一作黃七年改爲都督府縣

五浚儀雍邱陳留中牟尉氏正觀元年隸河南道景雲二年

爲中都督府領宋豫曹滑許陳潁七州尋罷開元二十一年

置採訪使此爲河南採訪使治所唐每道置採訪使如漢刺史之職河南治汴州天

寶初改爲陳留郡縣六浚儀開封尉氏封邱雍邱○原脫二字据唐

書地理志補陳留乾元元年復爲汴州建中二年置宣武軍節度

使領汴宋潁亳四州梁開平元年爲開封府按五代史建名東都縣十

五開封浚儀陳留雍邱封邱尉氏酸棗長垣中牟陽武襄邑

戴邑古戴國也漢以爲菑縣章帝惡其名改曰考城扶溝陽陵太康後唐同光初復

爲汴州宣武軍縣十浚儀開封封邱陳留雍邱尉氏陽武長

垣扶溝考城晉天福三年復爲開封府領縣如梁制

按天福三年十

月汴州升爲東京置開封府

皇朝建隆四年領縣十六益東明咸平五年

置咸平縣大中祥符二年改浚儀爲祥符廂八坊一百二十

府境

東西三百八十里南北二百四十五里

分塋 周禮保章氏卿訾衛也壽星鄭也漢書天文志房心

豫州地理志曰魏地觜觿

音弋隨切

參之分塋衛地營室東壁之

分塋漢書曰梁爲大國居天下膏腴北界泰山西至高陽四

十餘城

戶口 戶十六萬七千一百九十四口二十六萬四千二百

五十二

漢武帝陳留郡戶二十九萬六千二百八十四口一百二十萬九千五百

唐天寶初陳留郡戶十萬九

千八百七十六口五十七萬七千五百七

唐貢絹今酸棗中牟貢酸棗仁麻黃

附

物產

張載七命曰

大梁之黍水經注曰國多池沼地中出神劍其民象而作之號大梁氏劍

風俗 河圖曰交豫宮徵合平靜有慮人聲端其泉甘又陳

留風俗傳曰

漢儀郎闕稱撰陳留風俗傳三卷

人多髦俊通儒術雜以游俠

施與有魏公子遺風故其人難動以非易感以義

城池 舊城周二十里一百五十五步唐建中二年築

按汴州記

李勉重築

南面三門

朱雀

梁曰高明晉曰薰風太平興國四年改曰朱雀

保康

大中祥符五年建會靈觀

置保康門

崇明

周曰興禮太平興國四年改崇明

東面二門

麗景

梁曰觀化晉曰仁和太平興國四年改曰麗景

望春

梁曰建陽晉曰迎春周曰

和政太平興國
四年改曰望春

西面二門

宜秋

梁曰開明晉曰金義太閭閭梁曰乾象晉

日千秋太平興國
四年改曰閭闔

北面三門

景龍

梁曰興和晉曰元化乾

安遠

梁曰含

寧陽太平興國
四年改曰安遠

天波

舊曰大安太平興
國四年改曰天波

新城周四十八里二百三十三步周顯德三年築

南面五門

南薰

景風

宣化

朱明

安上

畏景

已上並太平

興國四年改今名普濟

惠民河上水門太

廣利

惠民河東水

四年
賜名

東面五門

朝陽

延存

含輝

太平興國四年改

上善

水門事

見開遠
門性

通津

汴河東水門太平興國四年賜名舊傳常號通
津爲廣津咸通爲善利大通爲順濟通天爲

德蓋避章獻太后家諱今悉還故名○案原目五
門今闕其一當是咸通玉海百七十四作善利

西面五門

順天

周曰迎秋開遠

開遠上善二門舊經云太平興國四年改額而國朝會要皆不

載金耀

周曰肅政與順天並太平興國四年改今名

大通

汴河西水門

咸豐

廣濟河上水門已上

並太平興國四年賜名

北面四門

景陽

周曰長景永泰

周曰慶景

通天

周曰元德

已上並太平

興國四年改今名安肅

太平興國四年賜名

廂左第一城東

右第一城南

左第二城西

右第二城北

坊太平

觀德明德

義和安業

嘉善廣利

景寧

寶積

惠政

宣平

興寧

信陵

興道

光德

龍華

宜春

昭德

福善

延康

延德

建初

太和

景明

甘泉

興國

樂遊

崇仁

保和

靖安

光化

嘉德

廣福

興國

敦義

全順

宣化

新昌

常樂

壽昌

利仁

岳臺

敦義

嘉平

嘉平

嘉平

嘉平

嘉平

嘉平

清和 顯仁 春明 汴陽 崇善 宣陽 安仁

建隆 延秋 咸寧 惠寧 福昌 隆安 慶成

興化 徽安 延禧 永豐 豐安 義康 順成

善利 安遠 宣義 景福 保義 順政 崇節

崇義 普寧 奉化 歸德 大寧 崇禮 廣濟

敦教 普寧 奉化 建寧 普惠 永和 景平

昭化 敦化 武城 建寧 普惠 永和 景平

建平 長慶 清化 光慶 永昌 敦信 永安

寧遠 炳中 安興 延慶 昌樂 永寧 永平

豐義 崇慶 安興 延慶 瑞應 咸宜 安定

崇化 保安 泰寧 嘉慶 保寧 咸宜 安定

永順 延福 昭善 安化 保寧 咸宜 安定

晉呂豫爲陳留太守陳留爲大郡號稱多士琅邪王澄行經

其界豫遣吏迎之澄問吏曰此郡人士爲誰曰有蔡子尼江

應元蔡克江統是時郡人多居大位者澄以其姓名問曰甲乙等

非君郡人邪吏曰是也曰然則何以但稱此二人吏曰向謂

君侯問人不謂問位澄笑而止到郡以吏言謂豫曰舊名此

郡有風俗果然小吏亦知如此

人物 魏段干木

公子無忌

信陵君昭王時

隱士侯嬴

朱亥

張

儀 秦尉繚

漢張耳

陳餘

唐崔顥

張士嚴

父亡廬墓有虎

狼依之

汴女李

州里欽其孝武后時詔表門閭

赤開封縣本漢縣

功臣表高帝十一年陶舍封開封侯

屬河南郡

今縣南五十里開封故城

即漢治所

晉屬滎陽郡東魏於此置開封郡北齊天保七年廢隋

縣省開封六年復屬汴州煬帝改隸滎陽郡唐武德四年復

置汴州以縣屬焉正觀元年省入浚儀延和元年析浚儀十

四鄉尉氏三鄉復置後爲望縣梁開平初升爲赤縣

中國名曰赤縣

神州張衡靈憲圖曰崑崙東南有赤縣神州風雨有遷於仁時寒暑有節左思魏都賦曰神州之略赤縣之畿

遷於仁

和門內

按此錄前載麗景門梁曰觀化晉曰後唐同光中隆仁而此言梁遷于仁和門內恐誤

爲望縣晉天福三年自洛都汴復升爲赤縣皇朝開寶三年

徙于今治

按唐以開封治東界今縣本倉事具開寶中范閱修縣記

廟

京東第一 第二 第三

坊

安節明義

清明嘉豫

園苑池

宜春苑講武池

玉津園

國子監建隆三年重修有文宣王殿其後建閣以藏太宗御

書又有真宗御製御書碑二

其一祥瑞論勤政論俗吏辯其崇儒術論爲君難爲臣不易

論修監碑翰林學士承旨陶穀撰

太學在其東

景靈宮在太平坊大中祥符八年置正殿曰天興有奉真孝

嚴英德三殿以奉三宗聖容又有章懿太后廣孝殿宮之東

隅建碑刻景靈宮讚并序真宗御製御書

按景靈宮頌及奉真殿醮獻記並劉

錫撰奉真山亭記晏殊撰

崇先觀舊曰壽星本上清宮壽星

奉真殿瑞橙詩序盛度撰

殿慶歷三年火此殿獨存因以爲觀嘉祐七年更今名有永崇殿以奉眞宗聖容

集禧觀舊曰會靈大中祥符七年置以皇祐五年火更今名

正殿曰奉神殿之東廡有奉神述碑眞宗御製御書并篆額

仁宗親謄篆額于石

按奉神述蔡襄摹寫碑陰文梁適撰又有神藻殿以藏眞宗御製

有奉

眞園芳華園凝祥池

醴泉觀舊曰祥源觀天禧二年置以至和元年火更今名正

殿二前曰寧聖後曰感通其西涵清殿有湧泉飲者疾多愈

有靈嬉園

奉先資聖禪院乾德二年置有宣祖昭憲皇后慶基殿大相

國寺唐延和元年立今額

本北齊大建國寺後廢唐爲歙州司馬鄭審之宅因災施爲招提坊

復置寺睿宗以舊封相王改曰相
國事具汴州記一云鄭景之宅
至道中增修修寺記太宗

御題額手額記呂夷簡撰正殿北資聖閣按寺舊有重閣高三百尺敵楊州西靈塔唐大順初

災後唐長興二年復修構咸平中改
日資聖又重樓三門至道元年造
其南仁濟寶奎二殿東

仁濟立銅人式并刻鍼灸圖經于石有仁宗御篆夏竦撰序
西曰寶奎有仁宗飛白書章得象篆額晏殊撰記寶奎北有

經藏天聖初降真宗御集其西法華院有佛牙碑太宗真宗仁宗御製頌

偈贊按佛牙碑賈昌朝書御製韓琦立石趙槩篆額王珪撰序并書又寺之東廡有真宗御製法音集箋註題名記

晁文莊公撰東南隅普滿塔案普滿塔唐至德中建寺舊有僧惠雲鑄彌勒像睿宗書寺額王溫裝佛

并善神吳道子畫文殊維摩李秀刻障目邊思順造排雲閣
石抱玉畫變相車政道畫天王瓊師畫梵王帝釋僧智嚴造

位次圖世以此爲十絕又有玉階石鑑李邕書韓幹畫塔旁

亦皆絕倫又据汴州記有田神功李紳真今失其所
羅漢院有桂籍堂案新賜第進士多集於此揭碑以刻御詩并題名云云寺中又有設粥院記宋綬撰

資聖閣新院記李淑撰
撰裕堂記吳育撰

明聖觀音禪院

梁乾化元年置經藏樓碑晉徐台符撰

定力禪院

本梁廟後唐同光二年置

天成三年立今額院記李昉撰

普淨禪院

唐長興二年置晉天福四年立今額案遊普淨院序陶穀撰趙安仁

景德寺本相國寺之東圃周顯德中置寺六年曰天壽景德

三年改今額

案舍利塔碑陶穀撰

天清寺在繁臺下周顯德二年置在清遠坊六年徙於此門

記王著撰有興慈塔

開寶中建

乾明寺舊曰報先太平興國三年改今額乾明太宗誕節名

後徙無相寺入焉

修寺碑李昉撰

萬龍岡在縣東南五十里

兔岡在縣東北七里舊云卽梁

孝兔苑俗曰兔倣岡

汴河

案水經汴水出陰溝於浚儀縣北鄆道元注曰陰溝漢

也說文云汴水出陳留浚儀陰溝東入泗亦作汴汴戴延之
西征記曰二皇山上有二城東曰東廣武西曰西廣武汴從
澗中東南流今澗北征記中牟臺下臨汴水是爲官渡水張
華曰一渠東南流經浚儀謂之洪溝一渠東經陽武爲官渡
水文穎曰洪溝卽官渡水也自禹塞滎陽澤開渠以通淮泗
漢平帝時汴河決壞明帝永平中引樂浪人王景使陳利害
賜山海經河渠書禹貢圖詔景與謁者王吳共治渠起自滎
陽水至于乘海口景乃十里立一水門共相同注無復潰漏
之患宋武帝北征後復皆湮塞隋煬帝大業元年發河南諸
郡男女七百萬更令開導名通濟渠西通河洛南達江淮杜
佑曰通濟渠煬帝引河以通江淮兼引汴水卽浪荡渠也坤
元錄曰通濟渠者受黃河孔穎達曰汴水自滎陽受河離水
受汴汴從河出離從汴出衆說少異疑各從所据故並存之
太宗至道中參知政事張洎嘗講求汴水源語在國朝會要
前漢書地理志云滎陽顏師古注云汴水漏池皆在西南
存狼浪渠首受沛東南至陳入潁過郡四行七百八十里應
劭曰故虢國亭是也師古曰狼音
浪浪音宕沛音子禮反本濟水字

廣濟河卽荷水也

括地志荷澤在會州濟陰縣東北

俗曰五丈河開寶六年

改曰廣濟

案周顯德六年發滑亳二州卒潘五丈河東流於定陶入於濟以通青鄆

惠民河自尉氏縣界經縣入祥符縣界復過縣境東南入于

蔡俗曰閔河開寶六年改曰惠民

案建隆元年導閔水與蔡水合貫京師以西南爲閔

水東南爲蔡

蔡河在縣南八里

案周顯德六年二月命韓令坤自京南引閔水入蔡河以通陳潁水運

又蔡

渠在縣東南二十里水經云蔡水東流至於潁

案六典桑欽水經引天

下之水百三十七鄆善長注水經引其支流千二百五十二桑欽見前漢志鄆道元字善長後魏人又據後魏書道元鄆

經四十卷

源出濟腹自尉氏縣界入縣境今涸

浚溝在縣東北五里詩曰爰有寒泉在浚之下

案詩注浚衛邑與地志曰

夷門之下新里之東浚水經其北而舊經不載其源鄆道元以爲反於大梁北又曰浚水理或然也

琵琶溝在縣南十里自中牟富戶溝入祥符縣界過鹿瀆自

鹿瀆而東貫建城甘石二陂經縣境入尉氏縣界一曰新渠

以形似琵琶故名

案舊經又有渦水在縣東南三里引水經云陰溝東南至沛爲渦水隋大業三年開

唐正觀十三年長史柳實續建斗門引注琵琶溝今廢

沙海戰國策曰齊欲發卒取周九鼎顏率說曰夫梁之君臣

欲得九鼎謀於沙海之上爲日久矣卽謂此也隋文帝疏鑿

舊迹引汴水注之習舟師以伐陳今涸

在縣西北十二里

逢澤

案水經注魯溝東南入百尺陂卽古之逢澤也在縣東北十四里

史記秦會諸侯逢澤

一名逢池

案通典作蓬池

唐天寶六載改曰福源地

案梁惠王廢逢忌之藪以賜民

今浚儀逢陂忌澤

甘石陂在縣東南秦太史甘公所居亦曰甘城

夢隄在縣東北七里陳留風俗傳云漢梁孝王都大梁以其

地下濕東徙睢陽益築此隄至宋睢陽三百里以近蓼城故

曰蓼隄

案元和郡縣志云蓼隄梁孝王所造甬道也

橋汴河

延安廣津

通遠

惠民河

龍津宣泰

安國

延福

人物 鄭興 鄭沖

倉垣城在縣東北二十里水經注云濟水又東逕倉垣城興

地志云倉垣城南臨汴水西北有蒼頡冢城有列仙臺

案元和姓

纂云地記蒼頡姓侯置氏又云蒼頡居馮翊又据尚書正義世本云蒼頡作書司馬遷班固韋誕宋忠皆云蒼頡黃帝之史官也崔瑗曹植蔡邕索靖皆直云古之王也徐整云在神農黃帝之間譙周云在炎帝之世衛氏云當在包犧蒼帝之世慎到云在包犧之前張揖云蒼頡爲帝王生於禪通之紀諸儒之解蒼頡其說相盤故悉載以備廣記云耳

廢新里縣城在縣東三十里顧野王輿地志云夷門之下新里之東是也隋開皇十六年分浚儀置新里縣大業二年廢

唐武德四年復正觀元年又廢

案唐志武德七年廢新里入浚儀與此異

吹臺十道志大梁有師曠蒼頡吹臺漢梁孝王增築曰明臺

孝王常案歌吹於此亦曰吹臺

按陳留風俗傳云縣有蒼頡師曠城城上有列仙吹臺梁

王增築之後有繁姓居其側亦謂之繁臺梁開平中嘗閱武於此

又曰講武臺

按喪亂乞活憑居之亦謂之乞活臺見元和郡縣志

南硯臺張耳墓以其形似硯因名

漢時

信陵亭在城內臨汴水魏公子無忌勝槩之地俗曰公子亭

舊在相國寺前大中祥符七年徙於此

北直景靈宮

赤祥符縣本浚儀縣

按浚儀古大梁文潁曰大梁亭是也

顧野王輿地志云夷

門之下新里之東浚水經其北象而儀之故曰浚儀

按水經注云陳

留風俗傳曰縣北有浚水象而儀之故曰浚儀帝王世紀云禹避商均浚儀晉地道

記云儀封人此縣也

按論語注曰儀蓋衛邑封人官名
寰宇記儀城在東明縣之西北

亦爲

衛地漢屬陳留郡晉屬陳留國後魏徙大梁城

東魏天平中於此置梁州

隋初屬汴州煬帝改隸滎陽郡唐武德四年於縣置汴州自

隋陟唐迄于五代晉周之間凡六遷

按東魏縣在大梁東至隋始遷城中既又徙城

北唐置羅城內移遷州西其地卽今右軍
巡院晉移崇仙坊周遷城北今班荆館是

皇朝乾德中徙于

今治大中祥符二年改曰祥符

按唐以浚儀治西界

廂

京西第一
京北第一
第二
第三

坊

天馬
乾耀
天苑
阜門
天泉
福慶
金城
建陽
開化

瓊林苑舊曰金鳳園瑞聖園舊曰含芳

金明池方八里太平興國中太宗以其地停水因疏爲大池

池中構廣殿通以飛梁其南瓊林苑面池起樓

樓今號寶津

每歲

暮春具樓船水嬉以備車駕臨幸焉

都亭驛在縣南官街西

舊曰上源汴州記云隋煬帝開汴河起此

班荆館在縣北景陽門外

案班荆館見汴州記又有大梁浚儀夷門三館今廢

祆神廟

案西夷朝貢錄康國有神祠名祆畢國有大祆祠說文胡神也唐官有祆正一曰胡謂神爲祆關中謂天

爲祆瀛州樂壽縣亦有祆神廟唐長慶三年置本號天神舊經引漢書金人祭天事据霍去病獲休屠王祭天金人如淳

日祭天以金人爲主

萬壽觀天聖七年置正殿曰太霄有延聖殿以奉真宗聖容

案長生崇壽殿讚并序并篆額又表詔刻石記真宗御製御書仁宗御製并箋額

又有章惠太后廣

愛殿

建隆觀建隆中置

觀記馮元撰或云本端雲觀地

太一宮正殿曰黃庭

宮紀宋授撰

瑤華宮在安定坊景祐二年置

太平興國寺開寶三年置

其地本唐能興寺周顯德中廢爲倉

太平興國元年

賜額有開光殿以奉太祖聖容寺之西偏傳法院

案傳法院太平興國

七年置初天竺僧天息梵策來獻始營茲院以翻譯新經

護持

其中建閣舊藏天竺梵

經有聖教序碑太宗眞宗御製閣南乾華殿有天竺梵字碑

仁宗御製序御書梵字并篆額

案梵字序賈昌朝書梵字後記章得象撰乾華西有譯經

碑銘仁宗御篆記程琳撰又乾元節譯經御筵賦詩序呂夷簡撰

啟聖禪院卽太宗誕聖之地太平興國中置有永隆殿以奉

太宗聖容

院碑晁文元公撰

慈孝寺天聖五年置本蔡國公主宅有崇先殿以奉眞宗聖

容又有章獻太后彰德殿

寺碑夏竦撰宋綬書

普安禪院周顯德五年置有殿二南曰隆福元德皇后殿北

曰重徽明德皇后章穆皇后殿

水陸大齋碑晏殊撰

開寶寺舊曰獨居魏甘露五年修唐更曰封禪

案明皇東封近寺置行宮

改爲封禪寺見汴州記

開寶中改今額其西福聖禪院舊有靈感塔經

火廢

按寺舊有雙林院唐懿宗立額東上方院有令狐綯讀書堂

其東經藏院制舉登科

皆刻名於此

按題名記楊察撰又仁王院碑王著撰寶林院法堂記宋白撰

報慈寺本梁祖故第乾化四年置

寺碑梁鄭珏撰

寶相禪院後唐長興元年置晉天福三年立有彌勒閣顯聖

寺建隆元年置

案感慈塔碑仁宗篆額晏殊撰

夷門山今開寶寺後城冢記云大梁城門名也

案元和郡縣志傳亮爲宋

公修張良廟教曰過大梁者或作想今夷門卽謂此

汴河城家記云大梁城南汴水東流

案隋煬帝欲幸江都開通濟渠自板渚引河通

于淮亦謂之仰河

廣濟河上承金水河貫新城

案水經荷水世謂之五丈溝東逕陶邱北周顯德四年四月引

京索水通五丈河東北注定陶入于濟

京索河在縣西南十五里

京

案楚漢戰京索京鄭共叔所居應劭曰縣名水經曰黃水

發源京縣黃堆上東南流名視龍泉泉勢沸涌狀巨鼎揚湯西南流謂之龍項口世謂之京水也元和縣志曰京水出榮

陽縣東索

案漢書注京縣名有大索小索亭水經注索水出南平地京縣西南嵩渚山北經小索亭西京相璠曰世語

本索氏兄弟居此故號小索又屈東逕大索城南春秋傳曰鄭子皮勞叔向於索氏即此城北征記有索水郡縣志曰索

水出榮陽縣小徑山十道志曰嵩渚山亦名小經南山海經云小徑之山器難之水出焉舊傳即索水也索音求索之索

一作藻春秋音義索悉落切

二水合流亦曰金水河自中牟縣界至縣境

流入御溝

案後唐同光二年命蔡州刺史朱勣開導索河以通漕運

白溝城水河在縣西南三十里皇朝疏鑿於萬勝鎮置斗門

以分汴水之溢入白溝自中牟縣界經縣境入廣濟河

琵琶溝貫逢池

元和郡縣志云在中牟名齋人溝至此而變名

古酺池在縣西舊經云梁孝王嘗大酺於此池

案蘇林曰陳留俗三月上

巳水上飲食爲酺說文曰酺王者布德大飲酒也出錢爲釀出食爲酺又案趙武靈王滅中山酺五日其所起遠也

牧澤陂

案水經記注牧澤中出蘭蒲俗謂之蒲國澤

郡國志浚儀縣西有牧澤陳

留風俗傳云魏惠王牧馬之澤唐正觀二年陂涸今復渟水

皇朝爲牧馬地俗呼爲霧澤陂

案汴州記城西北有霧澤陂又云此州北出雲氣李嶠詩

曰大梁白雲起

寒泉陂卽詩曰爰有寒泉在浚之下

案澶州濮陽縣有寒泉泊亦引是詩

橋汴河

天漢天

舊曰

金梁

縣

縣

縣

縣

縣

縣

縣

縣

縣

縣

縣

縣

縣

縣

縣

縣

縣

惠民河

懷安

人物

漢邊韶

邊文禮

王吉

符融

晉董養

後魏

鄭太

隋魏醜郎

大梁古城

案戰國策注大梁魏惠王所都今陳留浚儀西大梁城是又水經注沛水東逕大梁城北

城冢

記云大梁城畢公所築

畢公高文王之子

挂鼓城

挂字避聖祖嫌名

城冢記云師曠所築

博浪城

史記云張良爲韓報仇擊秦皇帝博浪沙中今陽武東南沙海相亘此城焉按漢書作博狼狼音浪

崇臺城冢記云梁孝王所築

案大梁城西北有魏王愁思臺卽此舊經并汴州記可見

岳臺舊云魏王遙事霍山神築此

張儀墓在樂安鄉形似硯謂之北硯臺

案郡國志作硯子臺

司徒陳執中碑仁宗御篆額曰褒忠之碑

張方平撰執中父恕碑錢明逸撰

畿長垣縣春秋時衛地

本漢縣水經注長垣故首垣秦更從今名

隋開皇十六年

改曰正城

正字避太祖廟諱上一字下同

縣南有故正城因名

春秋次于正即此地晉志

曰正城孔子所厄也

皇朝避太祖廟諱復爲長垣

濮水在縣北五十里

左傳云哀公二十七年齊陳成子救鄭及濮雨不涉杜預注云濮水自陳留酸

棗縣傍河東北經濟陰至高平入濟又過封邱乍城經縣境五十四里二百步人韋城縣界

隋開皇中刁

恭恭字避常導此水俗曰刁溝

望韋城縣古豕韋氏之國也

國語注陸終第三子曰簒爲彭姓豕韋彭姓之別封者又姓苑

陸終古天子號神仙傳曰

屬滑州

隋初

中衛南縣本衛楚邱之地

案通典文公自曹邑遷楚邱即此城

春秋時衛爲狄

所滅東徙渡河野處曹邑齊桓公攘戎狄而封之

案漢志齊桓公更封

衛於河南曹是爲文公曹及楚邱二邑名於是文公名燬乃自漕邑遷于楚邱即

今縣地後又遷于帝邱

今之濮陽是也文公注成公徙帝邱

漢爲濮陽縣隋開

皇十六年析濮陽白馬韋城縣地於此置楚邱縣屬滑州後

以曹州有楚邱

案元和郡縣志曰楚邱有二宋楚邱卽今宋州楚邱是也衛所遷楚邱今滑州衛南縣是

改曰衛南以其在衛之南垂故名皇朝雍熙中析屬澶州

白馬城在縣西二十里古衛之曹邑城家記云秦昭王逐白

馬至此而卧遂築城以擁之故名曰白馬城

上澶州禹貢兗州之域春秋時衛地襄公二十年盟于澶淵

是

案杜預曰澶淵今在頓邱縣南今名繁汙汙音紆水經注云澶淵卽繁淵也亦謂之浮水故瀆上承大河漢爲

東郡頓邱縣地唐武德四年析魏州之頓邱觀城置澶州晉

徙于德勝渡

土貢 唐澶州貢胡粉角弓鳳翮席今停

上頓邱縣本漢縣屬東郡衛詩曰送子涉淇至于頓邱舊治
在王莽河西後移于戚城東南二十五里今縣北有陰安故
城亦舊縣也唐於此置澶州晉遷於德勝縣并徙焉卽今治
所案史記注頓邱者城門名頓邱道

泉源祠在縣北三十五里詩云泉源在左

開福寺 在縣西一里本周高祖舊第顯德元年置曰興龍

五年改曰啟聖今有信武殿以奉眞宗聖容

中濮陽縣

案水經注濮水逕其南故曰濮陽

本高陽之墟謂之帝邱夏后之

世昆吾氏居之

博物志曰桑中在其中

春秋衛成公自楚邱遷于帝邱

後爲韓魏所侵衛獨有帝邱

案蔡徙衛野土

二漢屬東郡

應劭曰濮水南入鉅

野隋唐隸濮州晉天福四年遷于澶州之南郭

河瀆廟在縣西北二里景德元年車駕北巡因置廟大中祥

符元年進號顯聖靈源公遣使告祠焉

真宗御製靈源公贊命翰林學士晁文元

公撰

碑

德清軍

本陸家店地晉移澶州於德勝寨以舊澶州置頓邱鎮天福六年高祖幸鄴都改爲德清軍開通元年遷

於此屬澶州

中清豐縣本漢內黃縣地孝子張清豐所居號清豐店唐大

歷七年置縣因曰清豐屬澶州皇朝慶歷四年四月遷縣於

德清軍仍故屬云

廣陽山郡國志曰高陽所葬俗號青冢山

次畿南樂縣本漢昌樂屬東郡

漢志作樂昌

後漢省後魏太和二

十年置昌州治於縣今縣西古城是天平元年廢州徙縣繁

河西更名繁水今縣西廢城是後周廢繁水縣復置昌州及縣今故昌樂縣是隋又改爲繁水唐武德五年復爲昌樂隸魏州後改曰南樂

北京大名府

治大名元城二縣

禹貢兗冀二州之域後爲觀扈之國

春秋時爲晉地戰國時爲衛魏二國之境秦以魏地置東郡以趙地置邯鄲郡漢高祖使韓信定河北以秦邯鄲郡之南部並東郡之邊縣置魏郡

漢魏郡治皆在鄴

後封曹操爲魏公分置

東西都尉黃初二年置陽平郡晉因之前燕慕容暉都鄴於今州治置貴鄉郡宋文帝又分置東陽平郡周大象二年於貴鄉東界置魏州隋大業初罷州爲武陽郡唐武德四年復置魏州龍朔二年改爲冀州以舊冀州爲魏州升此爲大都

督府咸亨三年復爲魏州罷都督府開元二十一年置採訪使此爲河北採訪使治所天寶元年更爲魏郡至德之後中原用兵刺史皆治軍戎遂建天雄軍節度乾元元年復爲魏州後爲魏博節度使大都督府梁爲天雄軍節度後唐同光元年升爲東京興唐府三年建爲鄴都晉天福二年爲廣晉府案五代史天福三年升爲鄴都漢乾祐元年爲大名府周顯德元年復爲天雄軍節度皇朝慶歷二年五月十六日德音升大名府爲北京行宮正殿以班瑞爲名

次赤大名縣本漢元城縣地後魏太和二十一年分置貴鄉因慕容暉之貴鄉郡以名之後唐改曰廣晉漢乾祐元年更曰大名縣

大河故瀆俗曰王莽河

案瀆至王莽時空故世傳爲王莽河或云王莽決河而東北河遂空非也

見後館陶縣

次赤元城縣本漢縣屬魏郡魏武侯公子元食邑於此遂氏焉

次畿館陶縣本春秋時晉冠氏邑也縣西北七里有陶邱趙

時置館於其側因以名縣漢屬魏郡魏屬陽平郡石勒移陽

平郡治此後周大象二年置毛州隋大業初廢以漳水溢決

徙今治屬武陽郡唐屬魏州屯氏河

案漢書注河水別出爲屯氏河東北至章武入

海在縣西三十里漢書溝洫志曰自塞宣房後河復北決於

館陶分爲屯氏河顏師古曰隋室分析州縣誤以爲毛氏河

乃置毛州失之甚矣

案師古以隋誤置毛州州據上文周大象二年置又周尉遲迴爲相州總管不

受代自稱大總管所管相衛黎毛洺貝趙冀瀛
滄皆從之則周已有毛州明矣師古注釋疑

次畿永濟縣本漢清河郡貝邱縣之地隋以後其地入臨清
縣唐大歷七年析臨清之南偏置永濟縣以西潁永濟渠故
名本隸貝州天祐三年隸魏州

次畿臨清縣本漢魏郡清淵縣地

清河在西北

後魏太和二十一

年分置以臨清河故名後唐屬魏

望恩州禹貢冀兖二州之域据河自大岷山北過降水至于
大陸地里志云降渠在經城縣北去郡四十五里今治在降
水之東古兖州之境也水西諸縣乃冀州之域周爲甘泉之
地春秋時爲晉東陽地亦齊之西境三家分晉入趙秦并天
下爲鉅鹿郡地漢高帝三年韓信出井陘定趙地分鉅鹿郡

始置清河郡景帝改爲清河國後漢桓帝二年

建和

改爲甘陵

案安帝以孝德皇后葬于厓改曰甘陵因以名縣桓帝建和二年改清河爲甘陵蓋安帝初改晉曰甘陵至桓帝又改清

河國爲魏復爲清河郡晉爲清河國

石勒移於平晉城苻堅又移於武城後魏

移郡於漢厓城北齊移於今州西北十里後周建德六年平

齊於郡治始置貝州

又案元和郡縣志因貝邱以爲名

隋初郡廢煬帝初復

清河郡而廢州唐武德四年復爲貝州六年徙治於歷亭八

年復還故州天寶初爲清河郡乾元三年復爲貝州咸通中

徙於故州東南十里卽今治所晉天福三年爲永清軍節度

以博冀二州隸之皇朝慶歷八年改爲恩州降爲軍

案元和郡縣志

云郡臨清水故號清河

清河絹爲天下第一

隋圖經附

緊清河縣周甘泉市之地秦爲厓縣漢爲信城縣屬清河郡

後漢安帝改爲甘陵晉省甘陵置清河縣於厓城之西南歷

後魏北齊至隋凡三遷案後魏自厓城西南徙厓城中北齊遷信成隋又遷於那羅城西後魏及

隋皆屬清河郡唐隸貝州皇朝端拱元年徙於郡北永寧鎮淳化五

年再遷今治

沙河本降水在舊縣西十里自清陽縣界經縣境禹貢北過

降水至于大陸案尙書注降水水名入河大陸澤名史記正義終水出潞州屯留縣方山至冀州與滹沱

水合入海大陸在邢趙界一名鉅鹿澤爾雅晉有大陸注鉅鹿縣北廣河澤是也降一作絳

上漳渠一名濁漳渠案淮南子濁漳出發包山一名鹿苦山在上黨長子漢志注鹿谷山濁

漳水所出東至鄴入清河鹿苦疑卽鹿谷水經注作麓谷世亦謂之濁漳爲潞水案禹貢覃懷底績

至于衡漳正義衡卽古橫字漳水橫流入于河王肅云衡漳二水名隋大業八年以水溢

壞堤防遂於鄴郡成安縣界決此水入下漳渠此渠遂涸

案

南子注二漳合流經魏郡入清河括地志濁漳今俗名柳河

下漳渠一名清漳渠

案淮南子清漳出揭戾注揭戾山在上黨沾沾他兼切又漢志注大鵬谷清漳

水所出沾縣名屬上黨水經注揭戾俗謂之漳山○引淮南子注沾下似脫縣字水經注引作山在沾縣今本淮南子注

作在上

在舊縣西二十五里自宗城縣界經縣境

上漳在舊縣二十二

里亦自宗城縣界經縣境入清陽縣界

二十五里合漳渠隋大業八年自鄴郡

成安縣界疏上漳渠水入此渠煬帝征遼回繇此渠亦號回

鑾河大業十三年竇建德於廣平郡界又疏此水入御溝與

永濟渠合此渠遂涸

案御河一名白溝隋大業四年春發河北男女百餘萬開永濟渠引沁水南達

於河北通涿郡十道志曰白溝水煬帝通爲永濟渠亦名御河此言疏下漳入御溝與永濟渠合御溝卽御河文意未明

故信成縣在舊縣西北十四里

寰宇記曰唐咸亨以前治此郡漢治信成

望清陽縣漢置屬清河郡

漢志注清陽王都

又爲貝邱縣

案應劭曰左氏傳齊

襄公敗于貝邱是又後漢志樂安國博昌有貝中聚水經曰京相璠杜預並言在博昌應注疏矣据注說齊襄公田于貝

邱非此地也

古清陽之地後漢省入甘陵晉省甘陵於此置清河

縣後齊省貝邱入焉改曰貝邱隋復爲清陽唐永昌元年徙

於永濟渠之孔橋卽州西南清陽故城是屬貝州開元二十

二年自孔橋徙今治甘陵

世謂之唐侯豕非也

在縣東南三十五里古

清陽城內舊經云後漢清河王慶之墓

案慶卽章帝子安帝父尊墓曰甘陵又居

縣圖云在縣西南疑

英陵在縣東南二十五里舊經云漢安帝弟懿之陵也

懿卽濟北

惠王壽子章帝孫也

隋姚思廉區宇圖云名翼陵陵上增築一級俗稱

翼英聲相近

碧陵在縣東南三十五里舊經云安王利之墓也

利卽河間孝王開會

祖區宇圖云名柄陵以陵西連上道若柄然俗稱柄碧聲相

近

又見瀛州樂壽縣疑

上冀州舜有十二牧禹貢九州則其一也

案晉志舜以冀州南北闊大分衛以

西爲并州燕以北爲幽州周人因焉

春秋時爲晉東陽地三家分晉屬趙秦屬

鉅鹿郡漢置十三部刺史冀州部郡國九魏鉅鹿常山清河

趙廣平眞定中山信都國縣十七

案信都國高帝置景帝三年爲廣川國宣帝甘露三

年復應邵曰明帝更名樂安安帝改曰安

後漢亦郡國九

武至下博城西有白衣父指曰努力信都郡爲長安守光武

卽馳赴之信都太守任光出迎卽今州下博在博水之下故

趙渤海安平國十三城州治高邑袁紹爲州治鄴魏時州治

信都晉郡國十三安平國縣八初治信都又治厭次後魏郡

四長樂郡縣八

案通典後魏爲長樂郡兼置冀州北齊後周因之

復治信都隋開皇

初郡廢大業初置信都唐武德四年改爲冀州六年置總管

府徙治下博縣正觀元年府廢州復治信都龍朔二年更爲

魏州都督府咸亨三年復故名天寶元年爲信都郡乾元元

年復爲冀州

案冀州堯所都虞及三代同爲冀州魏文黃初中以鄴爲王都始移冀州治信都石趙慕容垂

或治鄴或治冀州

皇朝慶歷八年閏正月三日升爲安武軍

案周禮

冀州韋昭王肅漢書云東西南北皆有河故曰河內爾雅云兩河間曰冀州郭璞云自東河至西河李巡曰兩河間其氣

清厥性相近故

淮南子云正中冀州曰中上

注云冀大也

風俗

漢志云趙地丈夫相聚游戲悲歌慨慷多弄物爲倡

優女子彈弦跕躑

跕音它頻躑與蕤同跕謂輕躑之也

大率精急高氣執輕爲

姦前代稱冀幽之士鈍如椎

案十三州志云冀州之地蓋古京也人患剽悍故語曰仕宦不

偶值
要都

人物

嘯父冀州人少在曲周市上補履梁思得其掌火法

臨上三亮山與毋別列數十火而登仙見列仙傳

望信都縣本漢縣屬信都國後漢屬安平國後魏屬長樂郡

隋曰長樂屬信都郡唐復爲信都屬冀州天祐二年以避朱

全忠祖名改曰堯都

書正義曰堯都平陽舜都蒲版禹都安邑相去不盈二百里皆在冀州

後

唐還舊名

胡蘆河在縣西一名衡漳信都記云衡水有袁譚渡歷下博

城北東北注謂之九爭曲水味鹹苦俗曰苦河亦號黃漳又

曰長蘆水

水經注衡水又北爲袁譚渡譚自北往還故得名

中衡水縣本漢桃縣地隋河北大使郎蔚之置縣以西有長

蘆河則衡漳之故瀆也因名衡水

衡漳水今涸

古降渠隋開皇中穿以引漳水

熙寧元年大河溢決此渠遂廢

上武強縣古武隧縣地六國時屬趙前漢屬河間國後漢屬安平國西晉於其城置武強縣因故城以爲名唐正觀元年自冀州析入深州皇朝熙寧元年七月以避大河及滹沱河水之溢徙于縣北舊武強城

上樂壽縣本漢樂成縣

成一作城

屬河間國故城在今縣東十六

里卽漢治所

城中有獻王殿址尙存

後漢桓帝改爲樂陵縣

後漢書作樂成陵與

此少異

帝追尊祖父河間王開爲孝穆皇以爲邑奉山陵魏改

爲樂成縣後魏遷河間郡及縣於樂壽亭又徙武桓城中

並太

和十
隋罷郡以縣屬瀛州開皇十八年改曰廣城仁壽元年

改爲樂壽

煬帝名廣

取樂壽亭以爲名大業十三年遷今治唐隸

瀛州周屬深州皇朝至道三年復還瀛州

房淵按九州記云樂壽縣有房淵方三百里慕容儼元璽三

年水忽生鹽如印其淵一日再長再減不失其度

洽開記云潛與海通

居者時見龍狗之狀戲於旁葉落於淵者輒有羣燕銜出未

詳其所

河間孝王墓

郡國志云俗曰覆金陵一云卽後漢河間孝王陵縣有二孝王墓

上瀛州舜有十二州爲并州地禹貢冀州之域周爲唐叔所

封之土春秋時屬晉七國時爲趙地秦爲鉅鹿郡之東北鄙

漢爲河間國後魏爲河間郡孝文分置瀛州郡國志云以地

帶瀛海又以物產滋瀛爲名隋初郡廢大業初州廢復置郡

唐武德四年改爲瀛州寶建德改天寶元年爲河間郡乾元元年

復爲瀛州案瀛州舊號關南太平興國七年改曰高陽關

人物 琴高案神仙傳高趙河間人入涿水三月乘鯉而出

衣服不濡案高以鼓琴爲宋康王舍人遊冀涿間二百餘年後辭入涿水取龍子其日皆待於水旁設祠屋果

乘赤鯉魚來去元俗河間人賣藥於市日中無影李善注文選元俗服

祠中見列仙傳雲信都芳字玉琳河間人少明算術隱於并州樂平之東山

案元和姓纂云張敖封於信都因氏焉一云本申屠氏古者信申音同齊有信都芳

望河間縣本漢州鄉縣地屬涿郡今縣東北四十里古州鄉

城卽漢治所後漢省州鄉入武垣屬河間國隋於此置河間

縣屬瀛州大業初隸河間郡唐復屬瀛州皇朝景德三年遷

今治

靈星祠

案周頌絲衣序云高子曰靈星之尸正義曰言祭靈星之時以人爲尸

在縣東南武垣

城漢高祖制詔御史令天下立靈星祠常以歲時祠以牛

案興八年有言周興而邑立后稷之祀於是令天下立靈星祠言祠后稷而謂之靈星者以后稷又配食星也三輔故事長

安城東有靈星祠漢舊儀曰古歲時再祠靈星張晏曰龍星左角曰天田則農祥也

晨見而祭之

案龍左角爲天田官主穀祀典云辰位祠之壬爲水辰爲龍就其類也

滹沱河在縣西十二里

案太平寰宇記引輿地志云二十里此疑誤倒

自深州饒

陽縣界經縣界入莫州任邱縣界

案周禮并州其川寧注出鹵城并見冀州鄭縣

施河

音施又苦炙切見漢志注

在縣一里滹沱河分流

案周禮并州其川嘔夷水經曰

施水出代郡靈邱縣高是山卽嘔夷之水又山海經曰高是之山施水出焉漢志曰嘔夷出平舒

義渡口在縣西南二十里後漢光武至滹沱河

案滹沱舊在饒陽南曹據

因饒河故瀆決令北注
新溝水後在饒陽北

令王霸往視霸詭曰冰堅可渡乃令

霸護渡未畢數騎而冰解卽此地

案光武所渡處今猶謂之危渡口

君子淀在縣北三十里三郡記云淀中多魚鱉菱芡舊經云
後魏太和中嘗築學館於此今淀中有君子家南有君子鄉

李善注文選淀殿古字通又大
冲魏都賦性云淀泉而淺者

上任邱縣本漢鄭縣地屬涿郡後漢屬河間國隋分置任邱

縣因縣南任邱故城以爲名

案元和郡縣志云隋時屬滿州

大業二年廢唐

武德五年復屬瀛州景雲中析隸鄭州

謁城一名任邱城

案舊經三郡記云漢元始二年巡海使在
中郎將任邱築此城以防海寇因名

在

縣南二十六里寰宇記云後漢桓帝崩太后使竇武詣河間

迎靈帝居此城羣臣至此朝謁謂之謁城

案竇武定策使劉
儵此云竇武恐誤

上莫州舜有十二州爲并州東境禹貢冀州之域周爲唐叔

所封之土春秋時屬晉晉開太行之東又爲晉東陽地七國

時屬趙亦燕趙二國之境秦爲邯鄲郡漢屬涿郡晉入符石

唐景雲二年始以瀛州之鄭文安清苑任邱唐興幽州之歸

義置鄭州案州卽瀛州鄭縣地是歲歸義還幽州莫字本從邑開元十

三年以鄭鄭文去邑○案新唐書地理志云以鄭鄭文相類更名天寶

元年改莫州○案太平寰宇記云天寶元年改爲文安

郡乾元元年復爲莫州此晉天福初析文安置州○案州

改下十字疑與彼文同字然割改安入霸州在皇朝清苑置保

周顯德六年此似誤州○案太平寰宇記云皇朝初卻於清苑縣置保

塞軍太平興國六年升爲保州割清苑縣屬焉鄭縣本漢縣屬涿郡後漢屬河間國後魏隸河間案寰宇記鄭縣

後魏孝昌三年移治河間
城周宣政元年還今治

隋廢屬瀛州煬帝復隸河間郡唐

武德四年屬滿州

案武德四年以高陽鄭博野清苑置滿州

正觀初改隸瀛州景

雲二年於縣置鄭州因屬云

鄭縣亭侯祠在州城

北隅卽後漢公孫瓚也邢子願三郡

記云漢末

多附瓚瓚爲賑恤

復思其惠爲之

立祠

滹沱水自任邱縣經縣境入雄州歸信縣界山海經云泰戲之山無草木多金玉滹沱之水出焉水經云滹沱河出雁門

郡

武夫山
○案空處疑後人縣三字今水經注此文逸

易水在縣北二十里

順安軍高陽縣界經縣境五里入雄

州容城縣界

周禮并州其侵涑易水經注曰易水出涿郡故安縣閭鄉西山○案山字原譌在涿郡上

山上空四字据
水經注補正

人物

扁鵲

案廣軒轅本紀帝與扁鵲下經又案史記正義秦越人以與軒轅時扁鵲

論脉法撰脉書上

相類號扁鵲家於盧國因命曰盧醫

勃海郡鄭人也

鄭當爲鄭姓秦氏名越人爲醫

或在齊或在趙名聞天下秦太醫令李醯自知伎不如扁鵲使人刺殺之

鄭人留侯良之後

有才

軍

超早不張伯英附

○案後漢書文苑傳張超字子竝河間鄭人也留侯良之後有文才靈帝時從車騎將軍朱儁征黃巾爲別部司馬著賦頌碑文薦檄牋書謁文嘲凡十九篇超又善於草書妙絕時人世共傳之此所引蓋節錄其文

中雄州舜有十二州爲幽州地禹貢冀州之域春秋時屬晉戰國時爲燕地秦屬上谷郡兩漢屬涿郡晉屬范陽國後魏

亦爲上谷郡地

案易縣開皇初置黎郡見隋志舊經又云場

陽郡唐大歷四年析范陽之南境置涿州其地屬焉州本涿州

歸義縣之瓦子濟橋當涿州南易州東直九河之末舊置瓦

橋關周顯德六年世宗復三關以北控幽薊置雄州仍遷歸

義容城二縣於城中

中歸信縣漢易縣屬涿郡北齊天保七年省入鄭縣周隋因

之唐武德五年置歸義縣屬北義州正觀元年與州同省八

年復置屬幽州大歷中析隸涿州

案大歷四年幽州節度朱希彩表置涿州遂析歸義

屬唐末遷于馬橋關周世宗復三關於縣立雄州皇朝太平

興國二年改曰歸信

洪城鎮在縣東南四十五里

案舊經又有白溝鎮在縣北鎮有白溝驛景德三年置初開寶

中以備太祖出師因築館於此太平興國四年廢及契丹修好復增廣之焉縣北又有永安亭亦曰景德三年置今廢鎮而驛亭具存

易水在州城南門外自保州保塞縣界經縣境入霸州永清

縣界

案淮南子注易水燕之南水也又漢志易水至范陽入涿

巨馬水自易州界經縣境入霸州界

案袁紹將崔巨業攻固安不下公孫瓚追擊於

巨馬水大破其衆水在幽州歸義縣界自易州迤縣界流入水經巨馬河出代郡廣昌縣涑山卽涑水也

塘水在縣南南北袤二十里東西廣五十里東至西榆林村

西至郭李口南至龍華村北至大渦寨皇朝淳化四年引進

使何承矩奏請自雄州東至于海築陽闕水淤屯田朝廷命

承矩充河北制置屯田使年積水三百里歲溉田數百

頃莞蒲蜃蛤之饒

案此下當有脫文

易京城在縣西

里南臨易水後漢公孫瓚破劉虞

幽

州

營壘樓觀

海居於高京以鐵爲門建安三年袁紹攻瓚四年瓚大敗

斬之後石季龍惡其固毀之

○案後漢書公孫瓚傳瓚破禽

謠曰燕南垂趙北際中央不合大如礪唯有此中可避世瓚

自以爲易地當之遂徙鎮焉乃盛修營壘樓觀數十臨易河

通遼

中下容城縣戰國時其地屬燕本漢縣漢志曰燕地南得涿

郡案漢涿

郡之容城後漢省晉復以涿地爲容城縣屬范陽國

更名范陽郡晉齊天保七年併入范陽縣隋開皇初改爲涿

武置范陽國

案通音字由切漢涿郡之容城縣隋屬上谷郡

元和郡縣志云容城縣開皇元年改置涿縣

唐武德五年

置北義州以涿縣屬焉正觀元年州廢縣隸易州聖歷二年

更名全忠神龍二年復故名天寶元年更曰容城周顯德六年昇瓦橋關爲雄州析縣隸焉是歲八月縣廢皇朝建隆四年七月復與歸信縣共治於州城中

容城縣故城在州西北五十里

古歸義縣城在今縣北十二里半

右鈔熙寧四年集賢王

璿字君玉

校理所纂集北道刊誤志時

大河自澶州東南流今河徙迂遼客者自滑由磁相邱趙至於瀛莫矣蓋此書本以備迎送北客問荅之間聞君玉之子仲勇今續成其書矣未之見也

北道刊誤志跋

晁伯宇續談助錄北道刊誤志一卷序次簡嚴數典詳洽雖刪節之本而厓略已可概見注中間附案語頗能駁正本文未知是伯宇所加否案宋志北道刊誤志十五卷玉海云熙甯中集賢校理王瓘撰載僚使所歷州郡風土人物故實刊其謬誤蓋宋僚通好歲遣使賓餞神宗以圖經脫誤特詔瓘考正以備使臣之問荅伯宇又有其子仲萼續成之語惜乎今並不可得而見矣其所考以今地理準之自河南之祥符徑直隸之長垣出河南之滑縣歷直隸之開州清豐南樂大名元城略山東之冠縣館陶臨清復歷直隸之清河南宮冀州衡水武強獻縣河間肅甯任邱雄縣而至容城考周顯德

中與遼約以白溝河爲界宋人因之自容城以北至定興舊
爲易縣已入遼界故路振乘輶錄始於白溝而瓘書以容城
爲止也是書郡齋讀書志以下俱未著錄吉光片羽亟表而
出之凡闕文處悉從其舊有可考者附注簡末仍加圈以別
於原注云錫之錢熙祚識

河朔訪古記

欽定四庫全書提要

河朔訪古記二卷不著撰人名氏明焦竑國史經籍志著錄亦不云誰作考元劉仁本羽庭集有是書序曰今

翰林國史院編修官郭囉洛氏納新

案郭囉洛原作葛邏祿納新原作迺

賢今改正

易之自其先世徙居鄆至正五年挈行李出浙渡

淮溯大河而濟歷齊魯陳蔡晉魏燕趙之墟弔古山川

城郭邱陵宮室王霸人物衣冠文獻陳迹故事暨近代

金宋戰爭疆場更變者或得於圖經地志或聞諸故老

舊家流風遺俗一皆考訂夜還旅邸筆之於書又以其

感觸興懷慷慨激烈成詩歌者繼之總而名曰河朔訪

古記凡一十六卷云云則此書實納新作焦氏考之未

審序稱十六卷焦氏作十二卷亦誤也納新族出西北郭囉洛因以爲氏郭囉洛者以

欽定西域圖志考之卽今塔爾巴哈台也元時色目諸人散

處天下故納新寓居南陽後移於鄆縣初辟爲浙東東

湖書院山長以薦授翰林編修官出叅桑戩實哩

原作桑前

失里今改正

軍事卒於軍所著金臺集尙有刊本惟此書久

軼今散見永樂大典中者惟一百三十四條所紀皆在眞定河南境內而其餘不存又仁本所稱繼以詩歌者亦不復可見然據今所存諸條其山川古蹟多向來地志所未詳而金石遺文言之尤悉皆可以爲考證之助謹彙而編之核其道里疆界各以類從眞定路爲一卷

河南路爲一卷仍錄劉仁本原序冠之雖殘缺之餘十
存一二而崖略宛在條理可尋講輿地之學者猶可多
所取資焉

河朔訪古記卷上

守山閣叢書 史部

元納新撰

金山錢熙祚錫之校

常山郡部

常山郡部真定路禹貢冀州之域春秋鮮虞之地晉滅之戰國屬趙秦爲鉅鹿郡地漢初置恆山郡避文帝名改常山郡屬真定國晉仍爲常山郡魏因之徙今治後周立恆州隋復爲恆山郡唐初曰恆州天寶改常山郡又改平山郡尋復常山元和避穆宗諱改鎮州升成德軍五代梁曰武順軍晉曰順德軍漢曰成德軍周及宋皆因之宋尋改真定府爲河北重鎮金因之置河北西路國朝初仍爲河北西路懷衛邢洺磁相保大名河間皆隸焉後改真定路總管府領縣九曰真

定

○案真定下原
本前日字今刪

欒城元氏靈壽獲鹿平山阜平藁城涉縣

領府一曰中山領州五曰冀深蠡晉趙府州所鎮縣凡二十
有一真定路錄事司國朝所建立專理城內城之外則真定
縣所理城中今置燕南河北道肅政廉訪使及真定路總管
府以鎮之錄事司真定縣二官署皆在城中

漢高祖攻陳豨改曰真定魏爲常山郡治故城今在縣南元
魏移郡治於府城中隋廢郡唐復爲真定縣屬鎮州宋金因
之屬真定府國朝爲真定路倚郭縣

藁城縣戰國趙武靈王爲九門縣漢爲藁城屬真定九門屬
常山晉省藁城北齊置鉅鹿郡省九門唐置廉州復改藁城
州尋廢又置九門縣曰觀州州亦廢並屬鎮州天祐置藁平

縣宋置藁城省九門入焉開寶三年廢金復置國朝因之屬
真定路

欒城縣春秋晉靖公孫賓食邑賓因以欒爲民西漢爲閼縣
卽今治也東漢爲欒城縣故城在趙州西北十六里今曰輪
城是也晉省後魏復置隋置欒州尋廢唐改欒氏屬趙州後
屬真定宋爲欒城金因之國朝爲真定路屬縣

中山府城古中山唐堯始封此禹貢爲冀州之域春秋鮮虞
國也初爲中山魏并之秦爲上谷鉅鹿二郡地漢置中山國
治盧奴後燕慕容垂都此魏爲中山郡隋爲博陵郡尋改高
陽唐爲定州又復改博陵郡升義武軍宋改定武軍升中山
府中山郡金仍爲中山府國朝因之爲中山府隸真定路領

縣三曰安喜爲附郭縣曰新樂曰無極

安喜縣春秋鮮虞之地戰國爲中山魏文侯使樂羊取之以封太子至漢爲盧奴苦陘二縣之地東漢爲漢昌縣魏改魏昌元魏立安州尋改定州北齊遷安喜於今治隋廢安喜屬博陵郡尋置鮮虞縣唐復爲安喜宋金因之國朝以安喜爲中山府倚郭縣兼理城中

趙州城中禹貢冀州之城春秋屬晉戰國屬趙秦屬邯鄲郡漢屬恒山鉅鹿二郡地晉爲趙國北魏爲趙郡兼置殷州理象城北齊爲趙州隋改欒州尋爲趙郡唐復爲欒州尋改趙州又爲趙郡屬河北道宋初仍爲趙州崇寧中升慶源軍尋升慶源府金天德三年改沃州因與趙音同又取以水沃火

之義云國朝復爲趙州隸真定路領縣七曰平棘爲附郭縣
曰寧晉曰臨城曰高邑曰栢鄉曰隆平曰贊皇

平棘縣漢初屬常山郡後置宋子縣晉屬趙國後魏爲趙郡
治所復置宋子縣隋自象城移趙州治此改置平棘縣唐宋
金皆因之國朝爲趙州屬縣倚郭縣兼理城中

管仲曰鄆邑之黍春秋納荀寅于栢人鄆爲晉邑栢鄉卽栢
人今治卽鄆邑也漢屬鉅鹿郡高祖八年次栢人趙相貫高
謀殺上上心動問縣名栢人上曰栢人者迫於人也去弗宿
卽此地也光武卽位于縣之五成陌千秋亭更名高邑爲冀
州刺史治所魏改栢仁隋置栢鄉縣於彭水之陰卽今治也
唐因之屬趙州天寶改堯山縣宋省栢鄉入高邑而存堯山

金復爲栢鄉屬沃州國朝因之爲趙州屬縣云

元氏縣西北三十餘里曰封龍山星文圖曰山應軒轅十星屈折若飛龍之狀故云山陽有龍首峰高二百丈上有立石數莖望之若龍骨也峰東北五里又有獅子峰高三百丈若獅子蹲踞又有熊耳峰高五百丈又有玉石峰螺峰南北天井皆西北最高之峰各以其形相類而名也又有石人峰在東南隅三石相向屹立各高三四丈儼如人形又有孩兒華蓋二峰名仙人臺則在螺峰之西怪石相承如臺故云山絕頂有二塔獅子峰後數百步有白雲洞世傳張果老所居又有龍井而水簾在龍泉之上垂二丈許雖祁寒不凍大旱禱輒應云

十萬壘

○案原本十調千壘調壘據太平寰宇記改正下倣此

趙州平棘縣南五里安

濟橋南有壁壘曰十萬今俗呼爲西壁營昔漢安帝永初元年以鄧隲任尙討羌無功而後羌遂侵河內趙魏民驚恐北軍中候朱寵將五營兵屯孟津詔魏郡趙國常山中山繕作塢壘六百十有六所此卽一也今河羌人居之

巘嵒山

音權髦

在栢鄉縣南乃土山也今屬順德路唐山縣境

卽古栢人也巘嵒山出五色石

眞一泉眞定路府治西街居民舍下有一井極甘美曰眞一泉金章宗嘗取惠山泉與此水較之其味大勝章宗因曰眞一潤二遂以名其泉云

盧水中山府城濠水流入城中爲盧水水經注曰盧奴城西

北隅有水因而不流南北一百步東西百有餘步水黑色俗名黑水池或曰水黑曰盧不流曰奴故曰盧奴云自原本缺一字至燕皆引涇水入城今水竇旣毀地道亦絕惟池水流出城外潭積微漲滑滑東北流注於涇水也

涇邑縣故城安喜東南五十里本趙之涇城也史記曰田叔趙涇城人也漢爲苦涇縣屬中山國章帝改漢昌魏改魏昌北齊廢隋置隋昌屬博陵郡唐改唐昌屬定州天寶間改涇邑至宋康初省入安喜迄今爲墟市民居甚衆豪商大賈皆集焉市衢之西有西門豹之廟此卽史記所謂陳餘游苦涇得富人公乘氏女所也

新城在縣北三十里曰新城鎮卽古新市縣也爲白狄鮮虞

之國漢爲中山屬縣王莽曰平樂縣也趙記曰新市縣有藺相如廉頗李牧三將之宅故其城勢作三曲西北避相如宅東北避頗宅東南避牧宅又云相如祖塋皆在城中今爲新市鄉新城鎮居民數百家爲墟市十二月夜宿鎮上蘇氏逆旅是夜大雪

九門故城

董氏族附

藁城縣西北三十里荒城一區蓋戰國時趙

邑本有九室居之武靈王改曰九門史記王出九門如野臺以望齊中山之境是也惠文王二十八年藺相如城之漢爲縣今爲九門鎮野臺在城側俗呼爲寒臺云城中世家惟董氏一族故自其龍虎衛上將軍俊帥孤軍內附滅金之役戰死黃河之上諡忠烈其子文炳忠獻公受知世祖身兼左轄

僉樞之職討滅宋國事載信史次文用爲翰林承旨諡忠穆

次文忠僉樞密院諡忠貞其孫士選陝西平章諡忠宣子孫

清顯世罕及之者

內翰元文敏公明善撰公家傳贊曰或曰爲將三世其後受其不祥董氏貴顯四世

子孫數十百人或曰活一人者必有後龍虎公忠顯公爲大將不妄殺濱死而生之者無慮數十萬人其諸以是爲德與後臺臣上章累請援史張功臣例進封王爵子孫辭不受蓋以滿盈爲誡也余嘗過其第中見其冠蓋蟬聯子弟皆清修好學而有承平公子之風觀乎此清河元公之言益可信矣

南欒鄉城

千金渠附

栢鄉縣南千山言山二山之西也俗呼爲南

陵城十三州志曰昔陳公子完避亂奔齊桓公以此封之漢

武帝封趙敬肅王子它爲南欒侯卽王莽之富平也杜氏傳

曰齊國夏伐晉取欒其後南徙故曰南欒云城西有千金渠

唐開元中縣令王佐所浚以疏積潦其堰則謂之萬金堰也

真定路之南門曰陽和其門頗完固上建樓櫓以爲真定帑藏之巨盈庫也上作雙門而無棖梟通過而已左右挾二瓦市優肆娼門酒鑪茶竈豪商大賈並集於此大抵真定極爲繁麗者蓋國朝與宋約同滅金蔡城旣破遂以土地歸宋人民則國朝盡遷於北故汴梁鄭州之人多居真定於是有故都之遺風焉

藁城縣西二十五里故城東高臺三所圯址尙存郭況故臺也今臺傍有三村落一曰臺西一曰故城一曰內族此卽郭后所居也昔光武擊王郎至真定過此因納郭氏爲后今臺三所作南西北三面北臺之上建盧郎神廟不知何神廟東向神像具唐服民至今祀之今真定平山縣東有綿蔓故城

卽光武所封況之侯國也

安喜縣東南三十里荒臺一所曰雞鳴臺世傳漢世祖自薊而南於此舍宿其地窪下遂築此臺雞鳴而發因以名云

趙州城中州衙南皇華驛之東有望漢臺此卽東漢耿純所築以望東武之所也歲久摧圯宋大觀四年知軍州事劉戒惜其遺跡淹沒乃築而新之其高七尋其基延袤二百八十尺上廣六十尺仍構屋以覆之命州判官趙徽之撰望漢臺銘刻石其碑今在州衙前金刺史趙溫諤碑樓下望漢臺但一荒丘耳

趙州城南平棘縣境通津有大石橋曰安濟長虹高跨通衢上分作三道下爲環洞兩堦復各爲兩洞制作精偉闢楯刻

蹲獅細巧奇絕華表柱上宋臣使金者刻題甚多不能盡讀
有刻曰連鵬舉使大金至絕域實居首選宣和八年八月王
子題橋上片石有驢足跡四所世傳神仙張果老之跡或云
當時匠者之戲匠者曰李春隋時人也張果老列仙傳云果
真定蒲吾人隱封龍山唐高宗召不起明皇迎入禁中賜號
通玄先生後不知所終今真定平山縣東十三里有蒲吾古
城卽果老居也

趙州城西門外平棘縣境有永通橋俗謂之小石橋方之南
橋差小而石工之制華麗尤精清洙二水合流橋下此則金
明昌間趙人哀錢而建也建橋碑文中憲大夫致仕王革撰
橋左復有小碣刻橋之圖金儒題咏併刻於下

李昉書院

附吟臺

元氏縣封龍山龍首峰下有宋丞相李昉讀

書堂及吟臺皆在焉李公書堂本三所東溪者爲浮屠所占西溪蕪沒不可考今建書院者卽中溪也吟臺在東北隅疊石爲之高三丈餘宋碑一通尙在逮國朝至元三年李文正公治自翰林學士辭歸隱山中因其故基以築大成殿講堂齋舍招延學者王文忠公磐爲撰書院記李文正公字仁卿自號敬齋云金進士樂城人也有文集行世王文忠公字文炳號鹿庵廣平人亦云金進士入國朝爲翰林承旨年九十
二以壽終

徐童樹在元氏縣封龍山修真觀四周多徐童樹樹類梧桐香氣時襲人其子可以染碧移植他所則輒死俗呼爲徐童

華世謂北嶽徐真君登仙於此記云駱元素遇一老人得藥十粒且告曰服此則不飢吾本姓徐氏字元英新受長桑君牒爲北嶽長史言旣化童子乘白雲而去因以名云

中山府學講堂前有雪浪石承以丈八芙蓉石盆盆口鐫蘇文忠公雪浪石銘其石紋作波濤痕復有若臥牛立鳳之狀者昔蘇公守定日甚愛此石構小室置之榜曰雪浪齋云西廡下一碑圖石之形并刻其銘於右學中又有唐王維畫竹碑二通一黑一白世謂陰陽竹也

玉華宮在眞定路城中衙城之北潭園之東是爲睿宗仁聖景襄皇帝之神御殿奉安御容者也外爲紅綽楔垣牆四周槐柳森列重門棨戟廣殿修廡金碧輝映宏壯華麗擬於宮

掖制命羽流崇奉香鑪置衛士以守門闥歲時月日中書以
故事奏聞命集賢院臣代祀函香致醴遣太常雅樂率燕南憲
臣真定守臣具朝服備牲牢行三獻之禮延祐間御史元永貞
上疏略曰聖朝建宗廟崇孝享可謂至矣而睿宗神御別在玉
華宮竊惟功德莫如太祖世祖不聞有原廟世祖神御奉安大
聖壽萬安寺歲時以家人禮祭供不用太常雅樂今玉華宮又
非龍興降誕之地伏望朝廷照依京師諸寺影堂例止命有司
祭供罷太常樂斯得典禮之正矣疏上不報元統乙亥監禮官
薩都拉天錫有詩詠其事詩曰大禱天香出內宮孝思與世總
無窮百年禮樂行三獻一派簫韶超半空使者領班雲氣裏女
仙搖佩月明中小臣監禮陪清列兩袖葵花映燭紅天錫進士

時爲燕南廉訪司照磨云

開元寺在真定路城中鼓角門天祿坊西此卽張五村故地也寺內三門石柱刻曰大厯十二年藁城主簿李宿撰解惠寺三門樓贊云後魏興和二年建寺曰淨觀至隋開皇十一年改曰解惠後復改開元寺寺有千石鐘聲聞數百里今爲官府昏曉之警鐘樓棋間有趙閒閒所遺墨跡正殿皆石闢環繞鐫刻華木禽獸人物極爲工緻纖巧寺復有轉藏經碑乃梁王承規集王右軍書也妙絕當世復有封居賦小篆千文碑在寺中

臨濟寺在真定府城中定遠門東街飛雲樓之東其三門下有唐吳道子所畫布袋和尚像及搖鈴普化真讚東坡墨竹

綠筠軒詩等石刻極爲精妙寺乃臨濟祖庭其靈塔則金世宗所建也昔臨濟和尚結茅於此嘗與木塔河陽二師圍爐而坐木塔曰搖鈴普化果是凡是聖普化適至揭簾而入汝謂我是凡是聖臨濟大喝一聲普化作偈曰河陽新婦子木塔老婆禪臨濟小厮兒倒具一雙眼世傳寺本趙王鎔所賜墨君和故宅也

趙州城中東門內有栢林院世呼爲趙州古佛道場蓋唐末僧趙州和尚修行之所舊在城外後城旣展而在東門內矣院西丁字街有石浮圖俗曰大石塔高可四五丈制作極工上刻古薤葉篆亦妙宋景祐五年西廂人所建也

中山府城中天寧寺後有小寺世傳慕容垂之後宮也其妃

以誣被殺冤血濺砌石石白血殷漬而不滅每雨過其色愈鮮余嘗考北史垂妃無它被殺者惟段氏諫垂廢太子寶垂不聽寶深銜之及卽位令自殺疑此卽段氏之血也

樂武子廟樂城縣西四里彪塚村高正一所曰樂武臺臺有廟曰樂武祠此卽樂伯書之廟也書諡曰武故云廟西南有一塚曰彪塚俗傳武子獵於此射一彪死葬於此焉

中山府文廟西宋丞相魏忠獻王韓公琦祠堂存焉琦爲帥有惠政州人爲立祠祠下有碑一通其略曰仁宗朝出知定州時州兵不治將爲亂及至卽用兵律裁之察其橫不知教者斬之有死於戰敵者賞其家其孤兒繼衣廩廼效古兵法列方圓銳三陣親教習之由是定兵強勁可用號稱雄鎮聲

振契丹云

眞定路城中開元寺後繡女局內唐清河郡王李寶臣紀功碑一通其碑極高大永泰二年立類要云李寶臣紀功二碑一在眞定府治東三十步卽此碑也一在府西一十步大厯三年立今在居民房屋土底常有人掘見云

眞定路城中開元寺後繡女局內復有鉅碑埋土中止露碑首長及丈五題曰王武俊碑貞觀五年立文字皆不可考類要云王武俊碑去眞定府治東門二十步卽此碑也

眞定路南關陽和門外史丞相遺愛碑一通螭首龜趺高四十尺冠以華屋壯麗崇峻其文則郡教授吳時起撰也碑略曰公姓史氏名天澤大都永清人國初嗣兄天倪爵爲河北

兵馬都元帥尋除真定等處五路萬戶又擢經略宣撫使世祖皇帝卽位中統二年超拜右丞相至元元年進光祿大夫三年進輔國上將軍爲樞密副使四年復爲左丞相六年以榮祿大夫爲平章政事八年加開府儀同三司平章軍國重事中書左丞相公出入將相幾五十年柱石四朝儀表百辟古之社稷臣也其保障河北戰三峰山培金壽宋皆建奇功嘗同巴延淮安忠武王統大軍至鄂渚以疾召還明年薨於位卽十二年二月七日也享年七十二贈太尉諡忠武葬真定縣太保莊墓碑翰林學士圖克坦公履撰神道碑則翰林承旨王磐撰皆敕賜文也延祐六年加贈推忠贊治同德佐運功臣太師開府儀同三司上柱國鎮陽王初公之治真定

也披荆棘驅狐狸開城郭立官府以招人民成天下之劇郡
四方之都會武仙之亂公兄元帥天倪遇害主將欲盡誅郡
人以雪其恨公恐失脅從罔治之義忍忿含垢亟諫數四乃
得全活壬辰招降老幼十萬餘口將護北渡使其自便處所
或使歸鄉里一無所問其德可勝言哉公甲第今在子城西
黑軍營北第中有靜治堂青樾樓景光亭江漢堂云十二月
早渡滹沱河抵陽和門外日卓午矣飯於旅舍遂至南關下
馬讀其碑而去

真定路府學尊經閣下有劉法墨史圖石刻及楊秘監邦基
畫及金諸賢詩極精妙也舊在墨史堂今龕閣壁云

唐恆州刺史陶雲碑在真定路府治廡下有唐恆州刺史陶

雲碑一通字爲行草書筆勢遒勁而不著書者姓名其文則唐申州錄事張義感所撰其略曰雲字大舉河南伊闕人高宗時爲恆州刺史其碑則永淳三年立也昔宋歐陽文忠公爲河北轉運使至真定見碑仆府門外半埋土中命工掘出立於廡下云

三公神廟碑

白石神君無極山二漢碑附

三公神廟在元氏縣西北三十

里封龍山下其廟兩兩相對若泰階六符之狀蓋三台近於軒轅故廟於此山今榜曰天台三公之廟廟有漢封龍山頌碑一通漢三公山碑一通縣西故城西門外八都神壇亦有三公山碑一通漢光和四年常山相馮巡所立壇側又有唐三公山碑一通八都者總望八山而祭於此明帝永平中幸

此詔復租稅六年勞來縣吏下及走卒皆蒙恩賜其後章帝北巡又幸元氏祀光武於縣堂祀明帝於始生堂皆奏樂焉白石神君碑無極山碑二漢刻皆在封龍山下

唐盧舍那珉像碑

鐵塔附

元氏縣城中開元寺有唐蔡有鄰隸

書盧舍那珉像一通歐陽文忠公曰唐世能名八分者四家韓擇木史維則世傳頗多而李潮及有鄰特爲難得慶厯中昭文韓公始得此本有鄰小字尤佳若石經藏讚崔潭龜詩與三代鼎彝何異也又云其碑石刻在中山府城中蓋傳聞之誤耳開元寺內西北院中有生鐵塔高四五丈其制亦機巧

定武蘭亭石刻舊在中山府庫中爲天下名本今埋沒不知

所在昔唐太宗詔供奉臨蘭亭惟此本乃率更令歐陽詢所
搨也上命刻石留禁中以他本賜外臣一時貴尚摹搨惟禁
中石本獨完善至五代石敬瑭棄中國而契丹耶律德光自
中原輦寶貨圖書還北至殺虎林而死永康立其國交兵遂
棄石而歸慶厯中李學究者得之韓忠獻壻始以墨本出示
韓公索其石觀李遂瘞地中李死其子出石始售於人每本
必千錢由是好事稍稍得之後李負官緡無償時宋景文公
祁守定武以公帑金代李輸之取石匣藏於庫非故舊不得
□熙寧間薛師正守是邦求者沓至薛惡其摹打之聲乃刻
別本於外以遺求者然此郡已有二刻真贋矣其子紹彭摹
他石以易元刻暗以自別遂於古刻湍流帶左右五字各刻

損二筆爲記或謂古蹟仰字如針眼殊字如蟹爪列字如丁形又云字微帶肉此爲唐刻本也大觀中徽宗詔取此石於薛氏家其子嗣昌進納御府上命龕置宣和殿靖康金人陷汴京其石不知所存云金以紅毯輦歸今東南諸刻無能彷彿者天台桑澤卿世昌編蘭亭博議一書甚詳

趙州城東北三十里平棘縣境上古宋子城城中有漢耿球碑一通作漢隸書蓋耿純宋子人也城西有耿鄉漢光武封純爲侯國世謂之宜安城至今民多姓耿皆純之後也宋子故城卽秦高漸離匿作宋子而歌之所也按衛恆四體書勢曰鉅鹿宋子城耿球碑師宜官書袁術立球純之後云徐整碑在栢鄉縣西南七十里栢鄉故城之西門內漢栢人

令徐君碑一通君名整桓帝時爲栢人令有惠政民懷之爲立碑此卽高祖動心不宿之地也

栢鄉縣城中通衢居民檐下栢鄉尉蘭君碑一通君名儼字望之唐會昌間尉栢鄉有遺愛民伐石立碑潞州進士張瓌製文將樹碑時皇叔觀察使完顏從郁適朝京還因題詩一章於碑後曰卿材皆願識將軍事簡將軍少出巡白酒不沽誰犯禁黃雞無禍得司晨問耆撫幼非干譽止社停巫豈慢神數尺去思碑上語後官知勸可書紳鄉人併刻其詩於碑後

吉日癸巳石刻四字周穆王所刻也昔在趙州贊皇縣城南十三里壇山崖石之上穆天子傳云穆天子登贊皇山以望

臨城置壇此山因以名焉癸巳誌其日也又有四望山者謂
穆王登山望祭四方者傳中但云登山而不言刻石然字畫
亦奇怪若杖畫狀土人謂壇山爲馬蹬山以其已字之形類
鞞也宋尙書廣平宋祁以皇祐四年秋自毫移鎮鎮陽道出
趙州命人於壇山石壁模得此字時趙之守將武臣也遽命
鑿山壁輦其字歸趙龕之廳壁間者莫不歎惋嘉祐己亥移
置高邑縣廳壁元至元二十三年乙酉復移龕贊皇廟學之
壁云

藁城縣城中文廟內有漢藁長蔡湛碑一通光和四年立并
碑陰全廬陵歐陽文忠曰天章閣待制楊敞嘗謂余言漢時
隸書在者此最爲佳敞自言平生學此字也藁城縣九門城

中有隋九門令鉗耳府君碑不載書撰名碑字首題云大隋
恆山郡九門令鉗耳清德之頌君名徹華陰朝邑人本周王
子晉之後避地西戎世爲君長因以地爲姓曾祖靜魏馮翊
太守祖朗成集二州刺史父康周荆安寧鄧四州總管別駕
龍門二郡守字畫遒勁非歐虞不能及也

九門城中有隋李康城清德頌碑一通不著書撰名氏文爲
聲偶而字畫奇古可愛康隴西狄道人也碑首題曰大隋冠
軍將軍大中都督恆州九門縣令隴西李君清德之頌字多
訛闕其後曰十一年歲在辛亥大將軍在酉二月癸丑朔十
二日甲子建年上二字磨滅不可識按隋開皇十一年歲在
辛亥其二字乃開皇也大將軍在西之說出於陰陽家前史

不載而見此併記之

藁城縣九門城西浮圖碑一通題云九門縣合鄉城人等爲國建浮圖之碑唐應詔四科舉董行文撰文清河傅節德書唐高宗上元三年歲在丙子建浮圖在智矩寺寺今亦廢久矣

馮樂陵在新樂縣東北二十里卽漢馮昭儀之墓也昔昭儀隨其子中山孝王興就國王爲母築宮於樂里以居之樂里卽今新樂城也昭儀在元帝之時有當熊之功成帝優異之賜御服鼓吹鹵簿名其居曰樂里旣終勅葬樂里東北因名其墓曰馮樂陵云十二月原本缺二字早自新樂縣起午前至馮樂陵午飯遂至荒陵眺望而去午後雪復大作

漢中山王陵安喜縣東唐河西北有二墳卽漢中山哀王憲王之陵世訛爲二女陵非也哀王乃孝王之孫康王之子寰字記曰澠水又名唐河自唐縣界流入東注京邱北對君子岸岸上有哀王憲王二陵又聞中山懷王順王夷王數陵在安喜縣境內今皆不可考矣

李左車墓趙州城西七里清水之曲有高塚一所世傳爲李左車之墓塚上今爲佛寺中有一井可汲餘無考者塚上但有元魏景明二年所立兗州刺史李使君碑一通而已

樂城縣西陞有村曰陳居陳餘墓在焉此餘遊趙日所居死歸葬此

樂城縣城東石欄橋東二里有塚極高爲漢蒲關侯柴武之

墓也隋開皇間武有遠孫爲浮屠氏曰英師并葬於塚側今臺塚亦漢制也塚旁有臺頭寺俗訛爲柴世宗墓非也近塚曰柴村卽武族之所居也

真定縣南十里古常山城下治河之濱荒塚隱然是爲漢膠東侯賈復之墓昔濬沿河發古塚得骸骨異常身環鐵甲一戟在旁尋復得其墓志始知爲賈復之墓也太守馬公歛以衣衾更瘞之時燕南憲掾孫茂先見其事後三十年告於郡知事王德禎因礱石請監察御史楊君俊民爲文刻諸石名曰懷賢之碑以表其墓其略曰侯南陽人光武拜執金吾冠軍侯建武間封膠東侯食六縣後罷將軍以列侯就第卒諡剛正

按後漢書作剛無正字

侯嘗破五校於真定創甚光武念之約爲

婚姻卒後哀其成績詔葬於此或史之所逸也又述宋洪适之言辨論埋銘之原以爲自漢明帝時都尉路君墓闕始至爲詳博王君字祐之保定人好古篤實君子以余爲忘年友也楊君字士杰郡人舉進士敷歷館閣今爲國子司業亦余之故人也

郎氏墓碑在新樂縣東南十五里曲都村有郎氏墓墓林中有郎茂郎穎二碑皆李百藥撰宋才書字畫甚偉碑云茂從煬帝幸江都而卒穎事唐爲大理卿隋唐之時屢更定律令蓋法律士也穎之碑陰題名云柱國府僚佐三十二人常山公府國官一百七人合一百三十九人爲一卷柱國府長史司馬掾屬各一人諮議記室司倉司功司戶司兵司鎧司法

司田司士參軍事各一人又有參軍事五人行參軍十人典籤三人常山國官國令大農各一人常侍侍郎國尉各二人典尉六人舍人四人城局廟長學官各一人食官廩牧各四人典府長一人典府丞二人親事七十五人潁以貞觀四年卒此蓋唐制也

真定之西關外社壇西北隅城濠之外真定縣境上也有褚先生墓墓下小碣一道其略曰先生姓褚氏諱承亮字茂先宋宣和二年擢第調易州戶曹會金皇子郎君破真定拘境內舊進士七十三人赴安國寺試策策目以上皇不道少主失信舉人希旨極口詆毀先生離席揖主文劉侍中曰君父之過豈臣子所當言耶長揖而出場屋劉爲之動容比揭榜

先生被黜餘悉放第狀元許必輩自號七十二賢勝時人謂先生曰有德先生朝廷重其名命知藁城漫一應之尋解印去年七十終弟子周伯祿等百餘人因私諡曰元貞先生云十二月蚤謁拜墓下

真定縣北十五里大安鄉曹家疇道左墓碑題曰元故僉浙東海左道肅政廉訪司事甄君之墓墓前一碑中奉大夫陝西諸道行御史臺侍御史趙郡蘇天爵撰文國子司業王理書翰林直學士謝端篆碑略曰君諱世良字賢卿世爲真定人年四十餘始遊江南試吏四明擢浙東西憲掾進南臺察院受知文皇帝尋貢中臺除廣西廉訪知事遷帥府都事際遇今上於潛邸比紹大統召君入朝臺臣奏爲山南經歷上

不允改通政都事尋拜監察御史出僉浙東憲至元元年九月十八日卒於金華官舍年六十八君在廣西調護聖躬夙夜無懈嘗書賢卿二字賜之及遷浙東又賜緡錢五千貫其恩眷類此子二人曰英曰蒙云蓋君之在四明也與先君子最厚善每過余家喜余誦讀語人曰此子可教也今予自海上歸南陽將上京師道出鎮陽竊幸拜君之墓嗚呼二十年之間見君之窮達生死而余栖遲草萊年益邁而學益荒負君知人之鑑矣

真定縣北新城鎮南二里許墓林翳蔚羊虎翁仲皆白石鐫鑿極爲偉壯是爲嶺北行中書省郎中蘇君之墓隧前一碑廼蘇氏先塋之記奎章閣侍書學士蜀郡虞公集撰翰林承

旨吳興趙文敏公孟頫書丹爲二絕之筆也君墓碑亦虞公
撰其略曰君名志道字子寧以吏起家爲丞相掾三命爲樞
密經歷延祐三年歲丙辰關中有變遂及和林人大震恐並
皆奔散會天大雪深丈餘車廬人畜盡壓沒民皆枕籍相食
道無行人朝廷超拜君爲中憲大夫嶺北等處行中書省左
右司郎中君請厚價募民粟至和林以賑飢民遂得全活明
年行至京師卒其子天爵奉柩歸葬於此天爵字伯修以文
章起家敷歷臺閣爲時名人今以國子祭酒選爲京畿奉使
宣撫十二月大雪留新城不得發至暮稍晴遂同李亨散步
至墓上讀虞公所撰碑過墳庵又讀費著周伯琦等燕南考
試爲趙壁守墓者邀余二人啜茶且言昔畊墓旁得古碑之


蓋一段其制若今擣練方石字皆漫滅不可讀蘇公定爲碑
蓋也蓋古人埋銘必以石覆其碑恐土蝕其字畫故碑蓋則
大篆其題目今之碑文曰篆蓋卽其遺意也

樂城縣東南二十里倪家莊側有唐倪若水墓莊多姓倪氏
皆若水子孫也若水字子泉擢進士開元初爲中書舍人尙
書右丞出爲汴州刺史政清靜興州縣學風化大行未幾入
爲戶部侍郎復拜右丞卒

藁城縣二十里新興村滹南王先生墓在焉先生諱若虛字
從之金進士及第仕至翰林學士國初遁此自號滹南遺老
篤志經學尤長於經義南北師尊之以爲法後登泰山端坐
而逝歸葬於此有慵軒集及經史諸書辯疑行世墓前碑則

元遺山所撰也有司今立祠縣學以祀云

河朔訪古記卷上終



河朔訪古記卷中

魏郡部

魏郡部彰德路禹貢冀州之域商河亶甲居于此戰國爲魏之鄴地秦爲上黨邯鄲二郡地漢置魏郡曹操受封于此稱鄴都後趙石虎前燕慕容雋並據之後魏曰相州東魏曰司州北齊改爲清都郡唐曰相州又改鄴郡梁置昭德軍石晉改彰德軍金升爲彰德府國朝先屬真定路後改彰德路立總管府領司一縣三安陽湯陰臨漳州一林州

彰德路城中宋隸安陽縣國朝置錄事司以領之城之外仍屬安陽縣城郭周十九里總管府錄事司治及安陽縣治皆在城內焉

安陽縣春秋爲戲陽戰國爲魏寧新中邑秦更名安陽漢廢
以其地入蕩陰屬河內郡魏併入鄴晉置安陽屬魏郡後周
移相州及鄴縣於安陽故城治此隋復曰安陽尋改堯城屬
魏郡唐以安陽爲相州治改堯城曰永定宋改永定爲永和
尋省入安陽及省鄴縣分其地半入焉宋金皆曰安陽縣國
朝因之爲彰德路倚郭縣

蕩陰縣古羗里之地戰國爲魏之蕩陰邑漢爲蕩陰縣屬河
內郡晉屬魏郡後魏省隋改蕩源縣大業二年省唐初分安
陽縣地入蕩陰屬衛州貞觀元年以蕩水微溫改爲蕩陰縣
屬相州宋金國朝皆因之爲彰德路屬縣云

臨漳縣本漢鄴縣地晉建興二年以愍帝諱改名臨漳東魏

孝靜置鄴縣於今鄴鎮又別置臨漳縣周武帝平齊自鄴城移縣于今治仍屬魏郡隋開皇三年改隸相州十年分縣地置長樂縣大業十年始築縣城暨唐及宋金皆爲臨漳縣國朝因之爲彰德路屬縣云

林州漢置隆慮縣東漢改隆爲林隋析置湛陽縣後改置巖州金爲林州國朝至元二年復爲縣又併輔巖入焉未幾復爲州割輔巖入安陽仍以州隸彰德路

磁州禹貢冀州之域春秋屬晉戰國屬趙秦爲邯鄲郡地漢爲魏郡趙國地晉爲廣平郡地後周置成安郡隋置磁州唐天祐改惠州尋復磁州宋曰滏陽郡金以隸彰德國朝屬廣平路領縣四曰滏陽邯鄲武安成安

潞陽縣漢爲武安縣地魏置臨水縣屬廣平郡後周置潞陽縣屬成安郡隋置磁州治于此唐宋金並因之本朝爲磁州倚郭屬縣按磁州潞陽縣惟金以之隸彰德元本屬廣平路蓋是書爲記遊覽古而作路經潞陽歷記所見實未遍歷洛邢也故附見于彰德路云

黃華谷天平山彰德之西九十里曰林州卽古林慮縣也州西北二十里曰黃花谷谷多秋菊故名昔金翰林學士熊岳王公庭筠子端皆隱居谷中號黃花山主所居曰讀書巖公文章書法高出流輩字學米元章墨竹類文湖州金章宗所謂昔人君子者也谷之西南諸峰峭拔奇秀林木陰翳仙宮佛廟金碧輝映巖崖泉石名號百什不可窮紀其迸珠簾桃花巖者不減天台赤城之勝其最知名者谷南之天平山棋

谷寺也。礪谷暮夜，陰崖石壁間燦然作金光，若燈火神幻，不可致詰。前賢多作歌詩以紀之。曰金燈集。

安陽縣北三十里，臨彰縣南十五里。鄴鎮之西曰蔡村，有濁流奔迅，俗謂之漳河也。禹貢曰：覃懷底績。至于衡漳，水經云：濁漳之源出晉寧路長子縣西發鳩山，東北流過壺關，屯留潞縣合眾山之水，其流始大。又東過武安縣，有清漳水自涉縣東南來注之，其水合流謂之交漳口。

清漳源出上黨沾縣大屯谷東北過磁州

武安與濁漳合

遂東過鄴縣，西又東過三戶津，又東北過洺州，曲周

平恩二縣，又東北過冀州，又東北過景州，東光縣弓高鎮，又東北過瀛州樂壽縣，景城鎮，又東北過平舒縣而入于海。云漳水自出山至入海，凡行一千六百八十里。按史記：魏文侯

時使西門豹爲鄴令豹卽發民鑿十二渠引漳水溉民田民皆煩苦豹曰民可與樂成不可與慮始今雖患苦百歲後期令父老子孫思我言民後果得其利至今鄴人祠祭不絕又西漢書文侯曾孫襄王嘗與羣臣飲酒祝曰令吾臣皆如西門豹之爲人臣也史起進曰魏氏之行田也以百畝鄴獨二百畝是田惡也漳水在旁豹不知用是不智也知而不興是不仁也仁智未盡豹何足法于是襄王使起爲鄴令遂引漳水溉田揭水東注號天井堰里中作十二墜墜相去三百步使互灌注一注分十二流皆懸水門鄴人名曰晏陂澤河內之民以致殷富民歌之曰鄴有賢令兮曰史公決漳水兮灌鄴旁終古烏鹵兮生稻粱今史漢所載二說不同余疑當時

豹嘗鑿渠而後湮廢至起紹修故民歌之今併錄焉十二月
蚤出彰德北門至蔡村西行三十里陝處作土橋以渡時漳
水退縮層冰峩峩逕流東下土人云春夏水漲至與岸平闊
可數里號小黃河又曰水旁多石子俗傳可以暖腹又有紋
石濱河之民取以爲器貨之

安陽橋在安陽縣北五里橋下卽洹水也洹水出上黨洹氏
縣洹山山在長子縣東過隆慮縣北黃水注之又東北出山
連逕殷墟東北過鄭城南謂之新河又東逕安陽故城東過
內黃縣北人於白溝云春秋左氏傳言聲伯夢涉洹水杜預
注曰洹水出汲郡林慮縣李宗諤以此說爲然遂言洹水源
出林慮西北平地湧出初甚微細東流九十里至安陽縣界

泉脈漸大又曲而東北入大名府洹水縣界今按水經所言
洹氏在澤州高平縣西並無洹水蓋縣邑遷改不常故酈元
所記有異同耳余嘗觀許敬宗論禹貢導洹水東流爲濟入
於河溢爲滎其說甚詳蓋天下之水無有不發源於山其有
自平地出者皆狀流再發也且濟水之源出王屋山之顛狀
流至平地再出卽今濟源縣濟瀆廟泉是也今李宗諤第見
洹水初起林慮遂以水經所記爲異殊不知林慮乃狀流再
發也呂忱字林許慎說文皆云洹水出晉魯之間又言林慮
黃水發源神廟之山谷東流至谷口潛入於地下東北十里
復出於地然則洹水狀流至林慮再出蓋可信矣

蕩水出湯陰縣西石尚山

水經云石尚山在湯陰縣西

東流經縣故城縣因

水以取名又東北至內黃縣入於黃澤唐貞觀元年改爲湯水以其水微溫也

羨水在羨里北二里有橋曰羨橋橋下卽羨水也水經曰羨水出湯陰縣西北四十里西山韓大牛泉東經羨城之北積水成淵方十餘步深一丈餘又東至內黃縣與防水會又東歷黃澤而入蕩水云

宜師溝在湯陰縣西南三十五里宜師站又在縣西南二十七里又有宜師橋在站側

鄴宮元帝禪晉晉常館帝于此光熙元年夏五月馬牧帥汲

桑叛敗魏郡太守馮嵩

○案晉本紀事在懷帝永嘉元年夏五月此云光熙元年誤

遂陷

鄴城燒宮旬月烟燄不滅曹魏之殿閣蓋于此時盡矣至石

勒將營鄴宮以廷尉續咸尙書令徐光切諫而止後因霖雨
中山西北暴水漂巨木百餘萬株集於堂陽勒大悅謂公卿
曰諸君知此非爲災也天意欲吾營鄴宮耳於是令都水使
者張漸少府任汪等監營勒親授規矩而建焉

鄴都南城在鎮東南三里半按魏孝文天和十八年自雲中
遷都洛陽經鄴宮留數日臨引軍發懸飯一瓢于城門上而
去尙書崔光語人曰掛飯者懸殮也後世元孫必興于此矣
至孝武永熙三年高歡逼帝西入關乃立清河王亶之子善
見於洛陽東北改元天平以十月丙子車駕北遷於鄴十一
月庚寅至鄴居北城改相州爲司州牧以魏郡林慮廣平陽
正汲郡黎陽東濮清河廣宗等爲皇畿于城東置臨漳縣城

西置鄴縣城東北置成安縣臨漳三百鄉鄴縣五百鄉成安二百五十鄉二年八月發衆七萬六千營新宮元象元年九月發畿內十萬人城鄴四十日罷二年帝徙御新宮卽南城也又鄴中記云城東西六里南北八里六十步高歡以北城窄隘故令僕射高隆之更築此城掘得神龜大踰方丈其堵堞之狀咸以龜象焉按北史高隆之傳云隆之領營構大將以十萬夫撤洛陽宮殿運於鄴構營之制皆委隆之增築南城周二十五里以漳水近城乃起長堤爲防又鑿渠引漳水周流城郭以造水碓磴云

銅爵金鳳冰井三臺皆在臨漳縣鄴鎮東南二里古鄴都北城西北隅因城爲基三臺相距各六十步中爲銅爵臺南爲

金鳳臺北爲冰井臺此蓋曹操於漢獻帝時爲冀州牧所築也鄴中記曰建安十五年銅爵臺成操將諸子登樓使各爲賦陳思王植援筆立就金鳳臺曹公初名金虎至石氏改今名冰井臺則凌室也金虎冰井皆建安十八年建也魏銅爵臺高一十丈有屋一百二十間周圍彌覆其上金虎臺有屋百三十間冰井臺有冰室三與■皆以閣道相通三臺崇舉其高若山云後至趙石虎三臺更加崇飾甚於魏初于銅爵臺上起五層樓閣去地三百七十尺周圍殿屋一百二十房房中有女監女妓三臺相面各有正殿上安御牀施蜀錦流蘇斗帳四角置金龍頭銜五色流蘇又安金鈕屈戌屏風牀牀上細直女三十人牀下立三十人凡此眾妓皆宴日所

設又於銅爵臺穿二井作鐵梁地道以通井號曰命子窟於井中多置財寶飲食以悅蕃客曰聖井又作銅爵樓巔高一丈五尺舒翼若飛南則金鳳臺有屋一百九間置金鳳於臺顛故名北則冰井臺有屋一百四十間上有冰室室有數井井深十五丈藏冰及石墨石墨可書又熬之難盡又謂之石墨又有害粟及鹽以備不虞今窖上石銘尙存焉三臺皆磚甃相去各六十步上作閣道如浮橋連以金屈戌畫以雲氣龍虎之勢施則三臺相通廢則中央懸絕也又按北史齊文宣天保二年發丁匠三十萬人營三臺於鄴因其舊基而高博之構木高三十七丈兩棟相距二十餘尺工匠危怯皆繫繩自防文宣登棟脊疾走了無怖畏時復雅舞折旋中節觀

者莫不寒心又召死囚以席爲翅從上飛下不死免其罪戮
臺成改銅爵曰金鳳金虎曰聖井冰井曰崇光云至後建德
七年三臺遂廢及隋大業三年韋孝寬討尉遲迥遂焚毀蕩
徹了然空虛矣十二月余過鄴鎮登三臺眺望見其殘工斷
隴而問諸山僧野老猶能於荒烟野草中指故都西陵之遺
跡相與悲慨且言銅爵臺今周圍止一百六十餘步高五丈
上建永寧寺金鳳臺周圍一百三十餘步高三丈上建洞霄
道宮冰井臺則北臨漳水周圍止一百餘步高三丈爲漳水
衝嚙一角已崩缺矣余聞世傳鄴城古瓦研皆曰銅爵臺瓦
磚研皆曰冰井臺磚蓋得其名而未審其實夫魏之宮闕焚
蕩於汲桑之亂及趙燕魏齊代興代毀室屋尙且改易無常

況易壞之瓦礫其存於今者亦幾希矣按鄴中記曰北齊起鄴南城其瓦皆以胡桃油油之油卽祖珽所作也蓋欲其光明映日歷風雨久而不生蘚耳有筒瓦者其用在覆故油其背有版瓦者其用在仰故油其面筒瓦之長可二尺濶可一尺版瓦長亦如之但濶倍耳今其真者皆當其油處必有細紋俗謂之琴紋有白花謂之錫花相傳當時以黃丹鉛錫和泥積歲久故錫花乃見然亦未言其信否也古磚大方可四尺其上有盤花鳥獸之紋又有千秋及萬歲之字其紀年非天保卽興和蓋東魏北齊之年號也又有筒瓦者其花紋年號與磚無異蓋當時或用以承簷溜故其內圓外方有若筒然亦可製而爲研然則世所傳有古鄴研多北齊之物耳鄴

人有言曰曹魏銅爵臺瓦其體質細潤而其堅如石用以爲研不費筆而發墨此乃古所重者而今絕無蓋魏之去今千有餘年若其瓦礫皆磨滅爲塵矣且齊之磚瓦至今亦五六百年村民培土求之往往聚衆數百人而踰年不得一二全者則鄴人所謂銅爵冰井者蓋特取其名以炫遠方其不知者從而信之今鄴人僞造彌衆惟嘗識者知其不如古耳故荆國王文公有詩曰吹盡西陵歌舞塵當年屋瓦始稱珍甄陶往往成今手尙記虛名動世人蓋當時亦有此歎也夫古之真瓦不期於爲研今之僞瓦止期於爲研其甄陶固精于古然其質終燥其用不久者火力勝故也雖和以黃丹鉛錫烏能作潤哉惟古之磚瓦散没土中千餘載感霜露風雨之

潤火力既盡復受水氣此其所以含蓄潤性而滋水發墨也
華林苑在臨漳縣鄴城東二里苑後卽南鄴城之西也按石
虎時有沙門吳進言趙運將衰晉當復興宜役晉人以壓其
氣虎於是使尙書張羣發近郡男女十六萬車萬乘運土築
華林苑周迴數十里及築長牆數十里趙攬等上疏切諫虎
大怒曰牆朝成夕壞吾無恨矣乃促張羣以燭夜作起三觀
四門通漳水皆設鐵扉暴風大雨死者數萬人又鑿北城引
水於華林園城崩壓死百餘人虎於苑中植人間名果作蝦
蟆車箱闊一丈深一丈合土載花木所植無不榮茂至高齊
武成間增飾華林苑若神仙所居改曰仙都苑苑中封土爲
嶽皆隔水相望分流爲四瀆因爲四海匯爲大池曰大海海

中置龍舟六艘其行舟處可廿五里又爲殿十二間於海中
五嶽各有樓觀堂殿四海中亦有宮殿洲浦其最知名者則
北嶽之飛鸞殿北海之密作堂也飛鸞殿十六間以青石爲
基珉石爲礎鐫刻蓮花內垂五色珠簾緣以麒麟錦楹柱皆
金龍盤繞以七寶飾之柱上懸鏡又用孔雀翡翠山雞白鷺
毛當鏡作七寶金鳳高一尺七寸口銜金鈴光彩奪目人不
能久視也密作堂周迴廿四架以大船浮之以水爲激輪堂
爲三層下層刻木人七彈箏琵琶箏篪胡鼓銅鈸拍板弄盤
等衣以錦繡進退俯仰莫不中節中層刻木僧七人一僧置
香奩立東南角一僧執香爐立東北角五僧左轉行道至香
奩所以手拈香至香爐所其僧授香爐於行道僧僧以香置

爐中遂至佛前作禮禮畢整衣而行周而復始與人無異上層作佛堂旁列菩薩衛士帳上作飛仙右轉又刻紫雲左轉往來交錯終日不絕皆黃門侍郎博陵崔士順所製奇巧機妙自古罕有其苑中樓觀山池臺殿自周平齊之後皆廢毀矣今其基址詢之故老猶能記其萬一余以記載可考者錄敘如右

彰德路總管府治後花園曰康樂園昔宋至和中韓魏公以武康之節歸典鄉郡因闢牙城作甲仗庫以備不虞遂大修亭池名曰康樂園取斯民共樂康時之義故云魏公自爲記書而刻諸畫錦堂上園中舊有七堂曰畫錦燕申自公榮歸忘機大悲涼堂又有八亭曰御書紅芳求己迎合狎鷗觀魚

曲水廣春又有休逸飛仙二亭故老相傳黃堂廳事肇啟建於節度韓重贊宋太宗歸自河東視其廳曰朕之所居亦不過也上欲留宿重贊奏曰臣以一方之力積歲成此今陛下居一夕卽虛之矣不免勞民重建乞賜守臣豈勝榮幸上乃命設幄宿于廳下而去至魏公大加完節郡廨園亭雄壯華麗甲於河朔又傳休逸堂魏公取鄴城冰井臺四鐵梁爲柱初鐵梁棄鄴臺歲久光瑩無薛剝人以爲神物訶護不敢動及以爲臺柱羣疑始定今園亭廢毀皆不可考惟飛仙臺基在府治敏功堂後今構觀音堂其上臺北十餘步踰小巷後園有休逸臺基面山亭基金節度完顏熙載作養素樓其上今廢其碑尙存其餘則不可知矣畫錦堂記碑今移至魏公

祠堂云公有康樂園詩曰名園初闢至和中思與康時共樂
同一紀年光雖易老萬家春色且無窮歸來敢銜吾鄉勝到
此須知舊鄴雄病守縱疲猶強晝欲隨民適醉東風十二月
余至彰德府治後因游康樂園今皆菜畦麥隴可考者惟休
逸臺荒基餘皆不復辨矣

彰德路城中富財坊南街西第二巷間門扁曰胡公里故胡
按察私第在焉公諱祇通字紹開武安人也祖父俱第進士
公北度居相州六十年旣卒監郡伊爾布哈中順尊慕德望
卽所居立胡公里

緱山書院彰德路城南門大街道左高綽門榜曰杜文獻公
緱山書院諱英文字文玉信安人也避亂居雒陽謀隱緱山故

以此自號云甲辰間尼瑪哈行省徵至彰德辟爲詳議官不就遂隱居教授日與王鹿菴劉神川倡和爲樂中統元年世祖聞其賢命爲大名等路提舉學校官年七十卒葬安陽縣西十里王裕村今其孫秉彝字德常以鄉貢進士積官中書左司郎中請建書院因贈資德大夫翰林學士魏郡公諡文獻設緱山書院列於學官云

崔城湯陰縣東北三十五里有城周迴二百步高二丈土人呼爲崔城世傳文王厄於羑里武王築此城以望之有赤雀見因名云

涼馬臺湯陰縣北十二里有臺高三十尺周迴五百步曰涼馬臺按鄴中記曰後趙石虎所築建武六年虎都鄴洗馬於

洹水築此臺以涼馬故以名云

觀音禪院

井八角

彰德路城中豐安坊有寺曰觀音禪院唐天

禧二年所建寺有八角井父老相傳井中嘗有雲氣如虹眾謂有寶探之其深不可測邵人周邯得崑崙奴善入井曰水精使之入井底良久出曰一黃龍抱數顆月明大珠熟睡水精驚亦病死初州城在井北避洹水泛溢南徙乃包此井于城中云

隋龍興寺碑在彰德路北關外古寺坊東龍興寺寺前豐碑一通是爲隋龍興寺范陽張庭珪八分書其文則相州刺史越王撰蓋所謂信行禪師傳法碑也

陶唐廟在安陽縣西北六十里乞伏村廟有金應奉翰林文

字同知制誥趙秉文所撰碑一通并書篆額後銘曰鬼神睢
盱伏羲受圖人文權輿彝倫既敘五穀旣敷唐文煥乎披昏
挾塗藥民之愚有典有謨位非我娛萬民其孥丹朱其疏陸
水其都人蠱其居吁嗟都兪恩漸於膚今其已夫祝焉忽諸
道祠路隅田婦耕夫或祝或巫白馬同車清風肅如神來有
無清漳之墟歲熟萬區神游藐姑明昌有道千載同符擊壤
康衢走不知乎今世唐氏之民歟

湯聖王廟在安陽縣西北五十里廟有少中大夫山東東西
道按察使胡祇通所撰碑

羗里城文王廟羗城在湯陰縣北六里道左朱綽門門榜題
曰羗里城周文王之廟其城周迴二百五十步高二丈餘門

榜則正議大夫河南江北道肅政廉訪使康里回回所書也
廟有一碑則太常博士借注戶部員外郎兼奉翰林文字胡
祇通記大元至元六年夏十有二日建廟壁龕翰林承旨永
年王磐五言古詩石刻一通按史記音義羗里蓋獄名也夏
曰均臺商曰羗里周曰囹圄皆員土也又按史記崇侯虎譖
西伯於商紂紂囚之羗里西伯迺演周易作六十四卦其臣
閔天太顛之徒求有莘氏美女驪戎之文馬九駟及他奇怪
因商嬖臣費仲獻之紂紂大悅乃赦西伯賜之弓矢鉞鉞使
得征伐又曰紂囚文王將殺之或曰西伯聖人也不可殺紂
曰吾聞聖人有靈德吾將驗焉乃殺伯邑考醢之以食文王
文王食之已而嘔於羗里之門外于是眾信文王爲聖人因

以土封其嘔處謂之嘔子冢其冢今尙存土人訛爲狗子冢
云王承旨鹿菴廟壁所刻詩曰美水淺且清美里餘荒城文
王德如日曾此夷其明陝樹憩召伯箕山栖許生後人起敬
愛木石含芳榮嗟爾一坯土耕犁未全平千秋不磨洗永破
囚聖名我行蕩陰道過之爲停征念昔有殷季虐主方狂醒
銛鋒戮賢聖若刈寸草莖左啖鄂侯脯右啜鬼侯羹茲時無
美里何以紓淫刑美里深杳杳美城高亭亭君王在縲紲不
異南面聽淑氣發神慮淳和助心靈演開伏羲畫剖出天地
精一時雖冥昧萬古垂日星若無美里拘易經何由成易經
在所重美里那可輕康里公字子淵積官至遼陽平章布呼
密文貞王之子翰林承旨庫庫之兄父子皆國之名臣也

西門豹祠漳水之上有祠門扁曰西門大夫之廟按魏文侯使西門豹爲鄴令至鄴會長老問民疾苦對曰苦爲河伯娶婦豹問其故曰鄴俗祀河伯巫視民女好者云當爲河伯婦卽聘取治齋宮河上令女齋戒十日乃洗浴粉飾如嫁狀令坐牀上浮河中行十餘里女乃溺俗傳否則漂沒其民人久以爲然故三老廷掾歲歛民錢數百萬止用二三十萬與巫祝共分餘錢持歸故民有好女者皆遠逃去鄴民困貧其所由來久矣豹曰至爲河伯娶婦願幸相告吾亦往送女衆曰諾至其時豹往會其巫嫗年七十餘從弟子女十人皆單縗爲衣立大巫後豹呼婦視其妍醜巫引女出帷豹曰是女醜不足爲河伯婦煩大巫嫗入報河伯更求好女它日送之卽

使吏卒抱巫嫗投河中有頃曰何久也弟子當趣之乃投一弟子河中有頃曰何久也復投一巫凡投三弟子豹曰巫皆女子不能白事煩三老入白之復投三老河中豹簪筆磬折向河立待顧曰巫嫗三老不來奈何當使廷掾長者一人趣之皆叩頭流血豹曰河伯豈常留客哉于是眾誓不敢爲河伯娶婦皆罷歸矣淫祀遂絕豹又鑿潭水溉田五百餘頃民甚德之因建祠云廟有宋修祠碑一道則錢塘楊蒙所撰其略曰元祐八年癸酉余奉檄策委定武將亂衡潭遲舟于客館父老集琴堂下曰此地之東有祠云西門大夫雖時祭不乏而廟制湫陋邑大夫君行農而謁焉愴然虔矚廼鳩工修祠云其後辭曰潭水可涸兮君之澤方洋洋西山可頽兮君

之名方巍巍新厥宇兮神妥斯琢諸石兮來者師十二月至
祠下拜謁讀碑而退史云廟東北曰永樂浦浦西五里俗謂
之祭陌卽西門豹投巫之所也

案晏殊類要祭陌河作紫陌河

扁鵲廟碑在湯陰縣東南二十里伏道村村之道左一碑題

曰神應王扁鵲之墓其廟併在墓側廟有二碑一碑敎授張

仲文撰一碑大中大夫江南制西道提刑按察使武安胡祇

通撰墓旁生艾治疾爲天下第一今每歲充貢云伏道者昔

商紂知獄繁民怨乃置防城以兵防羑里之囚又伏兵于道

左故云廟壁有左司劉昂題詩一首曰昔爲舍長時方技未

可錄一遇長桑君古今皆嘆服天地爲至仁旣死不能復

案

原本作不能服今正

先生妙藥石起號效何速日月爲至明覆盆不能

燭先生具正眼毫釐窺肺腹誰知造物者禍福相倚伏平生
活人手反受庸醫辱千年廟前水猶學上池綠再拜乞一杯
洗我胸中俗宋仁宗景祐元年九月詔封扁鵲爲神應侯因
上疾愈從醫許希有之請今日神應王未知何代所封也

尉遲公廟碑彰德路城中書錦坊後周太師蜀國公尉遲迴
之廟在焉迴爲周將征伐有功初滅北齊以迴爲相州總管
至隋文帝以計徵迴欲圖之迴廼率諸州舉兵數十萬及爲
楊素韋孝寬高穎等師所敗遂上樓自殺至唐開元中州多
怪厲刺史至輒死吏民疑懼于是刺史張嘉祐以迴死國難
忠臣也爲立祠以祀之後刺史吳克復加以冕服初嘉祐之
建祠也顏真卿爲記其事蔡有鄰書之碑陰紀迴靈異之事

言雨暘隨禱輒應回風驅蝗使境內無害每至秋夜有雙鶴
下集廟庭郡人至今稱以爲異云唐張嘉貞宋璟皆刺相州
有惠政今並配食廟庭魯公所撰碑略曰有周上柱國蜀國
公河南尉遲迴字居羅

按周書作
薄居羅

代人也因部立家遂雄荒

服父俟兒

案周書
作俟兜

尙魏太祖姊昌樂公主贈太傅迴仕魏爲

散騎侍郎歷大丞相帳內都督尙金明公主進爵車騎將軍

領侍中尙書左僕射伐侯景有功詔兼梁益等十八州事周

之興也進蜀國公邑萬戶總秦衛文康十四州事大司馬冊

太師加上柱國授相州總管宣皇晏駕京師將徵公公以隋

公當權辭不受代公子魏安公沁東之敗也公綠巾尙整

按周

書迴別統萬人皆綠
巾錦襖號曰黃龍兵

猶背城請戰黃龍已潰則登樓自裁又

云公凡事二代易九朝忠不辱隋節能奉上唐武德中改葬
表墓開元丁丑乃建廟云開元二十六年二月二十一日華
州鄭縣尉閻伯璵敘秘書省校書郎顏真卿銘蔡有鄰書

彰德城中嘉惠曲盡錦坊故宋丞相魏國忠獻韓公琦之廟
在焉重門修廡中爲大殿殿肖公像袞冕龍榻侍從之臣相
向拱立儼然廟堂氣象蓋公熙寧初力辭上宰再典鄉邦未
半歲河北地震水災命公安撫四郡移鎮大名相人思之卽
公畫錦坊故第築生祠以祠公廟昔有宋中書舍人王覲所
撰碑兵毀不存國朝重建廟碑一通晉州判官高書訓所撰
高公太原人官至國子

尚書高鳴雄飛子也庭西畫

錦堂記碑一通至元開禹墓而刻宋參知政事歐陽修撰翰

林學士蔡襄書龍圖學士邵必大篆世稱爲四絕碑云府學之西亦有公祠堂宋鄂州嘉魚令邱鄺爲撰廟記其碑今置府學儀門下安陽縣治之南護國顯應廟西隅亦有公廟蓋宋勅建者郡人稱爲雙廟也至若大名府之廟碑則丞相溫國文正公司馬光撰磁州之廟碑則知真定揚子縣事徐薦撰其陝西之秦州河東之太原淮南之揚州河北之真定暨中山府皆有公廟大河南北凡八所至今皆祀之不絕也書錦新廟殿壁龕公書畫錦堂詩石刻一道詩曰重向高堂舉宴杯四年牽強北門迴故園風物都如舊多病襟懷遂一開白髮恥夸金絡騎綠陰欣滿石梁臺因思前彥榮歸者未有三曾畫錦來西燕則有郡人緱山杜英所題詩扁詩曰輪囷

日下五雲飛此是先生唱第時龍上青天蛇有力鼠潛舊穴
馬空肥縱橫邊議三千牘照耀身名六一碑壞壁百年遺像
在郡人爭看錦爲衣按公薨於相之府治英宗震悼命陪葬
山陵其家懇辭乃命入內都知張茂則敕葬公於安陽縣西
北三十里豐安鄉天子御製碑文題曰兩朝顧命定策元勳
之碑命龍圖閣學士宋敏求卽墳所書冊賜守墳寺曰傳孝
報先之寺云十二月余偕下邳人李亨至祠下謁拜讀庭下
二碑及讀詩扁而退

安陽縣西北五里四十步洹水南岸河亶甲城有塚一區世
傳河亶甲所葬之所也父老云宋元豐二年夏霖雨安陽河
漲水齧塚破野人探其中得古銅器質文完好略不少蝕眾

恐觸官法不敢全貨于市因擊破以鬻之復塞其塚以滅跡
自是銅器不復出矣

黃堆塚在河亶甲西南世傳乃河亶甲后之塚也

魏武高平陵在鄴鎮西南三十里周迴二百七十步高一丈
六尺十二月余登銅爵臺西望荒郊烟樹永寧寺僧指示余
曰此曹公之西陵也

曹操疑塚在滏陽縣南二十里曰講武城壁壘猶在又有高
臺一所曰將臺城外高丘七十二所參錯布置纍然相望世
云曹操疑塚初操之葬以惑後人不致發掘故也塚間有曹
公廟殿屋甚華麗廟北一高邱之前鉅碑一通螭首龜趺齊
思王之碑姜一芝所撰云西望西陵不十餘里烟樹歷歷可

見十二月余按轡其間自午抵暮縱橫出入墓中不知所向
噫何其用心之詐也使操能見武侯八陣圖則有愧多矣

朝陽陵在臨漳縣鄴鎮東北九里卽魏文帝文昭皇后朝陽
陵也按魏略甄后中山無極人初嫁袁紹子熙及魏武帝破
鄴文帝時爲太子因納爲夫人生明帝爲郭后所譖賜死後
文帝以郭后無子詔爲養子明帝以母不以道終意甚不平
嘗從文帝獵見子母鹿文帝射殺鹿母遂使射其子帝曰陛
下已殺其母臣不忍復殺其子因涕泣文帝收弓矢大奇之
而建儲之意遂定及帝卽位追諡曰文昭皇后太和四年使
太常卿甄霞持節改葬于朝陽陵今陵旁一塚父老曰李夫
人塚后與夫人甚相善故得祔葬焉

安陽縣東四十里永和鎮城西二百步漢欒巴廟在焉范蔚
宗漢書欒巴魏郡內黃人也好道而性質直順帝世累遷爲
太守後爲尙書以上書極諫起憲陵侵毀小民墳塚下獄禁
錮還家及陳蕃竇武輔政召拜議郎蕃武被誅巴復上書極
理其冤帝怒下詔切責收付廷尉巴自殺遂歸葬而邑人於
此立廟云墓在鎮東南二十六里週迴一百步高二丈云

晉嵇侍中廟墓湯陰縣西南一百二十步曰浣衣里道左小
碣題曰晉忠臣嵇紹之墓墓周迴二百步高二丈餘廟在墓
側有宋碑一通乃淮南節度使司徒兼侍中判大名府兼北
京留守司事大名府路安撫使魏國公韓琦記并書熙寧三
年八月十五日縣令張琳立石其碑曰夫以忠事君人臣之

常分也然遭大變臨大節或心無所主爲禍福所動以苟一時之生而貽萬世之戮者多矣若其鼎鑊在前鋒刃加已能挺然知義之所在分固當爾輕其命若鴻毛然卒死而不顧者幾何人哉惟晉侍中贈太尉忠穆嵇公則其人也方惠帝昏弱諸王肆亂各萌僭奪以相屠害故帝之北征也公馳赴行在力當國難而成都王穎以兵犯乘輿衛從奔散獨公端冕侍側以身扞帝至血濺御衣而殞嗚呼公之知義明分可謂得其死不爲難也故其大忠偉節赫然與日月爭光崋然與山嶽爭高天地不可窮而公名亦不可窮矣宜乎百世之下有國家者欽遺風想餘烈置祠奉祀永遠不絕也相之湯陰卽公死難之所其廟在焉前之爲邑者不知追顯忠義爲

政所先因循不葺底於大壞今令張君琳至則首拜祠下覩其隳敝之甚驚而嘆曰茲不職之大者也亟舉公事跡與夫朝廷崇祀之意諭於邑民民皆欣然願共力以完之令乃寬與之約聽其營辦不數月而祠宇一新于是民益知夫大賢之忠於國者雖死於不幸後世必載祀典嚴廟貌奉事尊仰之如此皆思勉而爲善自一邑而推一郡繇一郡而推諸四方則其爲勸也豈小補哉廟完具書來告以余嘗兩守鄉邦願志本末噫忠義之心人皆有之但勉而不力執之不固遂不至于古人余亦勉而執之者跂忠穆之風尤寤寐以自激文雖甚陋惡敢吝而不書又晉書載公死難血濺御衣事平左右欲澣帝衣帝曰此穉侍中血勿去詔葬縣南賜曰澣衣

里仍立廟焉廟有國朝翰林承旨鹿庵王磐律詩一首曰十
載家艱恨未消又持手板事昏朝已知定亂功難就猶幸臨
危節可要忠血數斑霜藻火英名千古迫雲霄一盃欲酌祠
前土野鶴昂藏未易招磐字文炳廣平人亡金進士入國朝
累官至承旨致仕居東平年九十二歲卒諡曰文忠十二月
蚤至湯陰南門拜謁廟墓讀碑而去余嘗讀趙文敏公松雪
齋文集有紀夢嵇侍中曰延祐元年十一月十九日彰德朱
長儒道其邦人之意求書晉嵇侍中之廟六字余每敬其忠
節不辭而書之運筆如飛若有神助是夜京口石民瞻館予
書室中夢一丈夫晉人衣冠蓬首玄衣流血被面謂民瞻曰
我嵇侍中也今日趙子昂爲余書廟額故來謝之民瞻旣覺

猶汗流亦異事也翰林學士承旨榮祿大夫知制誥兼修國史吳興趙孟頫志

臨彰縣南鄴鎮西北五里紫陌側晉高僧佛圖澄墓在焉澄天竺人俗姓帛氏永嘉年來洛陽雖未嘗讀儒家書與一時學士辨論無能屈者澄身長八尺腹旁一竅常以絮塞夜欲讀書則拔其絮竅中光出照於一室又常至水際引腸滌之還內腹中善誦神咒役鬼神以麻油雜燕支塗掌上則洞見千里外事令齋戒者皆得見之又能聽鈴音以言吉凶無不驗石勒兵屯葛陂大殺沙門澄匿勒大將郭黑略家黑略言於勒召試道術取鉢水咒之生青蓮花勒由是信之勒之獲段末波擒劉曜皆先驗澄之鈴音也至石虎傾心敬事使衣

綾錦乘雕輿太子常侍皆舉轡扶翼升殿主者唱大和尚羣
臣皆起以彰其尊後虎大饗太武殿澄吟曰殿乎殿乎棘子
成林壞人衣乎虎發殿石視之果有棘生焉澄意本在冉閔
小字棘奴也澄還寺獨語曰得三年乎自荅不得又曰得二
年一年百日一月乎自荅不得遂不復言謂弟子曰戊申禍
亂漸萌己酉石氏當滅吾及其未亂先化去矣遣人與虎辭
虎詣寺見澄澄曰出生入死道之常也修短分定非所能延
今意未盡者以國家心存佛理崇顯寺廟宜享休祉柰何布
政猛烈終無福祉若降心易慮惠此下民則國祚延長道俗
慶賴歿無恨矣虎知必逝悲慟嗚咽卽命於漳水西紫陌鑿
壙營壽藏十二月八日澄卒於鄴宮寺是歲晉永和四年也

後有沙門雍州來稱見澄西入關虎發壙視之惟一石虎惡之曰石者朕也葬我而去吾將死矣明年虎果死

湯陰縣北十里有古壘南北斜長五里父老云唐九節度師營壘也壘東北有萬人塚卽九節度潰兵之遺骸乃節度使薛嵩掩骨作此大塚命幕府御史陸長源撰記刻碑立塚上云

安陽縣西北五十里水冶村魏國韓諫議墓在焉諫議丞相忠獻公父也神道之碑則樞密使富弼撰翰林承旨王珪書碑首題曰宋故大中大夫行右諫議大夫南陽郡開國男贈開府儀同三司太師中書令兼尙書令魏國公韓公神道碑銘其碑略曰公諱國華字光弼太宗初中興國二年甲科授

大理評事通判瀘州遷右贊善大夫改彰德節度判官盡挾
姦隱諸豪不敢犯升祕書省著作郎監上蔡稅以監察御史
召望高臺閣屬天子議復燕薊揣廷臣勇而善辭令者諭高
麗西攻契丹以分其力旣曰非韓某不可卽假以太常少卿
爲使公馳舸至其國其王負固不受命公諭以禍福王大恐
遣大將領兵數萬渡湏江以侵契丹公復命天子大喜拜左
拾遺直史館賜五品章服兼判登聞鼓院入三司爲開封推
官遷左司諫充鹽鐵判官久之契丹大將蕭寧使叩雄州約
戰知州留福信之以聞天子因思高麗功立命公走雄州按
其事亦令代福作報書索其情僞寧之意欲我先發公固願
息兵養民念國體不可屈書乃謝使者急令備邊還奏天子

又大喜歷判鹽鐵度支戶部三司院有密讒於帝者帝雅信公詔總判三司賜三品章服公益奮條三司不便事二十七上之官民偕利遂著爲法俄而出爲京東轉運副使卽拜峽路轉運使真宗卽位入判大理寺秩凡五遷爲職方郎中出知河陽徙潞州契丹入掠河朔公以精騎屯吳二谷契丹不敢犯境帝嘉之褒以璽書契丹再至澶淵首命公假秘書監爲國信使江南飢又遣巡撫一道還朝權開封府判官出知曹州徙泉州天子封泰山擢諫議大夫召歸道病卒於建陽驛泉人聞之傾一州來會哭朝廷舉卹典賜一子官公六子球德清尉珙將作簿琚兩浙轉運琬河陽參軍璩秘書著作郎不幸繼亡琦相仁宗皇帝被遇今天子立爲門下侍郎兼

兵部尙書同中書門下平章事昭文館大學士魏國公望重
天下勛冠列辟以公積德儲慶所宜享厚報然恨公早世不
克待其發而發于丞相丞相以似以繼其傳之者其可涯邪
銘曰士孰不官公官獨難使臨東夷跨海渺漫指揮出師勢
分狄患王始倔强恃遠且艱祝詔揀刺不奉其虔公怒移書
以訶以譴諭以禍福日月之觀王雖島首聞義惕然發兵饋
糧革頑易慤對廬褥薩伏命館門能俾遠人舉國奔職不憚
已勞不畏鄰隙又俾強敵斂其毒螫二邦由公一舉斯得繼
走朔陲議收戈戢坐策立判敵姦下施不爲其欺國不挫威
兩使外禦天子再怡出知四州大用是宜而卒不用讒人之
爲復不永年道卒不歸遐邇奔赴與考同之位不都躬萃于

幼嗣曰將曰相勲德名世本志源流公得何異何以畀之天相其類天實使然人亦靡然書之冥然其昭昭然

劉神川先生墓安陽縣南關焦道菴士劉神川先生藁殯之所也先生名祁字京叔渾源人金狀元南山翁撫之曾孫正大間監察御史從益字雲卿之子先生與弟郁字文季皆以文章德行馳譽大河南北後寓輝州甲辰尼瑪哈中書招置幕下年四十七卒有神川遜士集行世又著歸潛志以紀金末喪亂之事與太原元裕之王辰襍編關西楊奐然天興近鑑東明王百一汝南遺事微有異同今修三史金國之事蓋多取其語云

河朔訪古記卷中

河朔訪古記卷下

河南郡部

河南郡部河南府路禹貢豫州之域周武王定鼎於郊廓則
今王城也成王卜瀍水東澗水西卽今府城也秦置三川郡
謂大河伊洛三川也項羽以瑕丘申陽爲河南至漢爲河南
郡光武都洛陽魏置司州襲都於此西晉亦都洛宋孝武自
此遷都長安東魏改洛州周大象間爲東京置洛陽郡隋爲
洛州大業間遷都於此改曰豫州尋爲河南郡唐復爲洛州
號曰東都五代梁改西京宋爲西京河南府金改曰金昌府
全勝軍國朝改曰河南府路領州一曰陝州陝州統縣四曰
洛陽曰偃師曰登封曰鞏

謹案元史地理志當作領州一縣
八縣曰洛陽宜陽永寧登封鞏縣

孟津新安偃師州曰陝州陝州
統四縣曰陝縣靈寶閿鄉澠池

洛陽縣周之下都是爲成周也漢爲河南郡治曰平陰縣東
漢改洛陽縣晉曰金墉城唐曰來庭縣神龍初仍改洛陽宋
金因之國朝爲河南府路附郭縣

白馬寺洛陽城西雍門外白馬寺卽漢之鴻臚寺也永平十
四年摩騰三藏法師以白馬馱經至此因建寺以白馬名焉
鴻臚寺漢爲掌四譯客官署三藏以西域僧故得館于此自
古惟官府有寺佛廟得名蓋踵鴻臚之名始于白馬也寺有
鬪聖堂一所世傳三藏與褚善信讎校經義之所又有三藏
贊碑一通撰文書篆皆宋眞宗御製也又有翰林學士蘇易
簡所撰碑一通備載寺之興廢始末甚詳至欽宗靖康時毀

于金人兵火逮國朝至元七年世祖皇帝從帝師帕克巴之
請大爲興建門廡堂殿樓閣臺觀鬱然天人之居矣庭中一
鉅碑龜趺螭首高四丈餘碑首刻曰大元重修釋源大白馬
寺賜田功德之碑榮祿大夫翰林承旨閭復奉勅謨碑曰聖
上大德改元之四年冬十月釋源大白馬寺告成詔以護國
仁王寺水陸田在懷孟六縣者千六百頃充此恒產永爲皇
家子孫祈福之地仍命翰林詞臣書其事于石臣復謹按清
慧真覺大師文才所具事蹟漢永平中摩騰竺法蘭以白馬
馱經至於西雍初假館于鴻臚後卽東都雍門外建白馬寺
爲譯經之所嗣後沙門踵至若康僧會之於吳佛圖澄之於
晉鳩摩羅什求那跋摩之於宋玄奘無畏之於唐千載而下

經論日繁教風日競北至幽都南踰瘴海東極扶桑西還月窟蓮宮梵宇彌亘大千實權輿于此縣厯劫火寺之興廢有可考者宋翰林學士蘇易簡文石在焉國初有僧曰英山主以鑿術居洛罄藥囊之貲謀爲起廢或訝其規模太廣工用莫繼則曰茲寺中華佛教根柢他日必有大事因緣余第爲張本爾至元七年帝師大寶法王帕克巴集郡國教釋諸僧登壇演法從容詢於衆曰佛法至中國始于何時首居何刹扶宗弘教大師龍川講主行育時在衆中乃引永平之事以對且以營建爲請會白馬寺僧行育言與行育叶帝師嘉納聞於世祖聖德神功文武皇帝特勅行育綜領修寺之役經度之始無所取財遍訪檀施於諸方浚更歲籥而未覩成效

帝師聞之申命大師丹巴董其事丹巴請假護國仁王寺田租以供土木之費詔允其請裕宗文惠明孝皇帝時在東宮亦出帛幣爲助于是工役始大作爲殿九楹法堂五楹前三其門傍翼以閣雲房精舍齋庖庫廩以次完具位置尊嚴繪塑精妙蓋與都城萬安興教仁王三大刹比勩焉始終閱二紀之久緣甫集而行育卒詔贈司空鴻臚卿諡護法大師文才繼主席酬酢衆務率其屬敏于事者曰淨汴等以畢寺之餘功落成之際仁王寺欲復所假田租文才卽遣僧奭言於丹巴曰轉經頌禧寺所以來衆僧也有寺無田衆安仰丹巴令宣政院官達什愛滿等奉請遂有賜田之命且勅有司世世勿奪云寺二一在宜陽縣治西九十里又一在永寧縣東

南二十五里

應天禪院在河南府城東北市坊火燒街卽太祖降生甲馬營故基也大中祥符九年西京應天院太祖神御殿成爲屋九百九十一區命宰相向敏中爲奉安聖容禮儀使入內都知張景管勾奉迎勅諫議大夫戚綸告永昌陵

上清宮在洛陽縣西北北邙山之西唐老子廟乾封賜額曰玄元皇帝廟開元末西北別建立元觀復改曰上清宮宮壁有吳道子畫神堯太宗中宗睿宗玄宗五帝御容又有玄宗齋宮詩碑朱溫廢爲老子廟後唐莊宗復爲上清宮云杜少陵有冬日洛陽謁元皇帝廟詩卽其宮也牛口谷榆窠園皆在宮之相近云廟壁龕杜甫五言古詩一首唐陸肱所書碑

也

嵩陽宮在登封縣北五里本漢武帝宮也後魏建精思觀隋改上陽觀唐武后改嵩陽宮大中祥符二年改天封觀後復爲嵩陽宮宮有漢武帝御井古栢二株蔭數百步武后皆封五品大夫世稱大小將軍云宮前聖德感應頌碑一通唐徐浩書殿東柱刻曰國子博士韓愈與著作郎樊宗師處士盧仝道士趙元遇元和四年三月二十六日題

崇福宮在登封縣東北四里乃古太乙之所治也宮後有太乙殿殿後有太乙泉云至宋章聖朝合州進木文丈人其事甚怪比至京木中人呼萬歲者三詔賜崇福宮安奉故李廌方叔有詩曰真人友造化故與物爲一持此誠與神可貫金

與石何爲輒入木厭世未肯出衣冠儼如生隱若顧陸筆

測影臺在登封縣東南二十五里天中鄉告成鎮周公測影臺石蹟存焉告成卽古嵩州陽城之墟是爲天地之中也臺高一丈二尺周十六步可容八席周禮大司徒以土圭之法測土深正日景以求地中建王國焉日至之景尺有五寸謂之地中唐開元十一年詔太史監南宮說以石立表宋大中三年汜水令李偃重建增崇七尺國朝至元十六年太史令郭守敬奏設監候官十有四員分道測景十八年奉勅于古臺之北築臺高三十六尺中樹儀表上爲四銅環規制極精緻命有司營解舍門廡又於古臺新臺南建周公之廟以祀之其碑則河南憲史李用中譔文也臺西則天中觀云

嵩山中嶽廟在登封縣東一十二里曰中嶽廟殿屋宏麗棗樓四闕角複道聯屬擬於宮庭三門之下二衛神皆鐵鑄極雄偉兩廡碑石森列皆國朝代祀者所立也又有唐碑一通韋行儉所撰宋碑三通盧多遜王曾陳知微所撰國朝修廟碑一通則廬陵歐陽玄撰也廟西又有鎮皇廟云中嶽之神今封爲中天大寧崇聖帝

中嶽中天崇聖帝廟在登封縣按中嶽唐武太后垂拱四年改嵩山爲神嶽加嶽神爲太師使持節仲嶽大都督封中天王禁斷芻牧萬歲登封元年尊爲神嶽中天黃帝天靈妃爲天中黃后後罷之明皇天寶五載封中天王至宋大中祥符四年號中嶽崇聖帝貞明后乾興元年改顯明皇后唐開元

八年建考唐制每歲土王河南尹奉詔祀嶽至宋亦知府往祠慶厯後通判攝事今在縣東北九里按其神性慈傳五戒不享葷辛廟始在東南嶺上今廟之東後魏太武帝大安中徙於神蓋山在今廟之北至宋大武方移於此廟南有雙石闕外石人一對闕上多記刻後漢安帝元初年建

昇仙太子廟在偃師縣南古緱氏縣東南二十里曰府店店南緱氏之上有昇仙太子廟古曰王仙君廟漢武建西王母祠於其右王母姓緱氏故以名其山云唐武后萬歲通天元年改賜今額又曰賓天觀觀有唐二碑一通乃左相陳希烈撰文徐浩書一通則武后自書撰也二碑今皆不存今惟一碑國朝陳天祥所撰者也天祥敷厯臺諫素有風節爲時

名臣贈平章政事趙國公諡曰文忠世尊之爲緱山先生按
神仙傳曰周靈王太子名晉字子喬好吹笙作鳳鳴遊伊洛
之間浮丘公接以上嵩高山學神仙之道三十年後七月七
日乘白鶴而去因立祠于緱山之下焉祠南有浴鶴池仙屋
石室武后于石室中開石匣得一古劒神光赫然緱山大抵
若覆盂之狀高不百尋周不數里且無泉石之勝因仙居之
名而著聞四方也土人云至今風月清夜窅然時聞笙簫之
聲

漢光武帝原陵在臨平亭南方三百二十步高六丈西望平

陰去洛陽東南十里

按帝王世紀
作十五里

漢明帝顯節陵在洛陽縣東南三十七里故富壽亭也陵周

三十丈二尺無周垣行馬四出在殿北提封田七十四頃

漢章帝敬陵帝王世紀曰在洛陽縣東南三十九里陵周三
百步高二丈六尺無周垣爲行馬四出司馬門鐘虞皆在行
馬內寢殿園省在東園寺吏舍在殿北提封田十二頃五十
七畝八十五步

按河南志作提封田
二十頃五十五畝

和帝慎陵在洛陽縣東南四十一里陵周三百八十步高十
丈

順帝憲陵在洛陽縣西十五里陵周三百步高八丈四尺北
邙山下制度並同前但鐘虞在司馬門內寢殿園省寺吏舍
在殿東提封田四十八頃十九畝三十步

魏明帝高平陵在洛陽縣東南四十里大石山卽萬安山也

宋太祖永昌陵在芝田西十里陪葬子孫十五墳

宋太宗永熙陵在芝田西南四十里皇堂深百尺方廣八十尺陵臺方二百五十尺置守陵五百人陪葬子孫凡八墳
眞宗永定陵在芝田北五里皇堂深八十一尺上方百四十尺

仁宗永昭陵在芝田北十二里初崩發諸路卒四萬六千七百八十人修奉山陵

英宗永厚陵南至定陵七里一百三十步東至昭陵九十步
神宗永裕陵在永厚陵之西

哲宗永泰陵在裕陵東北

漢劉寬墓在洛陽上東門外墓南二碑漢隸蔡邕所書碑碑

首題曰漢太尉車騎將軍特進遂鄉侯劉公碑其一碑門生
殷包等所立碑陰刻贈物緣含玉落星錦之類一碑故吏李
謙所立也碑陰刻故吏鄉里名氏云二碑所載與漢書同但
遷官次序頗略異耳寬以漢中平二年卒至唐咸亨元年其
裔孫胡城公爽以碑歲久皆仆于野爲再立之併記其世序
云嗚呼前世士大夫世家著之譜牒故自中平至于咸亨四
百餘年而爽能知世次之詳也今之譜學亡矣雖名臣鉅族
未有家譜然而俗尙苟簡廢失者豈止家譜而已哉

杜氏墳在鞏縣西五十二里首陽山東唐杜審言及子閑孫
甫三世墓皆在焉

宋參知政事范文正公仲淹墓在洛陽縣南七十里神陰鄉

彭姿店東北萬安山下其子丞相忠宣公堯夫以下皆祔葬
兆內文正公之碑則歐陽文忠公撰文額曰懷賢之碑忠宣
公神道碑則曾文昭公肇撰文額曰世濟忠直之碑墓東則
守墳哀賢寺寺有范氏復祖墓碑一通天台陳基之文也其
略曰宋太師魏國范文正公以上三世墳墓皆在吳門之天
平山至公始葬洛陽母謝夫人之兆其子丞相忠宣公以下
三世皆祔焉靖康之亂子孫在吳弗獲展墓逮我元混一故
公克登祀典有司致祭惟謹公八世孫文英謂其子廷方曰
吾子孫幸生明時憑藉餘澤食有義田居有義宅教有義塾
而祖宗邱隴鞠爲芻牧之區尙安得爲子孫哉廷方自吳門
不遠數千里致其父命于河南僉憲李齊御史沃嘒海壽出

金爲倡率其鄉黨牧倖奉牲墓下豪民觀感卒復所封舊地
薙草繚垣壤樹築室俾甥趙氏廬其上又曰文正公以間生
之氣王佐之材致位將相爲宋忠臣誦其詩讀其書可以立
忠信而尊君父興王道而致太平其父子窀穸使斧斤耒耜
相尋其中豈國家尸祝以待先賢之意乎基字敬初能詩文
游京師名稱藉甚則余之故人也

邵康節先生之墓在洛陽縣南伊闕西南九里曰辛店伊水
西也

洛陽金石刻 漢碑 太尉劉寬碑二通 丞相蕭何碑

折作

兩段 魏碑 三斷碑二通

皆漫無字

齊碑

佛龕碑

天統三年立武平二年

刻年 二祖天師碑 馮翊王平等碑 後魏碑 侍中廣平

穆王碑

俗云陵塚碑
大昌元年立

景王碑

魏汝南文宣王碑

末帝

碑元魏碑

韓殷隸書天
平四年立

昇仙太子廟碑

梁雅

唐碑

啓母廟碑

楊炯

金字碑

韓滉

義成軍節度使曹公碑

長慶

四年立

程公碑

陸賢書開元二十年立

劔南東西川鹽鐵青苗租庸

等使兼殿中侍御史虢州刺史嚴公碑

顏頤書元和中立

龍門龕

石像碑

袁元哲書

彭王傅贈太子少師徐浩碑

次子徐峴書

啓聖

宮臺勅碑

太子亭題

雒陽尉馬允中碑

黃門侍郎孫公碑

荊州長史孫公碑

張廷諷書

延州刺史孫公碑

開元二年立

齊州

刺史崔府君碑

崔平書大
中八年立

陳公碑

肅祐立

右僕射曹公碑

正元四年立

左僕射牛公碑

長慶三年立

邕州刺史裴公碑

鄭還古書

開成五年立

房州刺史盧府君碑

張文福書正元九年立

東都留守盧

府君碑

開元中立

太原少尹盧府君碑

張文禧書正元九年立

歙州刺

史郭府君碑

開元十二年立

散騎常侍黎公碑

嗣子書太和中立

塞軍

使張公碑

丞相司空李公碑

太和中立

明威將軍田府君碑

韓尊師道德碑

開成四年立

太子賓客王府君碑

周武書大歷中立

工部侍郎趙公碑

王宣書開元十年立

左衛大將軍卞國公泉公

碑

彭果書

左僕射太子少保劉公碑

都督隴右羣牧韋公

碑 秦公碑

太子少師崔公碑

廬州司馬劉府君碑

真堂記碑

測景臺記碑

會嘉寺碑

徐洪八分書

嵩岳廟碑

入分書

嵩山寺頌碑

胡莫書開元十七年立

辯正禪師奉先塔銘碑

徐峴書

太子翊善鄭公碑

光福寺塔題名碑

王仲舒書

嵩山

題名碑

韓愈書

江陰縣令武登碑

長慶四年立

澠池縣南館記

碑

盧元卿入分書

太子賓客孟簡碑

普寧郡王陳府君碑

蕭祐書

權公碑

太原尹唐公碑

盧曉入分書

工部侍郎趙國公碑

襄陽李公碑

惠林寺題名碑

惠林寺新修軒廊記碑

清河崔公碑

太子賓客孔府君碑

諫議大夫王府君

碑 白樂天墓志碑

刑部尚書白居易碑

許邠書

吏部郎

中盧府君碑

如雲筠禪師碑

楊遠書

尊勝幢碑

篆書

心經

幢子碑

篆書

白樂天龍門八節灘詩碑

樂天自書

鄭州司馬王

公碑

景龍三年立

伊州刺史衙府君碑

長安三年立

蕭府君碑

杭州刺史李公碑

郗公書

邛州刺史狄君碑

幽林思嵩山

詩碑

韓覃書

杜甫題玄元皇帝廟詩碑

陸肱書

白樂天香山

寺詩三十韻碑

賀枝恭書

李德裕平泉山居詩碑

天后御製

詩碑

王知恭書

後魏大將軍泉府君碑

華夷圖碑

洪州錄

事參軍趙道先碑 節度使畢公碑

唐惟蔚書咸通六年立

魏公碑

太和六年立

隋州錄事參軍狄公碑

河朔訪古記卷下終

河朔訪古記跋

文瀾閣本河朔訪古記三卷上卷常山郡部眞定路中卷魏郡部彰德路下卷河南郡部河南府路凡百三十一條璜川吳氏活字板本竝同案葛邏祿氏原書已佚

四庫全書從永樂大典中錄出彙編分眞定路爲一卷河南路爲一卷凡百三十四條不應更有二本殆編定後又有所更易耶劉仁本序稱其以感觸興懷慷慨激烈成詩歌者繼之今三卷中都無一首蓋所謂十六卷者散佚多矣焦氏國史經籍志至失其姓氏幸有劉序尙可識其爲葛邏祿氏作予考金臺集楊彝後序云易之自幼篤學爲詩旣長訪古河朔歷覽山川以達其趣亦可爲一證辛丑季夏錢熙祚識

